



# OLE

მწერალთა ასოციაცია  
„ლიტერატურული კახეთის“ გამოცემა

The Literary Magazine OLE



მარტი, ივნისი, სექტემბერი №1 (28), 2016

ჟურნალი გამოდის 2004 წლის ივნისიდან  
ISSN 1512-3995

**ოლე** – ბრყენა, გინა მოგრძე ტყე ველთა შუა  
*სულხან საბა*

**ოლე** – ახოში საჩრდილობლად დატოვებული  
ხე  
*ქართული ენის განმარტებითი ლექსიკონი*

**ოლე** – გიორგი ლეონიძის პოეტური შედევი

## მთავარი რედაქტორი აკაკი დაუშვილი

**რედაქტორები:**  
ფარნა რაინა  
ნუნუ ძამუკაშვილი

მისამართი: 2200 თელავი  
ერეკლე II-ის გამზირი №6  
III სართული  
მობ: 555 46 44 29  
მწერალთა ასოციაცია  
„ლიტერატურული კახეთი“  
მობ: 558 48 24 80

„ოლეს“ რედაქციაში შემოსული მასალა  
არ რეცენზირდება და ავტორს არ უბრუნდება

მასალების გამოგზავნა შეგიძლიათ  
ელექტრონული ფოსტით  
E-mail: akakidau@mail.ru

ჟურნალის წინა ნომრების შეძენა  
შეგიძლიათ რედაქციაში

ჟურნალი „ოლე“ გამოიცემა თვითმ-  
მართველი ქალაქი თელავის მუნიციპალიტე-  
ტის (მერი ბატონი **პლატონ კალმახელიძე**)  
და თვითმმართველი თემი თელავის მუნიცი-  
პალიტეტის (გამგებელი ბატონი **ალექსანდ-  
რე შათირიშვილი**) მხარდაჭერით.



გამოდის სამ თვეში ერთხელ



„ოლე“ ლიტერატურული ჟურნალი



## შინაარსი

**ლადო მრეაშვილი — 90**

- 2. **ზაალ გოტკოველი.** იყალთოელი ბიჭები
- 3. **ლია ნადირაშვილი.** საამაყო მწერალი და მამულიშვილი

### მხატვრული ლიტერატურა

- 4. **ფარნა რაინა.** ლექსები
- 22. **რეზო (ეგელიანი) ადამია.** წმიდა ნინო. რომანი
- 37. **ვასილ გოსტაშვილი.** დიდგორი. პოემა
- 45. **ნუნუ ძამუკაშვილი.** ლექსები
- 48. **შოთა რაინაშვილი.** მინიატურები
- 49. **თინათინ მრეაშვილი.** ლექსები
- 53. **ზიზო გურდული.** ჩანახატები. ლექსები
- 55. **ეველინა სუციშვილი.** ლექსები

### დოკუმენტური პროზა

- 56. **ოთარ სუციშვილი.** ორი მინიატურა

### თარგმანი

- 58. **სერგეი ჟაი.** აგენორი. მოთხრობა

### საქვეყნო სატკივარი

- 61. **ციური გადურაშვილი.** ღირს ამაზე დაფიქრება...

- 63. **კულტურული ცხოვრების ქრონიკა**

გარეკანის პირველ გვერდზე  
**გოჩა გალათრიშვილის** ნახატი

დაიბეჭდა შპს „ფავორიტი სტილში“



ზაალ გოტკოველი

2



იყალბოული ბიჭები

რა დრო გასულა მას შემდეგ, რაც თქვენი მონა-  
მორჩილი გატაცებით კითხულობდა იყალბოული ბი-  
ჭების თავგადასავალს, კითხულობდა სუნთქვაშეკ-  
რული, აღტაცებული და თუ რამეს ნატრობდა, მხ-  
ოლოდ იმას, როგორმე მათ რიგებში მოხვედრილიყო,  
მათი ფათერაკებით სავსე ცხოვრების თანაზიარი  
ყოფილიყო.

მერე კი არსთაგამრიგემ ისე მოაწყო ჩემი  
ცხოვრება, რომ „იყალბოული ბიჭების“ შემქმნელი  
უფროს მეგობრად მიქცია და ათწლეულების განმა-  
ვლობაში ერთმანეთის ჭირისა და ლხინის გამზიარე-  
ბელი გაგვხადა.

ლადო მრელაშვილი!


საქართველოს, ქართული მწერლობის, ქართუ-  
ლი სიტყვის ერთ-ერთი გამორჩეული მეციხოვნე და  
მეაბჯრე.

პოეტი, პროზაიკოსი, პუბლიცისტი.

თითქმის სამოცდაათი წლის წინ რომ გამოაქვეყ-  
ნა პირველი ლექსი „ლაზი ვიყავ და ლაზი ვიქნები“,  
იმ ლექსში დადებული ფიცის ერთგული დარჩა ბო-  
ლომდე, ბოლომდე უერთგულა თავის საესავ სამ-  
შობლოს, წინაპართა საფიცარ საფლავებს და თავისი  
შემოქმედებით ერთი დიდი კელაპტარი დაანთო მშო-  
ბელი ქვეყნის საკურთხეველთან.

ლადო მრელაშვილის რომანები „ყაბახი“,  
„ოლოლები“, „სამი ღამის თავგადასავალი“, „და შე-  
ჰქმნა ღმერთთან კაცი“ თანამედროვე ქართული  
ლიტერატურის მონაპოვარია, რომლებშიც სრული  
სისავსით, სრული ძალმოსილებით გაცხადდა ამ შეს-  
ანიშნავი მწერლის ნიჭიერებაც, საგნებისა და მოვლე-  
ნების არსში უცდომელი წვდომისა და განზოგადების  
უნარიც და, რაც მთავარია, მუდმივი სწრაფვა მხატ-  
ვრული სრულყოფისაკენ. ამ ნაწარმოებებს ერთი  
საერთო ძირი, ერთი სულისკვეთება ახასიათებს —  
გამოიკვლიოს ადამიანის სულის ერთი შეხედვით  
მიუწვდომელი, უხილავი ლაბირინთები, ჩანვდეს  
კეთილისა და ბოროტის მარადიული ბრძოლის არსს  
და თავისი თუნდაც მცირედი წვლილი შეიტანოს  
ჯოჯოხეთის მკვიდრთა წინააღმდეგ გამართულ წმი-  
დათანმიდა ომში. მისი ლიტერატურული გმირები  
თითქოს ჩვენი ყოფიერების ძირებიდან, მისი ფესვე-

ბიდან არიან წამოზ-  
რდინი და სწორედ  
ამ ფესვების სიმტ-  
კიცესა და სიძლიერეს  
აქვითკირებენ და  
ამაგრებენ, რათა  
დღევანდელმა ქართ-  
ველობამ არ დაივი-  
წყოს, ვისი გორისანი  
ვართ. სხვანაირად  
ხომ ძალზე გაუჭირდ-  
ება არსებობა საქა-  
რთველოს, ერთ პატა-  
რა ტივის, ბოროტების,  
გ ა ნ უ კ ი თ ხ ა ო ბ ი ს ,  
ვერაგობისა და აღ-  
ვ ი რ ა ხ ს ნ ი ლ ო ბ ი ს  
ოკეანეში განწირულად რომ ეხეთქება ერთი ტალღი-  
დან მეორეს...



რა დიდებული, რა მშვენიერი გამოუვიდა ბოლო  
რომანი. „და შეჰქმნა ღმერთთან კაცი“ საქართველოს  
ასწლიან ეპოქას ასახავს და ბევრ წყევლა-კრულ-  
ვიან შეკითხვას უსვამს ჩვენს თანამედროვეთ. რა  
დიდოსტატურად დახატა ვაჟა-ფშაველას სახე და  
მისი ყველაზე სანუკვარი ფიქრები სამშობლოს წარ-  
სულსა და მომავალზე სწორედ ამ ზეკაცის პირით  
ამცნო საქართველოს.

ბოლო წლებში გაიხსენა, რომ სწორედ პოეტად  
იყო დაბადებული და ცალკე წიგნად გამოცემული  
რობაიები დაგვიტოვა, დიდი ცხოვრებისეული გა-  
მოცდილების მქონე ბრძენკაცის სენტენციები ჩვე-  
ნი ყოფის, ჩვენი ცხოვრების ავკარგზე, ადამიანის  
დანიშნულებაზე ამქვეყნად და ყველაზე მთავარზე,  
რისთვისაც საქართველოში იბადებოდნენ და კვ-  
ლავაც დაიბადებიან — სამშობლოსათვის თავგან-  
წირვის აუცილებლობაზე.

ლადო მრელაშვილი ახლა ზეციური საქარ-  
თველოდან დაჰყურებს მშობელ ქვეყანას და მტკიცედ  
სწამს, რომ ლელოს მაინც გავიტანთ და გადავრჩე-  
ბით, რომ კვლავაც დავჭექოთ „მრავალჟამიერს“ ქარ-  
თული გენის უკვდავების სადიდებლად.





ლია ნაღირაშვილი

საამაყო მწერალი და მამულიშვილი

XX საუკუნის მეორე ნახევრიდან ლაღო მრეღაშვილის სახელი ქართველი მკითხველისთვის მწერლური ალლოიანობის პარალელურად მშობლიური მიწის სიყვარულთან, კაცურკაცობის შეგრძნებასა და პიროვნულ ღირსებასთან ასოცირდება. მისი პუბლიცისტური თუ მხატვრული შემოქმედება ადამიანისთვის ერთგვარი გზამკვლევაა პიროვნული ვალდებულებებით გაჯერებულ ზნეობრივ გზაზე სავალად. მისი „კაი ყმა“ იმ თავმდაბლობას გვასწავლის, რომელსაც ასერიგად უფრთხის ამპარტავნობაშეპარებული ქართველი კაცი: „შენ ყოველთვის გაუბრბოდი დიდი ტრიბუნიდან შენზე რამის თქმას“. ამავდროულად, ბატონი ლაღო, კულტურულად მიგვანიშნებს, რომ სოფლის თავკაცი მხოლოდ სასოფლო სამუშაოებს კი არ უნდა უძღვებოდეს, არამედ ღონგოსავით საფუძვლიანად იცნობდეს პროფესიულ და ფილოსოფიურ ლიტერატურასა და ქართულ თუ მსოფლიო კლასიკას.

ერთგვარი ინტერესით იკითხება მისი „სოფელი აკადემიის ნაფუძარზე“, „ალაზნის პირას“, „რიჭრაჟიდან რიჭრაჟამდე“, „ნაკრძალში“, „შირაქის ველზე მივიღვარ...“, „დილოგი ღამით“... შეგვიძლია უსასრულოდ ჩამოვთვალოთ მისი შემოქმედების პნკარედები, რომელთა მეშვეობით თელაველები, ზოგადად — კახელები, თავიანთთვის საყვარელ ადამიანებზე იღებენ სრულიად უცნობ ინფორმაციას. იქმნება შთაბეჭდილება, რომ ეს ადამიანები თითქმის არ გვცნობებია, რადგან მათს თავიდან „პოვნა აღმოჩენაში“ ბატონი ლაღო დაგვეხმარა. არ შემიძლია, არ აღვნიშნო, რომ მწერლის თხრობის მანერა და სასაუბრო სტილი მის შემოქმედებას საინტერესო წასაკითხს ხდის, ვინაიდან ლაღო მრეღაშვილი კარგი მთხრობელია. მუდამ ცდილობს ადამიანთა ურთიერთობაში პოზიტივი შეამჩნიოს და ამის გამომზეურებით მკითხველიც სასიამოვნო განცდებითა და დადებითი ენერგიით აავსოს. მისი ამგვარი მწერლური პოზიცია მუდამ მახსენებს გიორგი ლეონიძისა და რევაზ ინანიშვილის პროზაულ შემოქმედებას. საკუთარ პერსონაჟებთან (რომლებიც ხშირ შემთხვევაში რეალური პირები არიან) ასეთი ხალასი და უშუალო დამოკიდებულება მხოლოდ ნიჭიერ და კაცთმოყვარე (ჰუმანიზმით აღსავსე) მწერლებს შეუძლიათ.

შეუძლებელია, ვისაუბროთ ლაღო მრეღაშვილზე და მისი „იყალთოელი ბიჭები“ გაკვრით მაინც არ ვახ-

სენოთ. ეს ის საყმანვილო ნაწარმოებია, რომელზეც თაობები აღზრდილა და აღიზრდება. თანამედროვე ხანაში, ტექნიკური საოცრებების ეპოქაში, ერთგვარად ჭირს მოზარდის ფსიქოლოგიის მიმართვა საამაყო ისტორიული წარსულისაკენ, რათა მომავალმა თაობამ შეიცნოს, რა უკეთებია თავის წინაპარს, რა განუცდია, რა სტიკებია და რა გახარებია, რომ მან, როგორც მომავალმა იმედმა, ღირსეულად გადაიბაროს ესტაფეტა და თავისი საკეთებელი იქიდან გააგრძელოს, სადაც შეჩერდა წინაპარი. დასახელებული თხზულება უბადლოდ იძლევა ამის საშუალებას. ჩვენთვის კი, თელაველთათვის, იმდენი ნაცნობი ადამიანის ბავშვობა „ცოცხლდება“, რომ „იყალთოელი ბიჭების“ კითხვისას ორმაგ სიამოვნებას ვიღებთ. ამის გამო ვმადლიერობ ბატონ ლაღოს, ამდენი საინტერესო ტექსტის ავტორს, ღირსეულ ქართველს, სამშობლოზე, მშობლიურ კუთხეზე უზომოდ შეყვარებულ მამულიშვილს. 1948 წელს გაზეთ „ახალგაზრდა კომუნისტში“ გამოქვეყნებული ლექსით „ლაზი ვიყავ და ლაზი ვიქნები“ გაიცნო იგი ქართველმა მკითხველმა და მისი სასიამოვნო სტილით დანერილი ნაწარმოებები დღემდე ხიბლავს ქართველ მკითხველს.

ვუერთდები იყალთოელთა საიუბილეო განწყობას და მათთან ერთად ვამაყობ ლაღო მრეღაშვილის მწერლური ნიჭიერებითა და კაცურკაცობით.





ზურაბ რაინა

4



ჟურნალ „ოლე“-ს ამ ნომერში ვასრულებთ ფარნა რაინას „კატრენების“ ტრილოგიის პირველი წიგნის ბეჭდვას. ჟურნალ „ოლე“-ს სამ ნომერში გაგრძელებებით გამოქვეყნებულმა პუბლიკაციამ ლიტერატორების და მკითხველის დიდი ინტერესი გამოიწვია, რედაქციამ მიიღო მრავალი გამოხმაურება, რომელთაც მკითხველს შევთავაზებთ ჟურნალ „ოლე“-ს 2016 წლის III ნომერში, რომელიც ფარნა რაინას დაბადების 80 წლისთავს მიეძღვნება.

კ ა ტ რ ე ნ ე ბ ი

იბერები...\*

ქვეყანაც და...  
სახელიც  
ვრცელი ჰქონდათ  
იბერებს...  
სიდიადე —  
ვითარ, მზე,  
თავს —  
აროდეს  
იბერებს...  
დღესაც ვხედავთ  
იმ სულის —  
ცისარტყელის  
იმ ფერებს,  
იმ სახელს და...  
დიდებას —  
კვლავ, ამაყად,  
იფერებს...

15. I. 2016

\*ისტორიული კვლევებითა და ბოლოდროინდელი მეცნიერული ვერსიებით, პროტოქართველთა კვალი ტრიალებს ხმელთაშუაზღვის არეალში, ელადის სივრცეში — ადრიატიკისა და ეგეოსის ზღვების შემოგარენში, აგრეთვე — აპენინზე, კრეტაზე, პირინეზე, ალპიონზე და სხვაგან, ხოლო, შვეიცარიულ მეცნიერ-ექსპერტთა კვლევით, ეგვიპტელ ფარაონთა „დნმ“ პლანეტის ხალხთა შორის, ყველაზე ახლოს და ყველაზე მეტად, ქართულ „დნმ“-სთან არის...

თუშები...

სულ, —  
ბრძოლა იყო და...  
იოტი — თუ, შეება?!..  
წლებს

ცეცხლი ეკიდა, —  
ხმალ-გუთნით  
ბოგინში...  
და... რქაჟანგიანმა,\*  
იცოდნენ, —  
თუშებმა:  
სირცხვილი არისო  
სიკვდილი —  
ლოგინში...

5. I. 2016

\*თუშეთში დამკვიდრებულია, როგორც — ხნიერი და ძალგულოვანი ადამიანების მეტაფორა.

სიბრძნეთა  
სიბრძნე...

ვინ აასხივა  
დრომ —  
მზის ხატად,  
ვინ —  
ქუშად ქუფრის,  
სიბრძნეთა  
სიბრძნე —  
მოანათებს,  
მობრწყინავს, —  
ერთი:  
რომ შეიცნო —  
სიდიადე  
და  
სიბრძნე —  
ღმერთის,  
უნდა იყო —  
სულით,



არსით,  
თვითონაც  
ღმერთი...\*

14. I. 2016

\*„ღმერთი რომ შეიქნო, თვითონაც ღმერთი უნდა იყო“...  
— მარი ფრანსუა არეუ ვოლტერი (1694-1778) — ფრანგი მწერალი, ფილოსოფოსი.

### თუ, — გნებავს...

თუ, — ხარ —  
უფალი:  
შენთა  
სურვილთა,  
თუ, — გნებავს —  
ნეტარ,  
მადლი ნობელის,  
მზე უნდა იყო:  
საქმით...  
სულითა...  
და...  
სიყვარულად —  
დღეთა მდნობელი...

10. II. 2016

### სახელი...

თუ, —  
რამე შეენის —  
ადამიანს,  
სახელი შეენის...  
მზესახელს —  
მინცივ,  
დროც და  
ხალხიც  
მზესავით ლოცავს...  
იცოდე:  
უმალ,  
მტვრად იქცევა —  
სახელი შენი,  
სარგებლისათვის —  
ღმერთს და  
სინდისს  
განირავ, როცა...

26. I. 2016

### მთავარი არის — რა არი?..

სიტყვამ —  
ცა,  
მინა იარა, —  
მიმოდის, ვითარ —  
საარი...  
მთავარი —

ბევრი კი არა,  
მთავარი არის —  
რა არი?..

21. XII. 2015

### აღიარება — ყოველთვის, გვიჭირს...

სხვათა ღირსების  
დასამხობად,  
რას აღარ  
ვხლართავთ?!..  
გვკლავს —  
სხვათა სხივთა  
დიადემა, —  
ელვარე ნიჭის...  
ადვილად ვიცით:  
კილვა,  
კიცხვა  
და... თათხვა  
სხვათა,  
აღიარება სიდიადის —  
ყოველთვის,  
გვიჭირს...

5. I. 2016

### სიბრძნით და აზრით...

ცხოვრება არის  
ასპარეზი —  
ავ-კარგის ქართა,  
ხომ არის,  
როცა —  
ჩვენი ბედი  
მწვერვალზე  
არ ზის?..  
არაფერია —  
უსაშველო,  
სიკვდილის გარდა,  
სიცოცხლედ აქცევ:  
სიკვდილსაც კი, —  
სიბრძნით და  
აზრით...

31. I. 2016

### მკლავს — ინტერესი!!!..

ვეღარ ვიცოდებ —  
ფიქრის  
ფრთოსნებს,  
ფიქრნი მათობენ, —  
მკლავს ინტერესი, —



კოსმიური, —  
უსაზღვრო ფიქრით...  
როცა შევეყურებ:  
ამ ზეცას და  
ციურ მნათობებს,  
რა არის —  
იქით?!..  
იმის იქით?!..  
და...  
იმის იქით?!..

8. XII. 2015

ექ!..

ვინც იხატავდა —  
მზისებრ,  
იერსო,  
გული გაგვიტბო  
არც მან...  
ექ, —  
რამდენს უნდა  
იყოს —  
იესო,  
მაგრამ...  
არ უნდათ —  
ჯვარცმა...

3. I. 2016

**დედამინაც კი  
რომ არ გყოფნიდა...**

*ალექსანდრე მაკედონელს*

არ უნდა გქონდეს:  
მადა — მგლისა  
და...  
გული — ქვისა...  
იცოდე უნდა:  
ყოფნის არსი,  
ცოდვა და  
მადლი...  
დედამინაც კი  
არ გყოფნიდა\* —  
ზეცის ქვეშ,  
ვისაც,  
ბოლოს, — იკმარე:  
მზედამშრალმა,  
სულ,  
ორი ადლი...\*\*

2016

\*„ამ საფლავში ჩაეტია ის, ვისაც მთელი დედამინა ეპატარავებოდა“... — ალექსანდრე მაკედონელის ეპიტაფია.  
\*\*(ძვ.) სიგრძის საზომი ერთეული, — უდრის, დაახლოებით, მეტრს.

**უცნაური  
განცდა მეფეთა...**

ციხე-დარბაზი  
ესპანეთის  
ვნახე მეფეთა,\*  
ფიქრმა —  
უვრცესი:  
გზები,  
გორა,  
მთები  
იარა...  
ფრთებით ფასკუნჯის  
უცნაური  
განცდა მეფეთა, —  
ჩემი სიცოცხლე  
მომეჩვენა,  
როგორც —  
იარა...

30. I. 2016

\*სეგოვიის ზღაპრული ალკაზარი, — არა მარტო, ესპანეთში, არამედ, მსოფლიოში, ერთ-ერთი, ყველაზე ლამაზი და ცნობილი ციხე-დარბაზი, — ესპანეთის მეფეთა სავანე, ქალაქ სეგოვიის ისტორიულ ნაწილში მდებარეობს.

**ვიმეორებო, —  
გენიოსმა  
ბრძანა გოეთემ...\***

გონების განძზე —  
სამზეოზე,  
ვინ თქვას  
უარი?..  
ზოგჯერ, — გვგონია:  
აზრის,  
სიბრძნის  
სხივად მოვენთეთ...  
რასაც მე ვამბობ,  
ჩემეული  
ცოტა თუ არი,  
მეტი,  
ჩემამდე,  
ნათქვამია, —  
ბრძანა გოეთემ...

8. I. 2016

\*„ჩემს ნაწერებში, ჩემეული, თხუთმეტი პროცენტი თუ, იქნება, დანარჩენი, უკვე, ჩემამდე ნათქვამის, გამეორებაა...“  
— იოჰან ვოლფგანგ გოეთე.

**მაშინღა გვახსოვს  
ღმერთი...**

მინდა:  
სინრფელით სულის,  
სიტყვაც

წრფელი ვთქვა  
ერთი...  
ხან, — გვაგინებდა  
ღმერთი...  
და... გვაგინებდა  
ლოცვაც...  
თუ, გაგვიჭირდა,  
ჩვენი —  
მუდარა  
ზეცას ერთვის,  
მაშინლა გვახსოვს  
ღმერთი,  
თვითონ გვჭირდება,  
როცა...

13. VII. 2015

### წაღმა წარგვიძღვეს...

წაღმა  
წარგვიძღვეს, —  
წესით,  
წყენას —  
წარხოცდეს  
წყრომით:  
წილკანი,  
წყაროსთავი,  
წულრულაშენი,  
წრომი...

12. II. 2016

### სანამ?!..

მომენის ძაფი  
განყდა, უკვე,  
სანამ —  
გოლგოთა?!..  
ვერ გავაბრუნეთ  
ტროას ცხენიც, —  
რაიც  
მოგორდა...  
კარიერისტი, —  
ზოგი,  
ისე,  
ძალუმ,  
მოლორდა,  
გადაგვაგინებდა  
დრო —  
არაბთა...  
სპარსთა...  
მონლოლთა...

15. I. 2012

### მაჩვენეთ გული...

სიცოცხლე —  
ლამის, —  
მიიწურა,  
მინავლდა ისე,  
ქვევრი კი არა,  
სიყვარულის —  
ვერ ვნახე  
ქოცოც...  
მაჩვენეთ გული:  
უანგარო,  
ალალი, — მზისებრ,  
რომ —  
გული მივცე  
გულისათვის,  
ვენდო და...  
ვლოცო...

2. I. 2016

### ჩვენი სიწოცხლე — მაშინ, რა არის?!..

რომ ვხედავ —  
ვარდად მავალ ფერიას,  
ერთი მზის ნაცვლად,  
თითქოს, —  
რვა არი...  
თუ, —  
სიყვარული  
არაფერია,  
ჩვენი სიცოცხლე —  
მაშინ,  
რა არი?!..

1. II. 2016

### ხანდახან, ხან და ზოგჯერ...

გადაეყრება მეფეთ-მეფეც —  
ხანდახან,  
ურვებს...  
ხან, —  
ქვის ნატეხიც —  
ყორნის წამწამს  
ცრემლებით  
ალტობს...  
ასეა, —  
ზოგჯერ,  
ბრძენთა-ბრძენიც  
შეცდება, —  
თურმე...  
მთლად შეუმცდარი —  
მალლა,





ცაში,  
ღმერთია, —  
მარტო...

29. I. 2016

### სოფისტები...

გაგვიმრავლდნენ:  
ცრუბრძენნი და...  
ცრუმეტყველნი, —  
სოფისტები,\*  
პლანეტის, თუ —  
ქვეყნის,  
ხალხის,  
ქალაქის და  
სოფლის მტრები, —  
ქიშპისტები,  
ხვეჭისტები,  
ღვარძლისტები,  
ცოფისტები,  
სიყვარულის,  
სიმართლის და...  
მეგობრობის,  
ძმობის მტრები...

6. II. 2016

სოფისტები (საბერძნეთში, ძვ. წ. V საუკუნის მეორე ნახევარსა და IV საუკუნის პირველ ნახევარში) ცრუბრძენნი, ცრუგამომგონებელნი, მოძღვარ-მესვეურნი სიცრუით სიმართლის გაბათილებისა, რომელთა მცდელობაც იყო — მოხერხებული, განაფული უნარი თეთრის გაშავება, შავის გათეთრება, ანუ — როგორც არისტოტელე იტყვოდა: „მოჩვენებითი სიბრძნე“...  
სოფისტებს მთელი არსით ებრძოდნენ — სოკრატე და პლატონი...

### ფანტაზიორი...

ჭირი სჭირს,  
ვისაც —  
თავის კულტით,  
იმატებს  
სხვა ჭირს, —  
ვერ არჩევს  
ბეცი:  
თეთრსა და  
შავს,  
მტყუანს და  
მართალს...  
მართვა სურს:  
ხალხის,  
ქალაქისა,  
თუ —  
ქვეყნის საჭის,  
მართვა სურს,  
მაგრამ...  
თვითონ,  
თავის —  
თავსაც ვერ  
მართავს...

### ვულკანი...

ფიქრი... ხან, —  
ცაში არნივია  
და... ხან, კი —  
უბრობს...  
ღარიბებს —  
ზოგჯერ,  
არ აქვთ ძილი,  
უფრო კი —  
მდიდრებს...  
ვულკანი —  
ზოგჯერ,  
საშიშია:  
ჩამქრალი უფრო,  
ღულილით,  
ცეცხლით  
და... ხმაურით  
მოქმედი,  
ვიდრე...

24. V. 2013

### სიბრძნიდან — სისულელემდე...

ხომ გვინდა  
ყველას —  
მზის სულს მივნივბედეთ,  
უაზრო  
აზრი —  
ვდევნოთ და...  
ვექოლოთ...  
თქმულა:  
სიბრძნიდან,  
სისულელემდე,  
ერთი ნაბიჯი  
არისო, —  
მხოლოდ...

11. XII. 2015

### წვეთი...

ამ გულს  
ერთი ფიქრი  
კორტნის, —  
დასკვნაც  
დავსვი —  
ერთი:  
ოკეანე არის —  
ცოდნის...  
ვიცი\* —  
ოდენ,  
წვეთი...

17. I. 2016

\*დიდი პლატონის დიდმა მასწავლებელმა სოკრატემ თქვა:  
„მე ის ვიცი, რომ — არაფერი ვიცი“-ო.



მე კი გაკვადნიერდები და ვიტყვი: ერთი წვეთი ვიცი-მეთქი...  
მაგრამ... რა ეშველება „ბევრის მცოდნეებს?!“

**ვით, —  
ანარეკლი —  
ჟეშმარიტების...**

ვინ —  
ვერ იშორებს,  
ვინ —  
იშორებს  
საწუთროს ვალებს?..  
ვინ —  
ნეტარების,  
ვინ კი —  
ზიზლის  
ჟრუანტელს გვგვრიან...  
ტყვიით დაჭრილი  
რჩება, თურმე,  
უფრორე, —  
მალე,  
ენით დაჭრილი —  
არ რჩებაო...  
ან, — რჩება —  
გვიან...

20. VI. 2013

**მკვდარი და  
წოცხალი...**

ვისთვის — ავდარი,  
ვისთვის — დარია?..  
ნარი — ვისთვის და...  
ვისთვის — მოცხარი?..  
ცოცხალი, —  
ზოგი,  
უკვე, მკვდარია...  
და... ზოგი, მკვდარი —  
ისევ,  
ცოცხალი...

16. V. 2014

**სიყვარული...**

სიყვარულს —  
ხშირად,  
ვერ ვხსნით:  
რა არი?..  
გულს  
ცეცხლის ალი  
თუ, არ ესია...  
ხან, —  
სიყვარული —  
მართლა,  
ბრმა არი,  
უსიყვარულოდ —  
უარესია...

1. XII. 2015

**სიბრძნე და...  
დანაშაული...**

ცხოვრება, —  
ზოგჯერ,  
როგორც — ნაბადს,  
ისე მოგვთელავს,  
ზოგჯერ კი —  
სიბრძნით,  
ხობხის ლაპრიც  
ვიქცევით მართვედ...  
დანაშაული არის —  
ხოლმე,  
ზოგჯერ,  
მოთმენა...  
მაგრამ...  
ზოგჯერ კი —  
მოუთმენის  
მოთმენა გვმართებს...

28. VIII. 2015

**სარკე...**

ვინ —  
ვინ ვართ?..  
ცნობა —  
ხან,  
არ გვაქვს  
სრული...  
და... ყველას —  
სულის  
არ ვუხსნით  
სარკმელს...  
სასმელი არის:  
ზნეობის,  
სულის  
და... ხასიათის —  
ნამდვილი,  
სარკე...

5. II. 2016

**ხომ, — გვახსოვს?..**

ხომ გვახსოვს —  
ყველას,  
ის დრო, —  
იყო:  
ვინ — სად?!..  
ვის — ნებით?!..  
რის — ცოდნის სიბრძნით?!..  
რის — სინრფელით?!..  
ანდა, — რის ღვაწლით?!..  
არც — გულის სანთლით,  
არც — სინდისით,  
არცრა — ღირსებით,  
სკამებზე ისხდნენ:  
ვილაცანი, —



მხოლოდ,  
ვილაცით...

25. I. 2016

### არ მჯერა...

მგელიც კი,  
მგელი —  
ტყუილად ხომ  
აროდეს ყმუის?..  
მგელზე კი არა,  
მე —  
ღვთის შვილზე  
ვამბობ, —  
ამჯერად...  
სამჯერ რომ იტყვი  
ჩემო კარგო,  
ქათქათა ტყუილს,  
სიმართლე რომ თქვა, —  
მერე,  
ასჯერ,  
რა ვქნა, —  
არ მჯერა...

27. V. 2013

### ვინცა ვართ, იყის — ხალხმაც და ღმერთმაც...

სახელი —  
დახლი არაა  
ბაზრის,  
ფასი რომ —  
ასნი-დასნიონ  
ერთხმად...  
რაც უნდა —  
მიგრიხ-მოგრიხონ  
აზრი,  
ვინცა ვართ,  
იცის —  
ხალხმაც და  
ღმერთმაც...

7. II. 2016

### ფარაონი ზეყის...

ამოსხივდა მიწით, —  
რა, მზეს ვხედავ,  
რა, მზეს!..  
ციურ ტახტზე, —  
მეფის,  
მზეფარაონს —  
რამსესს...\*

6. II. 2016

\*უძველესი ეგვიპტის ფარაონი, — ეგვიპტის მითოლოგიით, მზის ღმერთის რა-ს შობილი. რამსეს მეორის (1350-1205) დროს მაშინდელმა ეგვიპტემ განსაკუთრებულ ძლიერებასა და განვითარება-აღმშენებლობა-აღორძინებას მიაღწია. ამ დამსახურებისთვის მას თაყვანს სცემდნენ, როგორც — ღვთაებას...

### მისწერი განწყობით...

ლამის, —  
კოსმოსსაც  
გავცდი...  
და... დრო ვსვი —  
ფიქრის  
ყანწით...  
თეთრად,  
მისწერი  
განწყობით,  
რამდენი ღამე  
დავწვი...

1. II. 2016

### მე და... პლატონი...

ღმერთი რომ  
არ ვარ,  
მე —  
ზოგი რამ,  
მიტომ შემშლია...  
და...  
პლატონმა კი —  
ასე ბრძანა:  
„ღმერთი ჩემშია...“

20. I. 2016

### მზეს რომ ვუყურებ...

ფიქრნიც მზეობენ  
ფიქრი, როცა —  
ფიქრებს  
ერთვიან...  
მზეს რომ  
ვუყურებ,  
მეც მგონია,  
რომ... მზე —  
ღმერთია...\*

18. I. 2016

\*„ღმერთი, რომელსაც მე თვალთ ვუყურებ, ეს — მზეა“ ... — ნაპოლეონ ბონაპარტი



**სურათი —  
ზამთრის ზღაპარი...**

ხომ, — ზღაპარია?! —  
თუმცა, —  
სივრცეს  
სხივი  
ალავს მზის,  
თეთრ მარმარილოდ  
ჩანან მთები,  
ველიც —  
ალაზნის...

27. I. 2016

**სირცხვილი...**

სული —  
სირცხვილის ნიჭმა  
დაქარგა,  
ჩვენც —  
მზედ,  
სირცხვილის ნიჭით  
ვივსებით...  
სირცხვილის ნიჭი  
ვინაც  
დაქარგა,  
არ აქვს იოტიც  
იმას —  
ღირსების...

27. I. 2016

**რატომ?!..**

ვერ-რით გავიგე,  
ვერ ავხსენ —  
ერთი:  
ბრმეებსაც კი,  
როცა —  
თვალეებს ვუხელთო,  
თუ, —  
მთელი რწმენით,  
მართლა, გნამს —  
ღმერთი,  
რატომ იქცევი —  
მაშინ,  
უღმერთოდ?!..

24. I. 2016

**წავიდა, —  
წაშავდა  
აღი-ბაბა!!!..**

*წარსულის ექო...*

წავიდა!!! —  
დაგვიტოვა:  
სულის

წვა — მინდად...  
მისი ცოდვის კალო  
როდი არი ბამბა?!..  
წავიდა —  
მოუსავლეთში!!!..  
წავიდაა!!!..  
წაქვავდააა!!!..  
წაშავდაააა!!! —  
ქართველი აღი-ბაბა!!!..

31. I. 2016

**აი, — კარობაჯ,  
ქართველობაჯ  
ის იყო, —  
მაშინ...**

წარსულ ტკივილებს  
ფიქრი —  
ისევ,  
ხანდახან,  
მაშლის,  
დროც მკურნალია, —  
ამ ტკივილებს,  
თანდათან,  
რომ შლის...  
აი, —  
კაცობაც,  
ქართველობაც  
ის იყო, —  
მაშინ,  
ვინც, —  
ქორწილიდან,  
ნეფე —  
მეფურ,  
წავიდა  
ომში...

9. II. 2016

**თუ...**

*იმერული ესკიზი*

დეისსომე, —  
ველარ —  
იფრენ,  
მოგემსხვრევა  
ფრთა... მაშინ,  
თუ, —  
დეინყე:  
ამფერ...  
იმფერ —  
სიყვარულის  
თამაში...

29. I. 2016



## ყოძარი — ომი...

ომია:  
დასწრებ-გასწრებაზე, —  
არ ახსოვთ  
ღმერთი,  
სინდის-ნამუსმა —  
ვისთვის,  
ლამის,  
დაკარგა არსი...  
კუთვნილი ასის,  
ვის —  
ეკრძალვის, —  
მიიღოს  
ერთიც...  
და... ვინ კი —  
ცდილობს:  
ნაცვლად ერთის,  
მიიღოს —  
ასი...

31. X. 2012

## მაგრამ... აღარ არის ღრო...

ხარ — მძევალი  
კლოუნთა,  
თავი  
როგორ არიღო?!..  
სიყვარულსაც  
დრო უნდა,  
მაგრამ...  
აღარ არის ღრო...

## ღმერთი ხომ არ ხარ?!..

სხვათა შეცდომას  
ხან, — რომ აყრი  
სიცილს და  
ხარხარს,  
ხან კი —  
ფაფხურობ  
და... საქვეყნოდ:  
წყრები...  
არჯალობ...  
სულ, —  
სხვებს რომ კიცხავ,  
მიტხარ, —  
თვითონ,  
ღმერთი ხომ არ ხარ?!..  
ერთხელ გვაჩვენე,  
რომ...  
შენ თავსაც —  
კიცხავ, —  
საჯაროდ...  
3. I. 2016

## სჯობს...

დასაბამიდან, —  
ბევრ კითხვაზე,  
ღრო  
პასუხს ითხოვს,  
პასუხი არის —  
ორი სახის:  
ოქრო,  
ან — ჩალა...  
სჯობს, — აზრი —  
მცოდნეს  
და გამოცდილ  
ათ ბრძენსა ჰკითხო,  
ვიდრე —  
ათას ბუს,  
ათას კაჭკაჭს,  
ათას ყვანჩალას...

18. I. 2016

## შეგონება...

აზრით აჯობა  
ბრძენმა —  
ლოდის  
და... რკინის მკვნიტელს,  
შენც, თუ, დაგჭირდა,  
აზრით,  
ჭკუით,  
მთებიც გადასჭერ,  
ცერცვს რომ შეაყრი —  
ერთხელ,  
ბრმა და  
უგონო კედელს,  
რალა აზრი აქვს:  
შეაყარო —  
თუნდაც,  
ათასჯერ?!..

26. XI. 2015

## ყოფი...

კაცობრიობის —  
უფრო,  
მეტი,  
ვინ თქვას იარა?! —  
ცოცხლად:  
სწვავს,  
მარხავს,  
ანადგურებს —  
ადამის გვარ-ტომს...  
ერთსახებათა შეწყვილება —  
ხალხის კი არა,  
ავადმყოფების, —  
ზე-გიჟების  
ცოფია, — მარტო...

P. შ.  
სიცოცხლის სიბრძნის:  
იგი არის —  
სიკვდილიც,  
რეტიც...  
უფრო სირცხვილიც —  
პლანეტაზე,  
რა არის  
მეტი?!..

15. II. 2016

### არ შემხვედრია...

ვინ —  
ტახტი დაკარგა,  
ვინ — განძი,  
ან — ქარგა,  
ვინ — ფული,  
ვინ — სახლი,  
ვინ — ჩივის  
ჭოტებს...  
სინდისი,  
ღირსება  
ვინაც კი  
დაკარგა,  
არ შემხვედრია, —  
ვინმე,  
რომ —  
ჩიოდეს...

14. II. 2016

### დაფიქრდეთ, — უნინ...

რა გვიან ვხვდებით —  
ზოგჯერ,  
ეშმას დროშებს, რომ  
ვაქნევთ,  
დავანთებთ ცეცხლს და...  
მერე —  
გვიკვირს, —  
რად გვახრჩობ,  
ბოლო?!..  
სიტყვას რომ ვინყებთ  
და...  
ან, ვინყებთ —  
რაიმე  
საქმეს,  
დაფიქრდეთ უნინ,  
რა ექნება  
შედეგი, —  
ბოლოს?..

4. I. 2016

### სასაცილოა — ასჯერ, — უფრო...

სასაცილოა? —  
ვარსკვლავთ თვალში  
ბრმათა ცილობა?..  
და... ღობემძვრაღა,  
როცა —  
ცაში,  
არწივს ედრების...  
სასაცილოზე —  
ასჯერ,  
უფრო,  
სასაცილოა:  
უღირსი —  
სკამით,  
წოდებებით...  
და... ჩინ-მედლებით...

19. XI. 2015

### პროკლე...

მოკეისრობდა  
რომის, —  
ჩვენი —  
თავნება პროკლე,  
დევებთან სურდა —  
ომი,  
ჭიანჭველებმა —  
მოკლეს...

12. II. 2016

### საქართველოს სახელით...

კი, — სადიდებელს  
ვაგუგუნებთ —  
ყანწით, თუ, —  
ჭიქით,  
მამულის გვმართებს  
მარადისი პატივის  
მინდი...  
ვითარ — უფალი,  
უნდა გვწამდეს,  
რომ...  
მამულს იქით —  
ყველა ქართველი  
საქართველოს  
სახელით  
მიდის...

15. XI. 2015



## ბრძენი და... ჩერჩეტი...

ბრძენიაო, —  
ბრძანა  
დიდმა საბამ, —  
მკერდში, ვისაც  
უფლის გული  
უცემს...  
ბრძენი —  
სიტყვას  
ენის წვერზე  
აბამს...  
ჩერჩეტს სიტყვა  
გაუსხლტება, —  
უცებ...

12. I. 2016

## ნოსტალგია...

სკილა-ქარიბდა  
შეგვხვდა ბევრი  
და... შეგვხვდა ტროაც, —  
რამდენს აღმოხდა  
ბევრჯერ:  
ვაიც,  
უიც და  
ოიც...  
უძნელესი და...  
უსასრულო  
აღმართი როა,  
რამდენს აქვს, — უკვე:  
ნოსტალგია —  
ნარსული დროის?!..

25. XII. 2015

## ბრმა სიყვარული...

სიყვარულს, —  
მზისებრს,  
სხივჩაუმქრალს  
გამოსცდის დროცა,  
ბრმა სიყვარული —  
მართლაც, —  
ბრმაა,  
ბრიყვიც და  
შტერიც...  
ბრმა სიყვარული  
თვალს გაახელს, —  
ჭემმარიტს, როცა —  
ტკივილი რჩება მისგან, —  
მხოლოდ,  
ქარიც და  
მტვერიც...

P. S.

ბრმა სიყვარულის

ნაეკიდა —  
ვისაც კი  
ალი,  
დანყევლა მისი:  
გაჩენის დღეც,  
ალიც და  
კვალიც...

26. XII. 2015

## ათასჯერ უფრო...

ცხრანყაროს\* ვფიცავ,  
ვფიცავ —  
ცხუმარს,\*\*  
ცხუმალდს\*\*\* და  
ცხრუკვეთს,\*\*\*\*  
ვამბობ,  
ვლალადებ —  
ბედი ჩვენზე  
როდესაც ქუფრობს...  
ღმერთო, ამყოფე, —  
ყველა —  
ჩემზე,  
ათასჯერ უკეთ,  
მაშინ ვიქნები —  
ბედნიერი, —  
ათასჯერ უფრო...

4. I. 2016

\*სოფელი ზესტაფონის რაიონში;

\*\*სოფელი მესტიის რაიონში;

\*\*\*სოფელი წყალტუბოს ტერიტორიაზე;

\*\*\*\*სოფელი ჭიათურის ტერიტორიაზე.

## კომპიუტერი...

რაც ვთქვა,  
არაა — ქარი...  
არც —  
ავარდნილი  
მტვერი, —  
კომპიუტერი არი:  
მეგობარიც და...  
მტერიც...

3. I. 2016

სიმღერა, —  
ანუ —  
ზუფიდან, ლამის,  
ამოხტეს გული...

მიყვარს...  
ცეცხლს, როცა —  
იკიდებს  
ტაში...



და... ყველა უჯრედს  
თილისმა უვლის...  
სიმღერა, როცა —  
ჯადოსნურ  
ფრთას შლის,  
ბუდიდან, ლამის,  
ამობტეს გული...

10. I. 2016

### ტკივილი...

სიცოცხლე გახლავთ —  
სიხარულის...  
და...  
გულის წვისაც...  
რა ცოტას ნახავთ —  
ქვეყნის ტკივილს  
გულთან  
მიტანილს?!..  
ბედნიერების  
განცდით სუფევს,  
არ სტკივა ვისაც,  
ტკივილი არის —  
უნინარეს,  
აზრის ტიტანი...

10. I. 2016

### ვერლიბრისტები და... ვერლიბრი...\*

ვით, —  
უხერხული  
პოზა, —  
ლექსში,  
მუსიკის ჯიბრით,  
ვერლიბრი არის:  
პროზა, —  
პოეზიაში —  
ლიბრი...

4. I. 2016

\*ოთარ მამფორიას აზრით, ურითმო არის — პროზა;  
ურითმოდ, პოეზია არ .არსებობს...“ — გურამ დოჩანაშვილი,  
გაზ. „კვირის პალიტრა“ N1 (1118).

### ღმერთები, როდესაც — მინაზერ დადიან...

როდესაც —  
სიკეთეს მთავაზობს  
სხვა ზვარი,  
როდესაც —  
მზით მავსებს:  
მჭუუნვარეს,

დარდიანს,  
ჩემს განცდას, —  
საზეოს,  
არა აქვს  
საზღვარი,  
ღმერთები, როდესაც —  
მინაზერ  
დადიან...

17. I. 2016

### ვცდილობ...

მეხმარებიან, —  
სულის მზე და...  
სხივი რომ  
ვხატო,  
ხან, —  
ტიციანი,  
რაფაელი,  
ხანაც —  
კარნახი...  
ადამიანო, —  
უფლის სახე  
და... უფლის  
ხატო,  
ვცდილობ, —  
დაგხატო:  
უფლის რწმენით,  
ნებით,  
კარნახით...

3. I. 2016

### ნეტავ...

არისო, —  
უფრო,  
მეტი ცხოველი,  
რადგან —  
ცხოვრებამ  
საქმით აჩვენა...  
ნეტავ, —  
მეც შევემნა  
სვეტიცხოველი  
და...  
მერე,  
თუნდაც,  
მომჭრან მარჯვენა...

23. XI. 2015

### საკარობრიო კითხვა, ანუ — თუ, ეშველება?!..

ვაგლახ! —  
გვიანო,  
თითების კვნეტავ,







რამდენი —  
ურვას  
ველარ-რით  
ილევს?!..  
თუ, —  
ემშველება,  
რაიმე,  
ნეტავ?!..  
ბრმა სიყვარულით  
დაღუპულ  
შვილებს?!..

8. II. 2016

### მოდერნიზმი...

კარგია, როცა —  
ყავლგასული  
დროულად  
ისხელის,  
დრო აქვს ბევრ რამეს:  
ყვავილობის...  
ჭკობის...  
გახმობის...  
მწამს მოდერნიზმი:  
ზესიახლის,  
ზესვლის და  
წინსვლის...  
და...  
არასოდეს,  
არასოდეს —  
კარგის დამხობის...

27. XI. 2015

### ლექსი...

ექსოვ ლექსებს,  
ვითარ —  
მგოსანი მოგვი,  
დრო —  
მზელექსების  
ლაჟვარდს  
არ დახევს...  
სტრიქონი, როცა —  
ჟრუანტელს მომგვრის,  
მაშინ, —  
სიკვდილის  
ვლენავ —  
არტახებს...

16. I. 2016

### ჭეშმარიტებარ, სიყვარულირ — თვითონ, ღმერთია...

ბევრი სიმაგრე  
აღებულა —  
უცებ,

უაღყოდ,  
უძღვეველია:  
სიბრძნეც,  
ძალაც, —  
ერთად,  
ერთიან...  
ჭეშმარიტებას  
და სიყვარულს  
შმაგი —  
უარყოფს,  
ჭეშმარიტებაც,  
სიყვარულიც —  
თვითონ,  
ღმერთია...

28. XII. 2015

### არ მიყვარს, არ მწამს...

ფულის ტრფილით  
არ გავხსნი —  
წამწამს, —  
სანამ  
მზეს ვხედავ:  
აზრით,  
გონებით...  
არსით და...  
არ-რით,  
არ მიყვარს,  
არ მწამს:  
ფულის ყმები და  
ფულის  
მონები...

21. XII. 2015

### სანამ...

ერთიმეორის —  
ხმას  
სანამ ვისმენთ,  
და... სანამ —  
გულის  
თვალეზით ვხედავთ,  
ერთიმეორით  
ავსხვიდეთ, — ისე,  
რომ...  
ბენვის ხიდზეც  
გავიდეთ მხნედა...

20. XII. 2015

### მინი...

მიყვარს, როცა —  
ფიქრს და  
განცდას  
გულში ვაბამ,  
სხეული რომ



მიმოხანძროს  
თვალთა მზემო...  
მინი —  
მიყვარს, —  
მანდილოსნის  
ჩითის კაბა, —  
ცოტაოდენ,  
ასხლეტილი —  
მუხლებს ზემოთ...

1. VIII. 2015

### ბედნიერება...

ცხოვრება უნდა —  
ზოგს,  
რომ იყოს  
მეწველი ფური,  
„ბედნიერება“ —  
გარს,  
ამ, ნატრულ  
სიტყვას უვლიან...  
ბედნიერებად  
არ მწამს:  
ტახტი,  
განძი და  
ფული...  
ბედნიერება —  
სიკეთე და  
სიყვარულია...

3. XII. 2015

### რეპრესია...

სადაც — კვერთხი:  
ხეპრესია  
მეფობს —  
რისხვა,  
რეპრესია...  
როცა ჰყვავის  
რეპრესია,  
არის —  
დარდიც,  
დეპრესიაც...

24. I. 2016

### პოლიტაჭაფსანდალი...

სად, —  
ათებს...  
ოცებს...  
ხოლო, აქ-ასებს:  
პოლიტლრუტუნებს, —  
პოლიტტიკინებს...  
ზოგი —  
ჭყვიტინებს...  
ზოგი —  
ქასქასებს, —

რომ მოუსმინოთ —  
პოლიტიკინებს...

1. IX. 2015

### უფალი, ზოგჯერ, რატომ გვინყრება?..

უფალი, ზოგჯერ,  
რატომ გვინყრება? —  
სულიდან —  
ლამეს  
უნდა ვფერთხავდეთ...  
საკუთარ თავთან  
ომით იწყება:  
სიდიადე და...  
ზესვლა, —  
ღმერთამდე...

9. X. 2014

### არ მანთებს? — არ მწამს... არ მიყვარს...

ვითარცა — უფალს,  
ლექსის მზეს  
ვლოცავ...  
მაგრამ... რა გითხრათ:  
ლექს-წმახზე,\*  
ლექსზე?..  
არ მანთებს...  
არ მწამს...  
არ მიყვარს...  
როცა —  
ბჟუტურს და  
ბოდვას  
არქმევენ —  
ლექსებს...

6. X. 2015

\*უძმარო მწილი — საბა

### თავისუფლება, — ჯვარცმული...

სიცოცხლე  
ფიქრმა გაცვითა, —  
არ გვტოვებს:  
დარდი,  
არც — მუმლი...  
დავისადგურეთ —  
ჯვარცმითა:  
თავისუფლება, —  
ჯვარცმული...

26. V. 2014



## ყველაზე უნინ...

ნუთისოფელი  
ხან, —  
ვარდია,  
ხან, —  
ქუშობს,  
ქუფრობს,  
ხან, —  
რაც გვეგონა —  
კენტიანო,  
ყოფილა  
ლუნი...  
თუ, —  
შენდობაა,  
ჩემ მტერსაც კი  
შევუნდობ, —  
უფრო,  
მე —  
ქვეყნის მტერი  
მანთებს რისხვით, —  
ყველაზე  
უნინ...

3. I. 2012

## დრო დაუდგება იმასაც — გლოვის...

დრო დაუდგება  
იმასაც —  
გლოვის,  
აქვს, ვისაც  
ნება:  
სიმართლის  
შერყენის...  
ვინც —  
დანაშაულს:  
პირის, თუ,  
ხროვის,  
დანაშაულად შერაცხავს —  
ქვეყნის...

24. X. 2015

## დროის ქარავმა...

ჩავეყურებ —  
დროის ჯამ-ქოთანს, —  
მინიმუმს,  
ხან კი —  
მაქსს...  
როცა მინდოდა,  
არ მქონდა,  
როცა არ მინდა,  
მაქვს...  
10. X. 2015

## სანამ?!..

ერთურთს  
ნინ ვუფენთ  
ნარ-ეკალს,  
უკუნი —  
სანამ  
ავზვინოთ?!..  
ქვეყანა —  
ნარყენა,  
ნალეკა:  
ირგვლივ, —  
ბანკმა და  
კაზინომ...

25. X. 2015

## ჰემინგუეის, ჰიუგოს, მარკესს...

მადლობა —  
ჩვენი ღირსების  
მარკებს:  
სიქველის,  
სიბრძნის  
ლაჟვარდს და  
სარკეს, —  
ჰემინგუეის,  
ჰიუგოს,  
მარკესს —  
მარადიული  
მადლით რომ  
მარგეს...

12. II. 2016

## გასწი! — პლანეტის ხარო!..

გასწი —  
პლანეტის ხარო!..  
დროს  
ქედს არ ვუხრი, —  
მკივანს,  
სხვისი სიკეთით —  
ვხარობ...  
სხვისი ტკივილი —  
მტკივა...

21. XII. 2015

## აპოთეოზი — არარაობის...

დროა, როდესაც —  
წყრომის,  
ფული —  
ზეობს და  
უფლობს...  
ურწმუნო —



პაპზე, —  
რომის,  
კათოლიკეა, —  
უფრო...

27. I. 2016

### ებოლა...

ხალხს რომ:  
ეძრუნა,  
ეთრგუნა,  
ენვა,  
ეხრუკა,  
ებოლა,  
სადღაც, — ჯუნგლებში —  
აფრიკის,  
დათესეს ჭირი, —  
ებოლა...

13. II. 2016

### მაინჯ...

დარდო, —  
გულზე რომ  
წამები,  
ხმლის პირზე  
ვივლი —  
ერთ ამდენს...  
ტანჯვით,  
ჯვარცმით და  
წამებით,  
მაინჯ, —  
მივალწევ  
ღმერთამდე...

1. XII. 2015

### თავისუფლება...

ადამიანებს —  
აქვთ თავისი  
მორალის სარჩო,  
თუმც, —  
მის შესახებ,  
არის, მუდამ —  
აზრი, —  
ცხოველი...  
თავისუფლებას აქვს:  
საზღვარი,  
მიჯნაც და  
ჩარჩოც...  
ვინც გადაცდება,  
ხდება —  
უკვე,  
ნაღდი,  
ცხოველი...

3. XII. 2015

### რაღა ფასი აქვს?!..

მწამს:  
სიყვარული  
უელვარეს ბინას  
იკეთებს,  
სიძულვილი კი —  
მურვან ყრუ და...  
შაჰ-აბასია...  
ცოცხალს მთართვი  
ერთი ვარდი,  
თუ, გსურს —  
სიკეთე,  
მკვდარს რომ  
აჩუქო —  
ერთი კონაც,  
რაღა ფასი აქვს?!..

21. IX. 2004

### ჩემი ნატვრა და... არჩევანი...

სანამ ისმოდეს —  
ამ მიწაზე:  
ვაი,  
ვაღალი?!..  
და... რომ მომცემდნენ  
უფლის სწორნი  
ნატრულ არჩევანს,  
მე ავირჩევდი:  
წრფელის,  
სათნოს,  
ნაღდის,  
ალალის —  
გალიმებული  
და...  
სხივსავსე  
სახე მაჩვენა...

7. XII. 2015

### ყველაფერი იწის — ხალხმა, — ყველაფერი ახსოვს...

ვინაც —  
გესლი  
თაფლით ხანხლა, —  
ბრმა-ყრუდ თვლიდა  
ხალხსო,  
ყველაფერი იცის —  
ხალხმა, —  
ყველაფერი ახსოვს...

24. VII. 2015



## ჭემპარიტი ქართველი...

შემოგვერია —  
ავი სისხლიც, —  
მისხიდან  
მისხით,  
უკან ვატანდით —  
თუმცა,  
ავ ზნეს  
შემოჭრილ ქართვე...  
აუგს —  
აროდეს,  
არ ჩაიდენს  
ქართული  
სისხლი,  
სირცხვილს —  
სიკვდილი ურჩევნია  
ჭემპარიტი ქართველს...

30. XII. 2015

## როცა — ალარ ვიქნები...

პოეზია მზე არის,  
განა —  
ანცი ფრთებია?..  
პოეზია სიბრძნეა,  
განა —  
ფუჭი ფიქრები?..  
მერე —  
გაჰკვირდებიან...  
მერე —  
განცვიფრდებიან...  
მერე —  
გაოცდებიან,  
როცა —  
ალარ ვიქნები...

30. IX. 2015

## ღიაღი...

სულიც და  
გულიც  
აზრს უნდა მისცე,  
დაპურდე, —  
უფლის სიბრძნის  
ხმიადით...  
ვერ-რით შენვდები  
დიადის სივრცეს,  
შენ,  
თუ,  
არა ხარ, —  
თვითონ,  
ღიაღი...

3. X. 2015

## არ წღება — სსულელი...

ხან, —  
მტყუან-მართალი  
დადიან მხარდამხარ,  
რა —  
ვისი ხვედრია?..  
ვინ —  
რისი მსურველი?..  
სად —  
ბრძენთა ბრძენიც კი  
ცდებო, —  
ხანდახან,  
იქ, თურმე,  
აროდეს,  
არ ცდება  
სსულელი...

10. IX. 2002

## ყოველთვის მართალი...

ხომ შეგხვედრიათ, —  
ზნე-პირით, —  
მყროლეთი,  
კუნძეთი,  
ჯირკეთი,  
ქვა და  
ქვის —  
ნათალი?  
ის,  
ვისაც,  
ჯორულად,  
მხოლოდ და...  
ყოველთვის,  
თავისი ბზე-თავი  
ჰგონია —  
მართალი...

25. II. 2014

## რეზბო მწვერვალის დაპყრობა მიტყაყებს...

სურვილის  
ნაღვერდალს  
ველარ ვტემ  
მინაზე, —  
ზეცისკენ მივყავარ —  
ოცნების  
ამ ლივლივს...  
ციცაბო  
მწვერვალის  
დაპყრობა მიტყაყებს,  
თორემ, —

ძირს,  
მინდორზე,  
კუნტრუშით გავივლი...

1. VIII. 2010

### ოქრო და ვერცხლი...

ბრძენთაგან თქმულა:  
სიკეთედ...  
ლოცვად...  
ლარსხივად...  
განა —  
ოკროდ და  
ბოკროდ?..  
ხამს დაფიქრება:  
თქმა?..  
არ თქმა?..  
როცა —  
თქმა — ვერცხლია და...  
დუმილი — ოქრო...

12. IV. 2015

### თუ, — გამაკვირვებს...

მიყვარს:  
სილალე,  
სიალალე,  
სხივი —  
მზის მინდვრის...  
როცა —  
გულიდან ამოსულის,  
ნათლით ვივსები...  
ცის ქვეშ,  
ვერაგინ გამაკვირვებს —  
ტახტით,  
სიმდიდრით,  
თუ, —  
გამაკვირვებს —  
ვინმე,  
როსმე,  
მხოლოდ —  
ღირსებით...

19. XII. 2012

### ქვეყანა — ნალმა, წავა ვერაგზით...

დრო არის,  
როცა —  
ეგზომ... ვერაგი, —  
სიტყვით — მეტით და  
საქმით — ნაკლებით,  
ქვეყანა —  
ნალმა,

წავა ვერაგზით, —  
პოლიტიკანი  
ლანირაკებით...

7. XI. 2007

### წაღილი...

მთა — ატყორცნილი  
სინდისის დროშით, —  
მწვერვალთ  
მწვერვალიც,  
ვინ თქვა —  
უბაროდ?!..  
უსამანო და...  
უსაზღვრო დროში,  
არ მსურს:  
თოვლივით დავდნე, —  
უბრალოდ...

16. X. 2015

### და... სიამაყურ მიყვარს — ღირსების...


მე მიყვარს —  
სიბრძნის  
და სიკეთის:  
მზეც და ყანებიც,  
სიყვარულით ხომ:  
ვდიადდები, —  
მზისებრ ვივსები...  
უბრალოებას,  
თავმდაბლობას  
ვეთაყვანები,  
მაგრამ...  
სივრცე და...  
სიამაყეც მიყვარს —  
ღირსების...

24. VI. 2015

### პოეტი და მკითხველი...

მკითხველი არის:  
უფლის დარიც,  
ბნედით ალურიც...  
პოეტი უნდა  
იყოს —  
ბრძენი, —  
გულის მზით მთხვეელი...  
ხოა, — მკითხველიც —  
ბრძენიცა და  
გენიალურიც?..  
ას პოეტს, —  
ზოგჯერ,  
მირჩევნია —  
ერთი მკითხველი...  
6. I. 2016





რეზო (ეხელიანე) ადამია



წმიდა ნინო

(რომანი)

გაგრძელება. დასაწყისი იხ. „ოლე“ N4, 2015.

\*\*\*

ცამონმენდილსა და მშვიდ ამინდში, სალამოობით, მაყვლოვანის ახლო, მწვანებალახოვან ადგილას, ბჟოლის ხის მორისგან გამოთლილ პატარა სკამზე, წყნარად იჯდა მისტიკოსი წმიდანი და დიდხანს უმზერდა ახლად ამოსულ, ვერცხლისფრად ანთებულ სავსე მთვარეს. „ბევრი საერთო თვისებაა ამ პლანეტასა და მაცხოვარს შორის“, იტყოდა თავისთვის წმიდანი. ციური სხეულებიდან ზოგი ასე გამოიყურება — მთვარე, კოსმოსური განონასწორებულობა და ზეციური დუმისიმშივიდე. ფერით? ვერცხლი, შორეული მზის სხივანაზავი. განუყრელად თვალის მიმპყრობი. შეყვარებულთა სანდო მესაიდუმლე და მრავალთა აღსარების მიმღები. ხანგრძლივი ზეციური სინყნარე და იდუმალი ფიქრთსავსეობა. მასთან დიდი ხნით ყოფნა, საამო ოცნების და აზრთა მოხმობის წყაროა. ნებისმიერთა შინაგანად ამმალღებელი და სიყვარულის მესაიდუმლე. არნახული სულიერი უშუალობა და სიკეთე. უტყუარი კაცთ იმედი მომავლისა. პლანეტისეული სრულფარდოვანი სიბრძნე. ყოველთა მიმტევებელი. მოუსვენარ ვარსკვლავთა დამამშვიდებელი და ძილის მომგვრელი. უსასრულო ცის მშვენება და გარემოს უცნაური თვისებების დამტევეია მთვარე. დინჯი, პატიოსანი (მუდამუამს დედამინის ჩრდილი აწვალებს ხოლმე)...

ერთ-ერთი კოსმოსური აზრმშვენება — წმიდანისეულ ღამეში შევიხედოთ და ზეციურად გავნათლდეთ.

— მოდით, ახლოს დაბრძანდით, ჩემო დებო, მორჩილო ფეოდოსია, სიდონია, მესანთლე და ხატ-ჯვართ მიმხედვარო, მზრუნველო თეოდორა, ჩვენდა ამაგდარო ანასტასია.

ნებისმიერ დროსა თუ ამინდში, ორი ან სამი მონაზონი, ნინოს გვერდით განუყრელად იმყოფებოდა ღვთიური სიყვარულით და წმიდანური თანადგომით. ხიფათის და განწირვის შიშის არავითარი გრძნობა მათ არ გააჩნდათ.

— ამ ღამეს კი უნდა მოგიყვეთ შორეულ სამყაროზე და პლანეტებზე. წინათ გესაუბრეთ, თუ როგორ შექმნა ღმერთმა ხილული და უხილავი კოსმოსური სინამდვილე. ეს უდიდესი თემა ხომ უსასრულოა და დიდხანს შეიძლება მოყოლა. ამჟამად შევეხებით ციურ

სხეულებს. რაც მისწავლია კაბადოკიაში, საბერძნეთსა და იერუსალიმში, იმის მიხედვით კი არა, უფრო პირადი უტყუარი ხედვა-ინტუიციიდან ირეალურის მაგვარ სურათებს შევეხები. ჩვენ, ნებისმიერნი, უცხო და უშორესი შეგრძნებითაც ვცხოვრობთ, ვაზროვნებთ, ვმოღვაწეობთ და ვქმნით ქრისტიანულ სიახლეებს, რადგანაც ყოველივე ის ღვთიური ჭეშმარიტების უღევი ფონდებიდან გვეგზავნება. შედარებისათვის გადავხედოთ უძველეს საუკუნეებს: ფასდაუდებელი და დიდია კოლხი მედეას ზეპიროვნების საკაცობრიო სასწაულებრივი ფენომენი. პლანეტის მოვლენა, ქალი, საწყისია ქრისტეს გამოცხადება-საოცრებისა. ღვთიური ნიჭით შეპყრობილი მკურნალი მედეა ყველა იმ უძველეს არაჰუმანურ, სიბრძნეს მოკლებულ რელიგიებზე მალლა მდგომია და მისი მიუწვდომელი გენიის მზემ მაცხოვრის სივრცეებშიც შეაღწია. ღმერთი თუ დაუსაბამოა, მისი შვილი მედეაც მარადიული გახლდათ. უთუოდ უსასრულობის მიუვალ ფენომენს ატარებდა უფლისმიერი კოლხი მედეა, მკურნალი სიმბოლო პლანეტისა... აი, ჩემო დებო, ვის ჰქონდა ვარსკვლავთური ყოვლისმომცველი უსაზღვრო დროის ინტუიცია წინასწარმეტყველური...

მე თუ გამაჩნია მკურნალობის შესაძლებლობანი, იმ ღვთიურ უკეთილშობილეს, საოცარ გადმოცემას ვემაღლიერები. თქვენც, სულნო! მომავალში გებოძებათ ადამიანთა სასარგებლო, უფრო მეტი და მეტი სამკურნალო საქმემცოდნეობა, რომელიც ღვთის უშრეტი ენერგიიდან მოგწოდებათ...

ხშირად ვამბობთ, რომ ყოველ ჩვენგანში არის ღმერთი, რომელიც სრულ სიმართლეს წარმოადგენს. მაშინ თამამად უნდა ვალიაროთ, რომ უკლებლივ დიდსა და პატარა ციურ სხეულებში იმყოფება უფლის კეთილი ძალა და მისი უხილავი საოცრება — ბრძნული სივრცე, რომელიც მოქსოვილია ურთიერთშემადრთებელი ჰაეროვანი ცოცხალი კაპილარებით. სხვადასხვა ფერადოვნების მზეების და დიდი თუ პატარა ვარსკვლავების განუსაზღვრელი ენერგია თავს იყრის მიუწვდომელ უფალთან და იქმნება ღვთიური აზრით უძლეველობა, სიდიადე შეუდარებელი. ამდაგვარი გახლავთ ღმერთი, ჩემო სულეებო! ასე რომ, მაცხოვარშია სამყაროსეული სივრცე და მრავალგანზომილებიანი, დაუმორჩილებელი და მოუთოკავი დრო. როგორც მო-



გახსენეთ, პლანეტებში უფლის შინაგანი სახეა გონი-  
უნვდომელი. ხოლო ადამიანებში მაცხოვრის უხილავი,  
ღვთიური უმთავრესი ელემენტებია და უცნაური ზე-  
ციური გენის ბადეა გაბმული. იესო ქრისტეში, ადამი-  
ანებთან ერთობლიობის ზეთვისებრივი ურთულესი  
წრე ქმნის უზარმაზარი რწმენის და იმედის ხატს, ღვ-  
თიური სიახლოვე სრულია და ხელშეუხებელი. საბო-  
ლოოდ, ყოველი მხრიდან მივდივართ სამების ბრწყინ-  
ვალე სახემდე. „ღმერთი, ძე ღვთისა და სულიწმიდა“  
— ეს ხომ, ჩემო სულით და რწმენით ახლობლებო, საკ-  
ვირველი ღვთიური მთლიანობაა.

ტანმორჩილმა მონაზონმა თეოდორამ დაარღვია  
წმიდანის ყურადღება:

— როგორ! უსასრულო სამყარო ღმერთია, წმიდა  
დედაო?! — თქვა მრავლისმეტყველად ჩაფიქრებულმა.

— დიას! უფალა, თავისი განუსაზღვრელობით,  
უკიდევანობით და ზღვარდაუდებელი აზროვნების  
დინამიკით. — დაამატა წმიდა ნინომ. — ამქვეყნად  
დიადურობის, ამაღლებულობის და სამყაროს მოკრძა-  
ლებული მოდელია ადამიანის გონება და სული უწყ-  
ვეტი ღვთიური ქსოვილებით. გული მფეთქავი, თავი-  
სი ასტროლოგიურ-ასტრონომიული და კოსმოსური  
მგრძობიარობის უძლიერესი კვანძია, სულისა და  
საფშინველის ოქროს საბადო. დღეის, ანუ ამ ღამის  
საუბარი აქ შევწყვიტოთ, რადგანაც შუაღამის ლოც-  
ვის დროც მოსულა. დებო, ეშმაკი უხსოვარი დროიდან  
გვებრძვის. მასთან დაპირისპირებაზე შემდეგ მოგიყ-  
ვებით.

ყოვლისმხილველი წმიდანი სამყაროსეულ განზო-  
მილებას საოცარი სიზუსტით და უშეცდომოდ საზღვ-  
რავდა, რა თქმა უნდა მზის, მთვარისა და ციური სხეუ-  
ლების გავლენით, ზეციური შუქმცურავი ნიუანსების  
შეგრძნებით...

\* \* \*

სხვადასხვა დროს, წმიდანი, მაცვლის ეკალშემოვ-  
ლებული ძუ ირმის ტყავისგან შეკერილი ქალამნებით  
დაიარებოდა და ლოცვითი ცრემლებით ალბობდა იბე-  
რიის მადლიანი მიწის ნიადაგს. ხშირად ესიზმრებოდა  
მაცხოვრისა და ღვთისმშობლის ოქროსფერი კოლ-  
ხურ-იბერიულ-ბერძნული ხატები, თეთრი ანგელოზე-  
ბი წამითაც არ ტოვებდნენ წმიდანს...

უამმონეულ დროს კეთილი, იმედ მასწავლებელი  
წარმართ მთიელებს ესტუმრა, ღვთიური სინმინდით  
დაუახლოვდა, კეთილმყოფლურად მოეფერა და ვაჟ-  
კაცური შემართების ხალხს მათთვის გასაგები ენით  
ამცნო — იესო ქრისტეს დიადური მოსვლით ყოველ-  
თა გადამრჩენელი ღვთიური მისია. მერმე მდუმარე  
ლოცვებით, ფეხშიშველი, ბილიკ-ბილიკ, ბუნებამდი-  
დარი კახეთ-კუხეთისკენ წამობრძანდა და გზად ქვეყ-  
ნის და ყოველთა გადარჩენის სიმბოლო ნატერფალები  
დატოვა. პლანეტათა შორის სივრცისფერი ცრემლე-  
ბით და წმიდა სისხლით წინწკლავდა სავსე მთვარის  
შუქით მოვერცხლილ, მთიელთა მითოსურ მიწას...

კვირა საღამოს, მორიგი ლოცვის შემდეგ, მზ-  
რუნველი დედა წმიდანი და რამდენიმე სულიერი და  
სენაკის დალაგებას რომ მორჩნენ, მცირე ტრაპეზს მი-  
უსხდნენ. სუფრა შედარებით ღარიბი ჰქონდათ, მაგრამ  
სულიერი სავსეობა და ზეციურ-ჰაეროვანი განწყობი-  
ლება სუფევდა. წმიდანის სენაკის ეზოს სიახლოვეს,

გზის პირას მამაკაცებისა და ქალბატონის დაბალი  
ხმით საუბარი მოისმა. ჭიშკართან შეჩერდნენ, მოკლე  
ღუმილის შემდეგ:

— მთავარი ქრისტიანი მლოცველი, კეთილი დედა  
ქვეყნისა, თავისას თუ ბრძანდება! — ბოხი ხმით, ხანში  
შესულმა, ოდნავ წელში მოხრილმა მამაკაცმა იკითხა.

— გახლავთ, სტუმარო და ამჟამად ტრაპეზობს;  
შეგიძლიათ ეზოში შემობრძანდეთ, მცირე დროით  
დაელოდეთ. ძალღებისა ნუ გეშინიათ, კეთილ სტუმ-  
რებს არ ერჩიან. — ერთ-ერთი დის სანდომიანმა ხმამ  
ოდნავ განათებული სენაკის, წმიდა სივრცის სიშორი-  
დან გამოაღწია.

გვიანი შემოდგომა იდგა. სოფლის მშრომელებს  
ღვთის წყალობით მოსავალი დაებინავებინათ. საქვეყ-  
ნოდ განთქმული ბოდბელი მევენახე-მეღვინეები წმიდა  
მასწავლებელთან მოსაკითხით მოსულიყვნენ: ჩამუქე-  
ბული იდუმალი ფერის წითელი ღვინით სავსე კოკით,  
რამდენიმე შეკვრა ნიგვზიანი ჩურჩხელით, სამი ქოთა-  
ნი ქარვისფერი თაფლით, კოხტად დაჭრილი რამდენი-  
მე ოთხკუთხედად ჩამოსხმული სანთლით, თონიდან  
ახლად ამოყრილი, მოვარდისფრო-ჩალისფერი დედას  
პურებით, რომლებიც ირგვლივ მაცოცხლებელ, საამო  
სურნელს აფრქვევდნენ (ერთ-ერთი მონაზონთაგა-  
ნი, ღვთის წყალობაა ყველაფერიო, ზევით მზირალი  
ხშირად იმეორებდა). წითელლოყება, პირმომღიმარი  
ცელქი ბროწეულებით, მწიფე კომპითა და მომწვანო-  
მოყვითალო ცრემლგამკვრივებული ლეღვით სავსე  
გოდორი ორ მამაკაცს ძლივს მოჰქონდა. თეთრწვერე-  
ბიან, ტანხმელი აღნაგობის ბერიკაცს კი ორივე ხელით  
მოწინებით ეკავა სპილენძის ძველისძველი სათლი.  
მდინარის წყალში, ვერცხლისფერი თევზები, დროგა-  
მოშვებით შემკრთალნი ირხეოდნენ. სიკეთისა და მე-  
გობრობის სტუმრებმა, სენაკის შესასვლელ კართან,  
შემოდგომის ცინცხალი ნობათი მორიდებით რომ დაა-  
ლაგეს, ჩვენგან წმიდანს მიართვითო, ყველამ ერთხ-  
მად წარმოთქვა. მერმე — ძალიან გვერიდებაო, მაგრამ  
დიდი მნიშვნელობის და მაღალი რწმენის სათხოვარი  
უნდა გაგიმზილოთ, ჩვენო ქრისტესმიერო დებოო.

— ბრძანეთ, კეთილო და პატიოსანო სტუმრებო,  
— იყო უკუთხოვნისმიერი თანხმობა.

— გვინდა, წმიდა ნინომ, სოფლის მარნები, ღვი-  
ნით სავსე უძველესი ქვევრები გვიკურთხოს და წლე-  
ვანდელი მოსავალიც დაგვილოცოს.

წმიდანის დროული პასუხი და დარიგება გახლ-  
დათ:

— თქვენგან ხელმარჯვნივ, ცაცხვის ხეზე მი-  
მაგრებულ დაფაზე, ქოთანში მოთავსებული კირის  
ნატეხით საკუთარი სიმბოლური ნიშნები მიანიშნეთ.  
უახლოეს ლოცვებში მოგიხსენიებთ და აუცილებელ  
კურთხევასაც მოვიღებ. შემდგომში, ახლობლებო და  
ჩემებო, საგანგებო წირვასაც ჩავატარებ ქვეყნისა და  
ღვთის სოფლის მასულდგმულელებლად.

მერმე წმიდა ასულმა უღრმესი მადლიერებითა და  
სულისმიერი ლოცვა-კურთხევით გაისტუმრა ბოდბე-  
ლი გულმდიდარი კეთილი მეღვინეები.

— როგორი ზეადამიანური და ჯანსაღი სულ-გო-  
ნების ხალხია, — წმიდანმა დაბალი ხმით წარმოთქვა,  
— ყოველ მათგანს, გამოცდილი ოსტატ-იუველირის,  
ფილიგრანულად ნაკეთი ვერცხლის ციმციმა ჯვრები  
გადასცა, იბერიულ-კოლხური წარწერით. სამ-სამი,







ნმ. ნინო. ხატმწერი რეზო ადამია

თავისივე სურვილითა და სიყვარულით ჩამოქნილი, ნაკურთხი, მოზრდილი თაფლის სანთლები ხელში დააკავებინა. მათგან საკვირველად მორცხვი და მორიდებული ქალბატონი გაოგნებული, სიტყვით აღუწერელი სიყვარულით მისჩერებოდა ღვთიური ნათლით მოსილ წმიდანს. აცვიფრებდა ქვეყნის მასწავლებლის ჯერ არნახული, კეთილშობილური, არამინიერი მოძრაობანი და ზეციური სიმშვიდე-უბრალოება.

შემდგომ, ღირსი დედა ნინომ სტუმრები დედაშვილურად დაარიგა და რელიგიური უახლესი ნეს-კანონები გააცნო:

— უპირველესად, თქვენს მარნებში მუდმივად ჯვარი პატიოსანი უნდა ესვენოს, უმჯობესია, ხისა ან ოქროსფერი გამომწვარი თიხისა. ხოლო საწნახელსაქვევროში, რამდენჯერაც რომ შებრძანდებით, ყოველთვის პირჯვარი უნდა გადაისახოთ. შემდეგი თხოვნაა — საწნახელის შუანელში, ზედა საწყისთან, სანთლები დაამაგრეთ, აანთეთ და ისევ ღრმა სულიერებით, კეთილი გულითა და სალი გონებით ილოცეთ. თითო ანთებული სანთელი კი ხელთ გეკავოთ, სანამ მინელდება. ლოცვისას გზადაგზა მრავალჯერ მოიხსენიეთ ქვეყნიერების და ჩვენი მხსნელი იესო ქრისტე მაცხოვარი.

თეთრწვერიანმა მამაკაცმა მორიდებით დასძინა:

— ჩვენთვის ნაწამები და უზომო ტანჯვაგამოვლილი.

წმიდა ნინოს სულიერი მშვენებით ეამა გულით მართალი სიტყვები და მშობლიური მზერა შეაგება. ამ ხალხისგან სამაგალითო, მარად უღალატო ქრისტიანი ერი იშვებაო, გაიფიქრა წმიდანმა. წამიერი შეყოვნების

შემდეგ დინჯად გააგრძელა უკვე უახლოესი და კეთილი სტუმრების დარიგება:

— ილოცეთ დედა ღვთისმშობელზე, ანგელოზებზე, მოციქულებზე და წმიდანებზე.

— თქვენზეც ვილოცებთ, ჩვენო მხსნელო დედაო და მიუწვდომლობის მასწავლებლო, — იმავე მამაკაცის ბუნებრივი და გულითადი ხმა გაისმა.

დედა მასწავლებელს ფარულად გაელიმა:

— მადლობელი ვარ, მშრომელო და ღრმად მორწმუნე ქრისტიანო. დიახ, ჩემებო! არ დაგავინყდეთ მადლსავსე მოსავლის მოპოვებისა და მრავალმხრივი დოვლათის შექმნის თანამდგომ ანგელოზზე აუცილებლად რომ უნდა ილოცოთ. შემდგომ ყოველის მხილველი, ყველგან მყოფი და შემძლე უფალი უთუოდ მოიღებს თქვენზე და უკლებლივ ყველაზე ღვთიურ მოწყალებას, რითაც ურყევი ჯანმრთელობა, სიმშვიდე და უღვევი ბარაქა შეგემატებათ.

ამდაგვარი გახლდათ იბერიის განმანათლებლის მზით სავსე მისტიკური მევენახე-მეღვინე სტუმრების მშობლიური გამასპინძლება, სიკეთე და სიყვარულშემკული დარიგება, სწავლება და უმორჩილესი თხოვნა.

\* \* \*

ბარაქიანი შემოდგომის, ჯერ არნახული, დარიანი საღამო იდგა. დასავლეთის სუფთა ნიავი ქროდა — გრილი. ერთმორწმუნე ორივე მხარე გახალისებული და ღვთივბედნიერი ჩანდა. უმთავრო, წყნარი და აურაცხელი ვარსკვლავით მოჭედილ ცაზე სიყვარულის ვარდისფერ ჩალისფერთმიანმა ანგელოზებმა გადაიფრინეს. მათგან უღამაზესი ხაზფორმებით შეფერადა და ზესამყარო და წმიდანის ირგვლივ საამო ღვთიური სურნელი ჩამოდინდა. — დაილოცოს შენი სახელი, უფალო! — ნეტარხსენებით ილოცვიდა კეთილ წმიდანი.

სამეფო ეზოში და აქა-იქ სანთლის შუქმჭუჭუტავ მეფის სასახლეში სიჩუმე იდგა მრავლისმეტყველი. მთავარი საქარავნო გზიდან ცხენოსანთა ღამეული ლაშქრის ხმა მოისმოდა. მხედრები, ალბათ, მეომრულ წვრთნას გადიოდნენ ან მეფის დავალებით, ქვეყნის შორეულ რეგიონებში, წესრიგის დასამყარებლად მიეშურებოდნენ.

მცხეთის სამხრეთ-დასავლეთის მთის უდაბური მწვერვალიდან განმარტოებული მიკიოტის, ბნელეთის მფლობელის გადმოძახილი — მხოლოდ ჩემია ეს ღამე! — ტყისა და ქვეყნის საიდუმლოებებით შემოსილ გარემოს უსაზღვრო სითამამით ეუფლებოდა. იშვიათი ფრინველის ხმა ძილს უფრთხობდა მოჩვენებითი შიშისგან ეჭვებაყრილთ, უმეტესობას კი — პირიქით.

— მიკიოტები იდუმალი თვისებების ფრინველებია, ღამის გუშაგ-მაცნედ გაჩენილნი. ამ მხარეში, უფრორე თხოთის მთაზე ბუდობენ, მერმე ირგვლივ ბატონდებიან და ქვეყნის შეუცნობელ ფუნქციებს ასრულებენ; ვარსკვლავთმრიცხველი უერთგულესი მსტოვრებია უტყუარი. — დაბალ, ბზისფეხებიან ჯორკოზე იჯდა დედა სიდონია და ამ ფრინველთა შესახებ საინტერესოდ ყვებოდა.

— თხოთის მთა ჩვენი სარწმუნოებრივი უბრწყინვალესი სიმბოლოა, იქიდან დაიწყო იბერია-კოლხეთის მეორედ დაბადება და ჭეშმარიტი სიკეთითა და სიყვარულით მოსილი ისტორია, — ბრძანა წმიდანმა, — ზებუნებამ, უფლის მითითებით, წმიდათანწმიდა ფუნ-



ქციები დააბედა. ნეტარი სახელია, დებო. იმ ღვთიურ მთაზე, მომავალში, ჯვარი უნდა აღმართოთ ყოვლის-შემძლე, მაღალი მუხის ხისა. — წმიდანმა ამაღლებული განწყობილებით მოუწოდა დებს. ამ დროს რამოდენიმე კეთილშობილი სულიერი და წმიდანის გვერდით იდგა თვალებგაბრწყინებული.

— მე მიყვარს ეს ღამეული უცნაური ფრინველი. საკვირველია, კატები ვერ იტანენ მათ ხმას და ღიზიანდებიან; ისინი ხომ ორბუნებოვნები არიან, — თქვა ერთ-ერთმა ფეხზე მდგომმა დამ.

— ზოგიერთი ადამიანისა არ იყოს, არა, დაო?! ძაღლები?! ეს ცხოველები, მგონი, შინაგანად ჩვენზე არანაკლებ აღიქვამენ ბუნებაში მნიშვნელოვანს. უმალ ფხიზლდებიან და ირგვლივ ყველაფერს გაფაციცებით ათვალაიერებენ. მერმე, მშვიდობაშეტყობინებულნი კვლავ უბრუნდებიან მთვლემარებას, ან ღამეული ყეფით შეძახილს, — დედა სიდონიამ ისევ გააგრძელა მისტიკურ თემაზე მოყოლა, — მხოლოდ უფალმა უწყის, რას გვაფრთხილებენ ეს ჩაბნელებულ შორეთში მიმალულნი, ირგვლივ მხოლოდ ხმით რომ მელავნდებიან. რა თქმა უნდა, შემთხვევითი მოვლენა არაა მათი გადმოძახილი. შესაძლოა, ბნელის უხილაობიდან მომდინარე ღამის მრავლისმეტყველი მამხილებელი ხმაა, სტიქიურად გაჟღერებული. მე ღამე ვარ, გარემოსა და სივრცის ბატონ-პატრონი და მიფრთხილდით. ყოველი დიდი ძალა ხომ გაფრთხილებაა, მოვედი, დავმკვიდრდი და ყოვლისმომცველი სიძლიერეა ჩემში. ქვეყანას დავუფულე და მიიღეთ აუცილებელი თადარიგი. ღამეა, ღამე! ღამეა ბნელეთის მეფე მფლობელი უსაზღვროების ძალით. აი, ამაღვარ ხმას და აზრს ავრცელებს ღამაზბუმბულშემოხვეული მიკიოტი, ღამის შუქჩამჯდარი და შორეთის სიფხიზლის მატარებელი.

— მიკიოტი!.. თხოთის მთა... ღამე, ჯვარი და იბერი!.. — წყვეტა-წყვეტით დამარცვლა ეს უსაზღვრო ტევადობის სიტყვები წმიდანმა და შორს, ვარსკვლავმრავალ სივრცეს გახედა..

— დაო სიდონია! მთავარზე, ამ თვითმყოფადი ფრინველის ხმის საიდუმლოებაზე მოგვიყვი! — ერთ-ერთმა დედამ შესთხოვა.

— ხო! დიას. ადამიანების დამოკიდებულება და ურთიერთობა ღამეულ იდუმალ ხმასთან, არა? — ურთულესია: მგრძობიარე ადამიანი ბნელის ძახილის გაგონებაზე, ღამის დემონური სიმძიმეშეპოჭილი, ორად იხლიჩება — მისეული, თავისუფალი, არაპირადი, რომელიც მის მეობას ბოლომდე არ ეკუთვნის, შორეული, მიუწვდომელი, უფრო ამაღლებული და წმიდანებთან ურთიერთობაშექმნილი. მეორე, მაცდური და ეშმაკისეული, უსაზღვრო შიშის ბილიკზე მავალი, ანუ არაადამიანური. ამ ჩამძირავ ცას და შეუვალ ღამეს შერწყმული ფრინველის ხმაზე ყოველი პიროვნება განყენებულ ფიქრთა მორევში ეხვევა, ცნობისმოყვარეობა და შორს, უცნაური მრავალაზრიანი ფანტაზიის ხედვის კარი ეხსნება. პირველყოფილი ველური ინსტინქტები ამოტივტივდება და ჟრუანტელის მომგვრელობით განიმსჭვალება, შემდგომ განწირულივით შიშშეპყრობილი თვალეებით ღამეს გახედავს, მაგრამ ბოლომდის ვერ ჩახედავს... ასე რომ, დებო! ღამე ძაღლების და მიკიოტის საბრძანებელია, ეშმაკისაც... ამიტომაცაა მთელი ღამე მიკიოტები და ძაღლები რომ ფრთხილო-

ბენ: დაილოცოს, ღმერთო, შენი სახელი და დიდება — ყველას ერთხმად აღმოხდა.

— დებო ჩემნო! შეცვალეთ სასაუბრო თემა — ითხოვა წმიდანმა.

— დაო! დაო სიდონია! — გულუბრყვილოდ წარმოთქვა დედა ეფემიამ, — მეამაყება, როგორი ნიჭიერი და ღირსეული მოწაფე ხარ ჩვენი წმიდანისა.

— უფრო მეტის გამხელის უნარი აქვს დედა სიდონიას, — ღიმილით თქვა წმიდა ნინომ და ჯვარს მოეფერა...

მერმე ჩაფიქრდა დედა სიდონია და უცებ მიმართა წმიდანს:

— დაო და დედაო, ერთი აზრი ხშირად მანუხებს და ვერ გამიბედავს თქვენთვის გამჟღავნება.

— თქვი, დედაო, ჩვენ ხომ არაფერს ვუმაღავთ ერთმანეთს.

— ჩვენი ღრმა რწმენით, ლოცვებით, მარხვებით, აღსარება-ზიარებით, შეწირვა-მონანიებით, ცრემლით, განუზომელი სიკეთე-სიყვარულით და ამაღვარი გულწრფელი სამსახურით მომავალში თუ შევძლებთ დაპყრობითი და გამანადგურებელი ომების, ან კაცთა კვლის, ღალატის, ურთიერთსიძულვილის, ბოღმის, შურის, ურწმუნოების შეჩერებას?

— ყოველივე მაგის აღმოფხვრა რომ ყოფილიყო შესაძლებელი, ჯვარცმა არ მოხდებოდა — მაცხოვრის უსასტიკესი ნამება. ეს ხომ მეორე უმძიმესი შეუცნობადი სამყაროა საშინელი, რომელიც ეშმაკის უძილო ღამეებიდან და მოუსვენრობითი ბოროტებიდან მოდის. ადამიანთა გარკვეული ნაწილი, სამწუხაროდ, ზნეობრივი სინთეზია უფლის და ეშმაკის. ამიტომ, მომავალშიც ბევრი უსიამოვნება ელის ქრისტიანულ სამყაროს, საერთოდ მთელ პლანეტას. სინანულის მომგვრელია, მაგრამ რწმენის, სიკეთის და სიყვარულის მხრიდან სხვა ძალა არ არსებობს. იესო ქრისტე მხოლოდ რომაელებმა და იუდეველებმა კი არ აცვეს ჯვარს, არამედ მთელმა კაცობრიობამ, უნებისყოფო ადამისა და ევას ნამრავლმა, რაც მარადიული ტრაგედიაა ორივე მხარისთვის. უფლის შეწვევით და სასწაულებრივი მოვლენით, მომავალში დიდი ომები შეიძლება შიშმა შეაჩეროს, ის კი მრავალმხრივია: ლაჩრული, ავადმყოფური, უბედურების მოლოდინის, პიროვნული სისუსტიდან გამომდინარე და კიდევ რამდენიმეს დასახელება შეიძლება. მე უფრო ბრძნული შეგონების იმედი მაქვს, რომელიც იძულებითი იქნება ახალი ცივილიზაციის ზეძალების მეოხებით. ჩემი თხოვნაა, ამ უმძიმეს საკითხზე კითხვებს ნუ დამისვამთ. ყველაზე უფრო აუცილებელი და იმედისმომცემია, ადამიანებმა ღვთიური ზნეობით დაიცვან ათი მცნება. მაშინ კაცობრიობა ამ უმძიმეს ჭირ-ვარამს მოიხსნის თავიდან და იმ საშინელ მესამე ძალას გამარჯვებული დაუპირისპირდება...

დუმდა მაცხოვარი მარადის შორეული ფიქრებით... დიდ დროს დუმილში ატარებდა წმინდა ნინო. სიბრძნის უძირო აზრები, კეთილისმყოფლური იდუმალება და წარმოსახვები დუმილის საუფლოში იყრიან თავს, აქედან იწყება ეკლესიური, საერთო და ღვთიური ყოველთა პროგრესული მოღვაწეობის განვრცობა. ყოველგვარი წმიდა სიყვარულიც ხომ ფუძეიდუმალი დუმილის განძია.

იბერია-კოლხეთი ურჯულთა მტერმა მრავალჯერ





აანიოკა და ინგრეოდა ეკლესია-მონასტრები, ისპობოდა ქრისტიანული კულტურა: მაცხოვარი დუმდა მიუნვდომლად. იესო ქრისტე ჯვარს აცვეს, წამებული დუმდა მხსნელი უსაზღვრო მიმტევებლურ-ზნეობრივი შთაგონებით. დუმილი ზეფილოსოფიური აზროვნების ერთ-ერთი შეუცნობელი უჯრედი ხომ არ არის, გზაშესაყარი უზომო ჭეშმარიტების ღვთივ გონებრივი განსჯისა...

*ახალი, უძლიერესი უფლისეული სიყვარულის რელიგიური სამყარო ბურჯად დარაჯობდა იბერიის უძველეს დედაქალაქს.*

*ღამე, სივრცე და დამოუკიდებელი დრო უსასრულოების სიბრძნის თვალთ იხედება..*

\*\*\*

ცის იდუმალი სხივ-ხაზებით მოქსოვილ ბოდბეს, მაცყოვანში, შორეული წარმართობიდან მოყოლებული, სხვადასხვა ჯიშის და ფერმოხატულობის გაბოროტებული გველები ბუდობდნენ თურმე. წმიდა ნინოს მოსვლის შემდგომ, უვნებლად დაიფანტნენ და შორი-შორ, მიწის ხვეულ-ხვრელებში დაბუნაგდნენო.

უდაბნოში ფეხმიშველად, მაცხოვარივით მოსიარულე წმიდანმა კახეთ-კუხეთის მიწა მონათლა, აკურთხა და ყოველთა მკვიდრად შეისისხლხორცა...

ქადაგების ჟამს თუ ღვთის რჯულის სწავლებისას, მრევლის წინაშე, არასოდეს წამოსცდებოდა წარმართთა, მზისთაყვანისმცემელთა ანუ ცეცხლ-თაყვანისმცემელთა მიმართ დამამცირებელი სიტყვა. წმიდანი, ზეადამიანური დამრიგებლური შემართებით, მხოლოდ ნათელყოფდა უფლის ჭეშმარიტ სწავლებას. იმდენად ღრმად წარმოაჩენდა ქრისტიანულ სიკეთეს, სიყვარულს, ათი მცნების უფლისმიერ არსს, რომ ნებისმიერი შეგნებული მრევლი თავად ავლებდა პარალელს წარსულის უმძიმეს რელიგიასა და კაცობრიობის მხსნელ, ახალ სარწმუნოებას შორის. ამგვარად, ხალხში წმიდანისადმი ნდობა, დაჯერება და რწმენის დადებითი ფსიქოლოგიური შედეგი განუსაღვრელი იყო...

*მშობლიურ პლანეტაზე ადამიანის მეორედ ჭეშმარიტი დაბადება უსაზღვრო დროით დაემკვიდრებინა უფალს — იესო ქრისტეს...*

\*\*\*

კოლხეთ-იბერიის ქრისტიანულ სივრცეში სასწაულებრივი და ზეგონებრივ-ზნეობრივი წესთა კანონთვისებებიც განავრცო ღვთივკურთხეულმა ნინომ. მაცხოვრის და ღვთისმშობლის კეთილმა მოციქულთ სწორმა, სასტიკი წარმართების იდეოლოგიით სასიკვდილოდ დასჯილ-შენირულთა, ტანჯულ-უმანკო ბავშვთა, სრულიად უდანაშაულო ქალწულთა თუ ყმანვილთა წამებული სულის მოსახსენიებელი პანაშვიდი დაანესა.

მოციქულთა სწორმა რომ იხილა, გულქვა და ფანატიკოსი წარმართები, ცოფმორეული შენითლებული თვალებით და პირიდან დორბლის დენით, უმანკო თავნაჭრილი ყრმების სისხლით მიწას რომ რწყავდნენ, ვაიმე დედაო, იკვილა, მერმე იქვე ბებერ ლეღვის ხეს მიეყრდნო, ჩაიკეცა და გონი წაუვიდა.

მათ სიახლოვეს შავთეთრებით მოხატულმა გველ-

მა ტლანქად გაისრიალა... მეორე დღეს თვალი რომ გაახილა, თავის სენაკში იწვა მისუსტებული. უახლოესი დები მშვიდად, კეთილ მკურნალად უვლიდნენ და მშობლიურად ეფერებოდნენ. მერმე წამოდგა, ხორბლის მარცვლებმოყრილ გასუსულ მიწაზე დაიჩოქა და მუხლთა სისხლდენამდე ასე იდგა. სულიერი სიმწრისგან კიდურების ბნეკნა, ფრჩხილებით ამოკანვრა და ჩქმეტა დაიწყო.

„ნუ იზამ, დედაო ნინო!“ — დებმა ვერ გაუბედეს ამის თქმა.

წმიდანი გულის სიღრმიდან კვნესოდა, მწარედ მოსთქვამდა გაურკვეველი სიტყვებით, გოდებდა, ზოგჯერ ამოიკვილებდა კიდეც.

„დაწყნარდი, დედაო!“ — კვლავაც ვერ შეჰკადრეს და ერთმანეთს შეხედეს.

წმიდანი ისევ ტიროდა, მხურვალედ ლოცულობდა და ცხარე ცრემლებს ღვრიდა. მერმე გაურკვეველად მიწას ნაეპოტინა და ფხაჭნიდა...

— ფრჩხილებს გაუფრთხილდით, დედაო, — უთხრეს შენუხებულმა დებმა...

წმიდანს შავლურჯამდე მიახლოებული ფერის თავსაბურავი და გრძელი კაბა ეცვა. შემდეგ ვაზის ჯვარი აღიღო ზევით და „მიშველე, უფალოს“ იძახდა.

— დამეხმარე, დედაო ღვთისავ! ანგელოზებო, ვიხსნათ ეს ხალხი, გადავარჩინოთ ტანჯული ქვეყანა! — ისევ მუხლმოდრეკილი მოთქვამდა. უცებ ხმა მოესმა შორეული სივრცის და სამყაროს მფლობელის:

— შენთან თანადგომით მოვლენ, კეთილო მოციქულთსწორო. წარმართებისგან წამებულ ხალხს შვებას და სიყვარულს მიაგებ, მოაქცევ ქრისტიანობაზე და წმიდა სამების ურყევი სიმტკიცე ჩასახლდება მათში. საამოა, რომ შეგნებულ, მოსიყვარულე, კეთილ ერთან გაქვს მოღვაწეობა და სულიერი შესისხლხორცება. — მერმე ღვთის ხმა და ნათელი შუქი სივრცეს შეერწყა...

\*\*\*

ჩვენს უახლოეს მოძღვარსა და ქტიტორ რატის მამა გარდაცვლიაო, მორიდებით მოახსენეს წმიდა ნინოს.

— სამწუხაროა! ბექა, სულიერი ძმა, ქვეყნისათვის ძლიერი ბურჯი და დიდად საიმედო აზნაური გახლდათ, — დინჯად თქვა სევდამორეულმა ნინომ, — საიდან არის გამოსვენება? — იკითხა და მოწყენილმა პირჯვარი გადაინერა.

— მცხეთიდან, უძველეს სოფელ ქინჯარეთიდან, წმიდაო. ხვალ, სამშაბათს ყოფილა გამოსვენების დღე დანიშნული, — მოახსენა სიდონიამ.

— მამა რატი თუ ჩამოვიდა კოლხეთიდან?

— ხვალ ჩამოდის, დედაო, რამდენიმე ლაზ და ასურელ მოძღვართან ერთად.

ელვასავით მალემსრბოლი გაუგზავნიათ გარდაცვალების დღესვე, ციხე-ქალაქ შორაპანთან ახლოს, მთაგორიან სოფელში, ბაზილიკა აუგიათ ლაზ ქტიტორთ, სპილოსძვლისფერი თლილი ქვებით. ეკლესიის კურთხევის ჩასატარებლად ჩვენგან მიიწვიეს ეპისკოპოსი და რამდენიმე მოძღვარი.

— დიახ, დაო ეფემია, მე გავგზავნე თავად.

— მამინ, ნუ გადავდებთ, ჩემო დებო და ხვალ დილისათვის მოამზადეთ ჩარდახიანი ურემი თეთრი ხარებით.



დედებმა ურთიერთს გადაულაპარაკეს:

— საფურცელელმა აზნაურმა რომ მოგვართვა?! —

— დიას! — დედა სიდონიამ დაადასტურა, — სპარსული ხალიჩა გადახსენით ურმიდან და ძველისძველი კოლხურით შეცვალეთ. ერთი დოქი წითელი ღვინო, ოქროსფერი ქოთნით თაფლი და ნაკურთხი წყალი ვერცხლის სახელურიანი ჭურჭლით ურემზე დღესვე შედგით. თქვენთვის საგზალი არ დაგავინყდეთ, დედებო. ეზოს ძაღლიც წამოიყვანეთ ხნიერი — უძილარა. მეფის ლეგიონის უფროსს სთხოვეთ, ორი ცხენოსანი მეომარი გამოგვაცოლოს, მეტი არაა საჭირო.

თადარიგმოსტუმრებული წმიდანი ოდნავ გახუნებული შავი კაბით და მუქი შინდისფერი მანდილ-საბურავით თავის სენაკში შებრძანდა..

ნათელდარიანი დღე იწურებოდა, უთვალავვარსკვლავიანმა ღამემ თამამად შემოაბიჯა მცხეთაში. გზიდან, სოფელ ურბნისისაკენ მიმავალი ურემების გულლალი ჭრიალი ისმოდა, ჩირადღნები უკვე აენთოთ. მოშორებით, ქალაქის განაპირას, გაურკვეველი ცხენთ თქარათქური მგლის არტერიის ძარღვივით შეიჭრა ღამეულ მიუწვდომლობაში... ჩამუქებული გოროზი მთებიდან მიკიოტის პირველმა შეძახილმა უხილავ მოღურჯო ტეხილ ხაზად გადაუარა გარემოს.

ჩვენი სულთ განმანათლებელი და ქრისტეს რწმენის შემომტან-დამფუძნებელი მობრძანდებო, ხმა დაირხა და საამო ტალღად გადაუნიავა დიდ აზნაურთა კარ-მიდამოს.

წარმართობის მამხილებელი ნივთები უმალ გადამალეს. ქრისტიანული წეს-განწყობილებით შეიმოსა იქ მყოფი მგლოვიარე საზოგადოება. ყოველ კუთხეში თუ მაგიდაზე სანთლები აენთოთ. ხის ჯვარი კი, გარდაცვალების დღიდანვე, მიცვალებულის თავთან აღემართათ.

დროთა უმოკლეს სვლაში სულ სხვა ფერის სიმშვიდე და იმედი ეფინებოდა იქაურობას. ამავდროს, მიცვალებულსაც სიკვდილის დამთრგუნველი ზეციური მადლი მოუვიდა საკვირველი... გასვენების პროცესიის წარმართული რიტუალის მისტერიები, ჩვეულებები და სრულიად არაქრისტიანული მიჩუმათებული ქმედებები მაინც შენიშნა წმიდა მართალ მასწავლებელმა, მაგრამ საზრიანი სულგრძელობიდან გამომდინარე, საგანგებოდ არ გაუმახვილებია ყურადღება, მხოლოდ სიტყვიერ გამოთქმებზე იძლეოდა მოკრძალებულ შენიშვნებს. ოჯახის უფროსი შვილი — ჭირისუფალი მამა რატიც თავს იკავებდა, რადგან ძლიერ ეცოდებოდა მგლოვიარე დედა და ოჯახის წევრები.

მიცვალებულის მარცხენა მხარეს იდგა მამა, რატი-მოძღვარი, იგი ქტიტორობასთან ერთად მღვდლობას ეზიარა, შემდგომ დამსახურებისდა მეოხებით არქიმანდრიტის ხარისხში აყვანა მცხეთის მთავარეპისკოპოსს. შვენოდა მამა რატის ეკლესიური შემოსვა. თავდახრილი, ღრმად მგლოვიარედ მისჩერებოდა ერთ ადგილს; წმიდა ნინოს გამოცხადებით აღელვებულმა ლოცვით დაუჩოქა დედა პატრონს, წმიდანს, მერმე სათაყვანებელ ვაზის ჯვარს ემთხვია მოკრძალებით და უღრმესი მადლიერების ჩუმი გამოთქმებით ფუსფუსებდა...

*სიკვდილი დაეჯაბნა აქ გარდაცვალებას და წმიდანის მადლმოსილ ნათებას...*



**წმ. ნინო. ხატმწერი რეზო ადამია**

წარმართულ-ქრისტიანული იდეოლოგიის ელემენტების გარდა, ყველგან და ყველაფერში სუფევდა საუკუნეებისგან მოწოდებული არქაულ-მხატვრული სახე, რომელშიც გამჯდარი უძველესი ტრადიციების მყარი ფსიქოლოგია გარემოზე ძლიერ მოქმედებდა. მესამე, უხილავი ფესვებძლიერი სულიერი დინება ორგანულად ერწყმოდა ქრისტიანულ უახლეს კულტურას, რის შედეგად ვითარდებოდა სრულიად ახალი ცივილიზაცია. ყოველივე ეს ხომ ათასწლეულის გადმონაშთია ამ უძველეს ხალხში, ფიქრობდა ბრძენი და თავშეკავებული ნინო, ფრთხილად შეჰქონდა ქრისტიანული ჭემმარიტების წეს-ჩვეულებები და მორჩილი ხალხიც უსიტყვოდ მიჰყვებოდა. გლოვის მძიმე და მძაფრი განწყობილება ყოველივეს ნთქავდა და წამიერად სიცოცხლესაც აფერმკრთალებდა, მაგრამ ირგვლივ უხილავი ქრისტიანული სიცოცხლის, სიყვარულის და სიკეთის ცეცხლი მაინც ენთო ჩაუქრობელი...

ნაწილობრივ ჩაბინდულ წარმართული და სრული სიკვდილდამთრგუნველი ქრისტიანული გლოვა ერთვოდა ურთიერთს. აი, რა შეძლო წარმართებისგან განდიდებულმა შემზარავი სიკვდილის მოსვლამ. დღევანდელ დღეს ხომ, მის წინაშე, თითქმის ყველა დაბნეული და უძლური იყო, დიდი ქრისტიანი წმიდანის, სულიერი დების და მამა რატის გარდა.

*იმ უცნაურსა და განსხვავებულ გლოვის დღეს, მზე და ჯვარი ურთიერთს მიუახლოვდა და ქრისტიანულმა ჭემმარიტებამ, მიმტვევებლობამ საგრძნობლად წინ წამოიწია.*

*მარადიულმა ჰუმანიზმის გზამ იმძლავრა და სივრცეში დიდი ასტრონომიული წრე შემოიხაზა მზისფერი.*

მოდვარისა და უნიჭიერესი ქტიტორის, რატის მამა ერთ დროს სახელგანთქმული სარდალი და მეომარი ბრძანებულა, ბევრი ჰქონია სამკვდრო-სასიცოცხ-





ლო ბრძოლა გადამთიელ გველისთავება დამპყრობლებთან, თავისი უმაღლეს დონეზე განვრთნილი ლაშქრით, რომელიც წმიდა მეფე მირიანის მხედრონის ერთ-ერთი უძლიერესი ფრთა გახლდათ. ხოლო მისდა სადიდებლად, იბერიელთა რელიგიათდაპირისპირებაში არასოდეს მიუღია მონაწილეობა. ღვთიური ჭეშმარიტება ძალათა ჩაურევლადაც გაიმარჯვებოდა, იტყოდა თურმე წმიდა ზნეობისა და მეომრული სულის მქონე დიდი აზნაური...

*უმოკლეს დროში ახალგაზრდა ბრძენმა ნინომ წარმართული, უძველესისგან სრულიად განსხვავებული ჭირისუფლობა შემოიტანა იბერიაში, რომელიც უხილავ სიკეთის ფიქრთ ზღვაში ეტეოდა...*

ურმის წინ, დაბალ რბილ სკამზე დედა იჯდა, ეფემია, მარჯვენა ხელში ბრონეულის შინდისფერი წკნელი ეკავა და ნელი რხევით ეხებოდა ბუნებით ერთგული ხარის ზურგს. კეთილი დედა კი ვაზის ჯვარ-გულმკერდს მისვენებული, სევდიანი ფიქრებით წინ მიუყვებოდა მცირე ჯგუფს...

მარჯვნივ და მარცხნივ, გზის განაპირას, ხალხი ლოცვით ეგებებოდა წმიდანს გახარებულ-ალტაცებული.

*წმიდა ნინო მოდიოდა დინჯად, თავისი უახლოესი დედებით და მხლებლებით. ხოლო ყოველთა მცნება — იმედი უხილავ მხედრად წინ მითოხარიკობდა უშიშრად.*

გზა შორი, მცხეთიდან სოფლამდე, ფეხით იარა ფიქრებმრავალმა წმიდანმა. ხარ-ურემი უკან მოჰყვებოდა ნელი სვლით. თეთრი, ზღაპრული, მშვიდი ლეგენდასავით ხარები ება ზეცისკენ რქებამოზრდილი. უკან, სახელურზე მიბმული ჭრელი, ბომბორა ბებერი ძალი — უძილარა თავისუფლად მიაბიჯებდა, ფხიზლად წინ მზირალი.

ქვეყნის მწყემსი ნინო, ვაზის ჯვრით ხელში რომ მიუახლოვდა გასვენების პროცესიას, მორჩილად თავი დახარა. მანდილ-საბურავიდან მოკრძალებით იკითხებოდა, წმიდანის ხატად გარდასახული, ოდნავ გაფითრებული სახე.

— ქრისტე აღსდგა! — წარმოთქვა წმიდანმა.

— ჭეშმარიტად აღსდგა! — ნიავეით გადაუარა ხალხის ერთობლივმა ხმამ.

ოჯახის ჭირისუფალი, მთავარი მომთქმელი, შავებში ჩაცმული ქალბატონი გონს მოეგო და მადლობელი ვართ თანაგრძნობით მოზრძანებისთვის, სულთდედოფალოო, თავშეკავებული ქვითინით წმიდანს შეაგება დიდებამ გლოვის ცრემლი და ურვა...

— ჩვენი კეთილი პატრონი და იმედი ბექა მოგვიკვდა, წმიდა დედაო!..

— არა, ჩემებო, ის მხოლოდ გარდაიცვალა, — დამარცვლით და მოფერებითი კილოთი წარმოთქვა წმიდანმა და ყველას გასაგონად მოკლედ განმარტა ღვთიური მნიშვნელობა გარდაცვალებისა. გაოგნებული ქალ-კაცი მდუმარედ უსმენდა, — მთავარია, ჩემო ძმებო და დებო, გარდაცვლილი კეთილშობილი გმირ-მეომარი მონათლული ქრისტიანია, თანაც სიცოცხლე-შივე მრავალ ყრმათა ნათლია გახლდათ.

ხალხის შვებით ამოსუნთქვა მოჰყვა ამ მკურნავ საუბარს.

— მერმე, — გააგრძელა წმიდანმა, — პატივდებულს უკვე თავისი კუთვნილი საპატიო სამყოფელი გააჩნია ცათა სასუფეველში.

— დიდება უფალს! — გამოკვეთილი სიტყვები გაისმა ხალხისა.

უზომოდ მგლოვიარე მონადირე ძალი მიცვალებულის თავთან, ხბოს ტყავდაგებულ იატაკზე იწვა; რამდენიმე წლის წინ, ფაზისელ დიდებულს ჩამოუყვანია საჩუქრად, კოლხურ ხობობსა და გარეულ იხვებზე დაგეშილ-განვრთნილი, ნაბლისფერი, ულამაზესი აგებულების, სხარტი — ძველლაზური ჯიშის, ერთგული, კეთილი და ნადირობისას შეუპოვარი. დარდისგან დაღუპილი, მოშვებულ ზამბარად ქცეული, ღონდაკარგვამდე დასევდიანებული, ნახევრად მკვდარი ესვენა და ცრემლიანი, ოდნავ გახელილი, დანისლული თვალებით უმისამართოდ იყურებოდა. მეოთხე დღე იყო დასალევად წყალსაც არ ეკარებოდა, ზოგჯერ ტანის კანკალსაც შენიშნავდი დაკვირვებული კაცი.

— პატრონის გარდაცვალებამდეც, მძიმე მდგომარეობაში იყო; ახლა კიდევ უფრო გაუარესდა მისი ყოფა. გუშინ, ღამე, ძლივს ამდგარა და ეზოს განაპირას ფეხარეულს გაუვლია. მერმე უკან დაბრუნებული სასახლის კიბებზე გაჭირვებით ამოლასლასდა და მომაკვდავივით მოწყვეტილი ადგილზევე დავარდა. ასე გაუნძრევლად წევს დუმილნალებული, ამდაგვარ გამწარებულ დღეშია ეს საცოდავი! — ხნიერმა, შავებჩაცმულმა ქალმა აკანკალებული ხმით მოუთხრო გულისყურით მოყურადე წმინდა ნინოს.

— ძალი, ადამიანთან მეგობრობისა და ერთგულების მოვლენა, ღვთიური სახეა, — თქვა წმიდანმა, — შეიძლება ემსხვერპლოს კიდევაც პატრონს. მასპინძელი და სულიერო დაო! ღმერთმა ქნას და, თუ გადარჩა, რამდენიმე დღით მოიყვანეთ ჩემთან და მყუდრო ადგილს მიუჭინე ეზოში.

— თქვენ, წმიდანო?!

— მე ამის გლოვას ვერ განვკურნავ, ნუხილი და ურვა ხომ იდუმალეაა ზეციური, ნაცრისფერ სულთა რხევაა ღვთიური. თუ ეშველა, მრავალმა ფიქრსვეტდატევადმა დრომ უნდა გამოიყვანოს მდგომარეობიდან. — შეუვალი ხმით თქვა თავდახრილმა წმიდანმა.

— ღმერთო დაილოცოს შენი სახელი! — ორივემ ერთხმად წარმოთქვა.

— დანარჩენი ძალები, წმიდაო, მცირე საჯინიბოში წვანან განმარტოებულნი, საჭმელს და წყალს ისინიც არ ეკარებიან. ეს დღეები გარეთ გამოსულნი არავის გვინახავს, შეწყდა მათი ხალისიანი ყეფა და ხმაური. ასევე საკვირველი და შემზარავია, ჩვენო დედაო, მამლების ხმაც რომ არ ისმის. ხოლო დიდი ბექას უერთგულესი შავი არაბული სისხლის დიდგულოვანი ცხენი, მეომრულად შეკაზმული, აგერ, ეზოში განმარტოებით აბია და სასახლისაკენ გახლებული თვალებით იყურება. გუშინ მსახურმა ბალახი მიათვია, მაგრამ ცოტა შეჭამა უხასიათოდ მყოფმა, ისიც ძალიან დანალვლიანდა. ზოგჯერ დამაფიქრებლად ფრუტუნებს, თან მიწაზე ფეხებს აბაკუნებს, ხშირად მოუსვენრობა აწუხებს უცნაური, შიშისმომგვრელი. კაცმა არ იცის, მომავალში რას მოიმოქმედებს ადიდებული მდინარის ენერგიის რაში...

— ცხენი ცხოველებიდან ყველაზე დიდი მეგობარი და პატრონის სურვილის უანგარო შემსრულებელია.



ძალღვივით უაღრესად ჭკვიანი არსებაა. ორივე უფლის საჩუქარია ძვირფასი, დაო! მიდი მასთან ახლოს და მოზრდილი სანთელი აუნთე, შუბლზე ფრთხილად ჯვარი დაასვენეთ ხისა ამ დაძაბულ დღეებში და საერთოდაც ასე აჯობებს. — თქვა და მორიდებით მიუთითა მასწავლებელმა.

— ცოდვებისგან შორს მდგომი, მორჩილი ქრისტიანი გახლავთ ან გარდაცვლილი. მე ვენდობი მას, რათა პირნათლად ვუშუამდგომლო მაცხოვართან, სამყაროსა და კაცობრიობის მხსნელთან...

— თქვენი მობრძანებით, კეთილო მწყემსო, წმიდაო! ჭეშმარიტება, სიკეთე, სიმშვიდე და იმედი შემოვიდა ჩვენსას: უდიდეს მადლობას გწირავთ, იბერიის გადამრჩენო. უსაზღვროდ გვჯერა, ოჯახისა და ხალხის სიამაყე პატრონი ნათელში იქნება დღეიდან უკუნითი უკუნისამდე. დიდება და მადლობა უფალს! — დიდმა და პატარამ ხელები აღმართა ზეცისკენ. მიცვალებულის ცხედარზე გადაფარებულ ჩალისფერ სუდარაზე ხმალაღმართული ლომი იყო გამოსახული და ზემწვდომი იბერიული დიდების მონუმენტური სახე ამ შემთხვევაშიც იხატებოდა. მერმე წმიდა ნინომ ისევ მოკლედ იქადაგა, მიცვალებულის სარეცელს მიუახლოვდა და ნაკურთხი წყალი სამჯერ ასხურა. შემდგომ შემობრუნდა და ხალხსაც იგივე ღვთიური სიკეთე გაუმეორა...

ჭირისუფალ ქალბატონებთან მივიდა და სათითაოდ ვაზის ჯვარზე ამთხვევინა, თან ყურძნის მტევან მზეჩამდგარი თითებით ეფერებოდა ყველას. მამა რატი თავადვე მიუახლოვდა იმედმოსილ წმიდანს, დაუჩოქა და ვაზის სასწაულმოქმედ ჯვარს ეამბორა.

— მე, მონა-მორჩილი ღვთისა და თქვენი, დღევანდელი დღის თანადგომისა და სამსახურისთვის მადლობას გწირავთ დაო-წმიდაო! მიგულეთ, როგორც ყოველთვის, თქვენ სამსახურად ან და მარადის. — ოდნავ გაბზარული ხმით მიმართა მგლოვიარე მამა რატიმ და თავი დახარა.

— ნათელში იყოს მოძღვარო, მშობელი შენი, — ნელი, წმიდანური სიტყვები გაისმა, — აცხონოს უფალმა, ამინ! მშვიდობა და ჯანმრთელობა იყოს თქვენთან, — მცხეთელ ცისფერთვალება, ტანად სუსტ, ოქროსფერ გრძელწვერებიან მღვდელს მიუბრუნდა, რომელსაც საკმეველი ეკავა, — აქ ხომ აუგე წესი, კეთილი ღვთის მადლი საფლავთანაც გაუმეორე, მოძღვარო. კანონის მიხედვით, ჯვარი ხისა ადგილზე აღმართეთ, ანგარდაცვლილი ჯვრის გარეშე არ დამიტოვოთ.

— ყოველივეს ეკლესიის წესის მიხედვით შევასრულებ, წმიდაო ჩემო, — იყო პასუხი.

ოჯახთან და ხალხთან გამოთხოვებისას, წმიდა ნინომ, ჯვარი გადასახა იქაურობას და მშვიდად წინ მზირალი სევდიანი განემორა სამგლოვიარო პროცესიას...

\* \* \*

წმიდა ნინო დიდებულთა ოჯახებში, მსახურთა ღარიბულ მიწურებსა თუ ქოხებში, ორსულთა მშობიარობისას შეძლებისდაგვარად იღებდა სულიერ და ფიზიკურ მონაწილეობას რამდენიმე დასთან ერთად. საცხოვრებელ სახლს, ჯვრით ხელში, ლოცვით შემოუვლიდნენ, მერმე შუა ეზოში დადგებოდნენ და ისევ ლოცულობდნენ. როგორც კი ახალშობილის ხმას

გაიგონებდნენ, უფალს, ღვთისმშობელს და მთავარანგელოზს მის ჯანმრთელობას ავედრებდნენ. შემდეგ, მელოგინე ქალბატონი შიშველ ყრმას გარეთ, ღია ცის ქვეშ გამოიყვანდა, — ზამთარში თბილ თეთრეულში შეხვეულს. წმიდა ნინო, ნანახით გახარებული, ღიმილით ვაზის ჯვარს დაასვენებდა ახალშობილის სპეტაკ სხეულზე და სულნათელ კურთხევას აღუვლენდა: „ღმერთო, გაამრავლე ეს კეთილი და ბუნებით ქრისტიანი ხალხი“. დები კი სათნოებით სავსე „ამინ“-ს მიაყოლებდნენ და საამო გალობით ანგელოზებსაც მოიხმობდნენ მრავალთ... მერმე წმიდანი ყველას უკლებლივ დალოცავდა, დედას, ახალშობილთან ერთად, ტანის სიმრთელეს უსურვებდა და კეთილი ღიმილით განემორებოდა მათ.

— დღეს ერთ-ერთი ზეციური ანგელოზური სულის მოვლინებაა იბერიის საქრისტიანოში, — ბრძანებდა წმიდა ნინო და მონასტრის დებთან ერთად დაეთხოვებოდა იქაურობას...

\* \* \*

ჯერ კიდევ წარმართული, მავნე ბაცილების მატარებელი ადამიანები განაკვირვა და უკეთილშობილეს ტალღად აღაზევა ისინი. რის მეოხებითაც წმიდა ნინოს მოციქულებრივ სხეულს სიყვარულითა და სიკეთით სავსე, ვარდისფერი უხილავი საოცრება დიდების დიადება გადაეფარა. წმიდანის მრავალმხრივმა, უკეთილშობილესმა მოქმედების ხმამ იერუსალიმ-კონსტანტინოპოლამდისაც ჩააღწია და მთელი საქრისტიანო ააღაპარა. გაქრისტიანებულ იმპერატორს, სატახტო ქალაქში, ნინო კაბადოკიელის მოწვევა განუზრახავსო — ამდაგვარი მითქმა-მოთქმა, თუ ჭორი, ბუნდოვანი ფორმით დაფარფატებდა სიყვარულით, რწმენით, სიკეთით და იმედით სავსე იბერიულ-კოლხურ-სომხურ გარემოში. ნინო კვლავინდებურად მყარად და მტკიცედ განაგრძობდა თავისივე სულით, გულით და მაცხოვრის იდეებით შემკულ იბერიაში უნაკლო ღვთისმსახურებას, რომლის წმიდათაწმიდა მოღვაწეობა-მსახურებაში სიახლეების შეტანა მხოლოდ იესო ღმერთს და მარიამ ღვთისმშობელს შეეძლო...

თავდადებული წმიდანის პირადული შეწირვა უფლის მიმართ, ფარული იდუმალეებიდან სავსე მთვარის სვლის მსგავსად, ხილულ-რეალურ სახეს ღებულობდა...

დედა წმიდანის მოელვარე პირადული ვარსკვლავი ბიბლიური წინასწარმეტყველებით უნდა შეწირულ-დაფერფლილიყო, უფრო დიდის მომასწავებლად, რომელიც სივრცის და დროის მიღმა, შორეული მიუწვდომლობის კანონებიდან მომდინარეობდა...

მომლოცველობის სადღესასწაულო დღეს, ლეგენდად ქცეულს, კოჭ-ტერფების უნაზესი ქედნი ლეგენდარულ ბოდბეში მაცვლოვანის წმიდა ეკალმა შემთხვევით მსუბუქად გაუკანრა და წმიდანურ-კოსმოსური გენის მოციხფრო სისხლით, მისგანვე ნაკურთხი, კახეთ-კუხეთის მიწაც დაიცვარა. სიამით ილიმოდა თურმე უტყვი, განახლებული, მარად მდუმარე მიწა და მწყემსი ნინო — კეთილშობილი.

კოლხეთ იბერიას, განმანათლებლის დაბადების დღესასწაულზე, მსოფლიოს ქრისტიანენი, სოფელ ბოდბეში, რამდენიმე დღით უნდა ჩამოდიოდნენ.





წმიდანის საფლავ-საყდრის წინ, მიწიდან ამონათებულ სულთმკურნავ მოცისფრო სხივში რწმენით განვლონ და ამდაგვარად, უფლისმიერ მარადიულ ლოცვა-კურთხევას მიიღებენ... (მგონი, სხვა რელიგიის აღმსარებლებსაც არ ავნებდათ, პლანეტა ჩვენი სულიერი მთლიანობის და უსასრულო ცივილიზაციის ერთ-ერთი ღირსი კუთვნილთაგანი რომ გახდეს).

\* \* \*

ბრძენთ-ბრძენი ნინო მოდიოდა იბერიის ქვეყანას და ღვთიური, ყოველთა მხსნელი ნათელი მოჰყვებოდა... მთაგორიან გზად მიმავალს უცნაური თვისების და ჩაცმულობის ლტოლვილები შემოხვდნენ.

— სადაურები ბრძანდებით და საით მიემგზავრებით? — ჰკითხა მათ წმიდანმა.

— ისრაელიდან გახლავართ, მანდილოსანო და კეთილი ხალხით დასახლებული იბერიისკენ მივდივართ, — იყო პასუხი.

— ჩემი გზაც ეგაა, — ჩუმად, ბაგეებს იქით ჩაილაპარაკა კმაყოფილმა წმიდა ასულმა...

შორეულ იბერიას მომავალი წმიდანი ზოგჯერ მძიმე სურათის მხილველიც გახლდათ. ერთ სხივნაკულ, მრუმე დღეს, ელვარე მახვილასხმულმა, კობრას მიმსგავსებულმა, მოშავო სახის ცხვირპირჩამოშებულმა და უჯილაგო ცხენოსანთა ხროვამ წმიდანის სიახლოვეს უხეშად ჩაიარა და ჩრდილოეთის ქვეყნისკენ აიღო გეზი. მათგან აყრილი მტვერი, შხამიან გველთა ხროვას ემსგავსებოდა შემზარავს. ღრმად აღელვებული და შეძრწუნებული წმიდანი, დაჩოქილი გულმხურვალ-ცრემლიანი ილოცავდა:

— ღმერთო დიდებულო! შენ უშველე მარიამ ღვთისმშობლის ნილხვედრილ ქვეყანას, მტერთაგან ჩაგრულ, უკვე ჩემს ღვიძლადქცეულ იბერიელ ხალხს. — შემდეგ დაღონებული სახით წამოდგა წმიდანი და შინაგანი უცხო სულიერი სიმძიმე იგრძნო — თანაბრად ისეთი, როგორც, უბოროტესმა წარმართმა თრდატ მეფემ ქრისტიანი სულიერი დები საშინელი წამებით რომ ამოუხოცა. წმიდა ნინო კი სასწაულებრივად გამოექცა ენით აღუწერელ ჯალათებს. ტანჯვაგამოვლილ წმიდანს უფალი იესო ქრისტეს წამება და ჯვარცმა წარმოუდგა თვალწინ და უძრავ-ცოცხალ მოიხსფრო რხევად სვეტად იდგა (იესო ქრისტეს უარყოფით და სატანური წამებით, სამყაროს შავი ხვრელებიდან ამოხეთქილმა ბოროტმა ძალებმა ჯვარს გააკრეს ქვეყნიური სიყვარული და სიკეთე, მაგრამ ისევ უსასრულო დადებითმა მოვლენებმა გაადროებითეს ყოველივე. ვინ იცის, მაგ სამყაროს შავ ხვრელებს, ეგების მოაზროვნეთათვის მრავალი მოიუნვდომელი ფუნქციებიც ეკისროს. ადამიანი იმით მაინც ბედნიერია, კოსმოსურ სასწაულებზე აზროვნება და მეცნიერული შესწავლა-მიახლოებითი ანალიზები რომ შეუძლია).

\* \* \*

გაივლის გარკვეული დრო და ამ აზრების ღრმად მორწმუნე ავტორზე იტყვიან, გულუბრყვილო ბავშვური შეხედულებები ჰქონიაო სამყაროზე, მაგრამ იმასაც დაუმატებენ, შიგადაშიგ წარმოსახვები, წარმოდგენები, ხილვები და ინტუიცია არ ღალატობდაო.

მწყემსი კეთილი, აღელვებული და ფერდაკარგული, „უფალო ჩემო“, „ღმერთო, უშველეს“ ამოკენესით სევდიან თვალს აყოლებდა აღმოსავლეთიდან გადმოხვენილ, მორიელის შხამით სავსე უზარმაზარ სიკვდილის ძალას, რომელიც უდანაშაულოთა და თავისუფლებისმოყვარე ქვეყნისკენ მიემართებოდა. გულმკერდზე ვაზის ჯვარმისვენებულმა წმიდა ნინომ ისევ გულიდან ამოიკენესა და შენიშნა, აგვისტოს ხვატისგან დასიცხულ ქედზე, მარტოხელა აქლემმა, ზღაზენით რომ გაიარა. წმიდანმა ნაღვლიანი თვალი გააყოლა და ჩახშულ-ფიქრიანი დარდით მიედევნა... მერმე ღვთიური ვალდებულების გზა ისევ განაგრძო და გავაკებულ მინდვრიან ადგილას მინის მკვიდრი-მშვენიება, ცხვრის ფარით მწყემსების ჯგუფი შემოხვდა, რომელთაც მგლებთან მორკინალი ნაგაზები დარაჯობდნენ.

— გზას თუ მასწავლით, იბერიისკენ მიმავალს, — მორჩილებით იკითხა თვალდახრილმა წმიდანმა.

— მაგ ბილიკსავე ადგახარ, კეთილო მგზავრო. — გაისმა მათი ხმა.

— ამ ზაფხულს გვალვები ხომ არ ჩამოვარდება, — ხანში შესული მწყემსი გამოელაპარაკა მათთვის უცნაურ მგზავრს, მერმე მუქი მინისფერი დოქით თხის რძე საჩუქრად შესთავაზა წმიდან ქალწულს...

— ღვთის მადლია თქვენთან და ილოცეთ, — იყო პასუხი...

კეთილმა, დაუღლელმა ნინომ მსახურ ქალებთან ერთად გზა განაგრძო, ხელთ რაღაც ფუთები, ჩამუქებული თიხის დოქი და კომბლები რომ ეკავათ...

ზეციური წმიდანი! ვაზის ჯვრით თამამად მიდიოდა ჩრდილოეთით და მწვერვალბდათოვლილი კავკასიონი ცისმიერი იდუმალებით უღიმოდა თითქმის მათთან მიახლოებულ უდრეკ წმიდანს. იბერიის ბუნება როგორი უცხო და თვალწარმტაცი სანახავიაო, უსაზღვროდ სიამოვნებდა ყოველივე წმიდა ნინოს და ზემემეცნებითი ცნობისმოყვარეობით ივსებოდა. აკვირვებდა წმიდანს, ყოველი სახლის თუ ქოხის კარი, სტუმართმოყვარეობით ღია რომ იყო. ხშირად, სიყვარულითა და მეგობრულად განწყობილი ხალხი ლოცვებისა და განმარტოების საშუალებას არ აძლევდა, დიდსა და პატარას წმიდანთან გვერდით ყოფნა უნდოდა... ქალწულ წმიდანს, ქვეცნობიერად თუ წინასწარმეტყველურად, სრულიად იბერია-კოლხეთი დღითი დღე ნატვრის და ოცნების თვალით ელოდებოდა.

*დრო! დრო მკაცრი, გამარჯვებულ წმიდანს მორჩილად ეგებებოდა — უახლოესი...*

\* \* \*

უსასრულო სამყარო სიკვდილს ვერ აბატონებს, რადგან მასში მარადიულ სიცოცხლეთა უნაკლო აღდგენითი პროცესი და კიდევ რაღაც უცხო, დიდი მიუნვდომელი ვარსკვლავეთური იდუმალება იკითხება... უთვალავ გალაქტიკათა სივრცეში უთუოდ არსებობს სიცოცხლეზე და სიკვდილზე მნიშვნელოვანი და დიადური (რადგანაც კოსმოსზე მეთვალყურე მეცნიერების ჯგუფი გამოთქვამს აზრს, არსებობენ აურაცხელი სამყაროებიცო. მე მაშინ ჩემს თავს ვაძლევ უფლებას, პირადი ინტუიციითაც ამდაგვარი ვარაუდი შემოვიტა-



ნო). პლანეტარიუმის უსასრულობა და მიუწვდომლობა სიმბოლოა მარად უხილავი ზღვითიური მოვლენა-ძალებისა, რომლებიც ჩვენი პლანეტის მინიერობისგან განსხვავებული და შეუცნობადია — სამყარო მუდამ-ჟამს კი არ ეძებს მთავარს, რადგან ის მისგან დამოუკიდებლად არსებობს და იდუმალ იკითხება... როგორც ითქვა, უთვალავი გალაქტიკისა და პლანეტათა სავსეობას გააჩნია განსაკუთრებული და უზუსტესი კოსმოსური მგრძობიარობა. აქედან გამომდინარე, ქვეყნიერების ღმერთი მარადიული და მთავართაგანი მისი ზემცნებაა... კეთილმყოფელთა გზავნილები ცოცხალ პლანეტებში კი ქვეყნიერების ზნეობრივი მოწესრიგებაა. ისინი მრავალია. წმიდა ნინო, რეალურად, ერთ-ერთი მათგანია. ღვთის რჩეული ხომ ზეცის უახლესი ჭეშმარიტებაა და კიდევაც, უფლის ნებით, ნათელი და ღვთის ერთგული იბერია-კოლხეთი შექმნა, ისეთი მისტიკური ქვეყანა, რომელსაც საუკუნეებია სასტიკი ძალა ვერ ანადგურებს და დროთაჟამში უკეთური მოვლენები მის ირგვლივ თავადვე უკვალოდ ქრებიან. ახალი ბოროტებანი კი ისევ და ისევ იბადებიან, მაგრამ ზეკონტროლირებადი სამყაროს მეოხებით, პერიოდულად ძალას იკრებს და ღვთივმოვლინებულთა ძალისხმევით კოლხ-იბერიელთა გადამრჩენი ფიზიკური და სულიერი ცივილიზაციის მარად სიახლეებს ნერგავს.

ვარსკვლავთ შემყურე წმიდანი, იბერიის სატახტო ქალაქ მცხეთაში, რთული და უმძიმესი მოციქულებრივ-მონამებრივი მოღვაწეობის ჟამს, უმთვარო, უღრუბლო, მუქი ლურჯი ცის მრავალვარსკვლავიან ღამეს, მოულოდნელი ზეციური შეტყობინებისას, თავის სულიერ დას არ გააღვიძებდა, ისე ჩუმად გაბრძანდებოდა გარეთ (ამდაგვარი ღამეები ხშირად მეორდებოდა). საათობით აკვირდებოდა ვარსკვლავებით მოჭედულ უძირო სამყაროს და დაძაბული მზერით თვალს აყოლებდა მომხიბვლელ ჰარმონიულ სვლას. ვარსკვლავთში გადართული წმიდანი ყურს უგდებდა, ზეციურ პლანეტათა მომწუსხველ, უხმო სიმფონიას. მერმე, ღვთის მორჩილი, მათგან შერჩეულ ჯგუფს იდუმალ დიალოგს გაუმართავდა და შინაგანად შორს გავიდოდა ჩვენი გონებისთვის მიუწვდომელ სამყაროში.

მხოლოდ დედა სიდონიას ჰქონდა უფლება, თითქმის ყოველთვის ყოფილიყო დამრიგებელ-მასწავლებლის გვერდით, რაც წარმოადგენდა სრულყოფილი ზნეობის კავშირს ღვთიური სიყვარულ-მეგობრობისა, რომელიც ზოგჯერ სულიერ დათა, ტყუპისცალის ურთიერთობასაც ემთხვეოდა. დედა სიდონია ბევრად უფროსი გახლდათ წმიდა ნინოზე და მშობლიურ მზრუნველობას არ აკლებდა.

ღამე იყო მოწმენდილი, სავსემთვარიანი, მშვიდი და გარემო ზეციური გრძობებით ივსებოდა. მოგონებების მომხმობი და შორეული მიზნებ-სურვილების სურათებიც ისახებოდა. ზეციური ნეტარი სევდით იყო სავსე ირგვლივ სივრცე და შეუვალი ვარსკვლავთის რომანტიკული გარემო.

*მარტოხელა დევნილი მგლის ყმუილმა გაკვეთა უკუნი ღამე და უცნაური შიშიც გავრცელდა, რომელსაც, ძაღლების გარემოს შემატყობინებელი, მასობრივი ყევაც მოჰყვა.*

*ძალიან შორს იყო მთვარე, მგელი, ღამის გუშაგი მიკიოტი და ყოველი ტყიური არსებანი. ყოველთა*

*დედა მშვიდად იდგა ამაღლებულ სუფთა მინდორზე და თვალს არ აშორებდა სიკეთით, სევდით, იმედით და ოცნებით სავსე ვერცხლისფერ პლანეტას. ცის დასალიერში ვარსკვლავთა სავსეობა და ციმციმი იყო ზღაპრული. მეტეორები არ ისახებოდა, დუმდა მარტოხელა მთვარე და უკიდევანო ვარსკვლავეთი, მხოლოდ სამყაროს ხმა ისმოდა გონების ყურით.*

დედა სიდონია, ტანსრულ ზურგით, ხეს მორჩილად მიყრდნობოდა და ისიც გაუნძრევლად შეჰყურებდა ცას. ჯერ შორს მავალი ფუსფუსი მოესმა წმიდანის, შემდგომ სიტყვები და აზრი იკვეთებოდა გარკვევით:

— უსაზღვრო ბოდიშს გიხდი, პლანეტის და მთელი იბერიის ხალხის სახელითაც, მთვარევე, ღვთის გაჩენილო, მშვიდო და პატიოსანო; ასევე, მრავლად მოვლენილნო, მოუსვენარო ვარსკვლავებო. საუკუნეების განმავლობაში წარმართები, მზისთაყვანისმცემლები და ცეცხლთაყვანისმცემლები შეურაცხყოფას რომ გაყენებდნენ, თავიანთი სიბეცე და უგუნურობა თქვენზე გადმოჰქონდათ, ციურო სხეულებო! ვითომ-და თქვენ ითხოვდით მსხვერპლს, უმანკო ბავშვებისა და უდანაშაულო მოზრდილთა სისხლს. მზე და თქვენ მსხვერპლს არასოდეს ითხოვდით და არც ითხოვთ (რა ძალებიდან მიიღეს ჩვენი პლანეტის ადამიანებმა ამგვარი შემზარავი წეს-აზრები?). პირიქით, თქვენი ღვთიური მარადმყოფლური ფუნქციაა, სიცოცხლეს მუდამ საუკუნეობით შეუნყოთ ხელი, ჯანსაღი სულიერ-ფიზიკურ-ფსიქოლოგიური სავსეობა და ხანგრძლივობა ჩაუნერგოთ. კარგად ვიცით, სიკვდილი თქვენთვისაც დიდი დანაკლისია, უთვალავ ციურ სხეულს დალად რომ ადევს მისი კვალი, მაგრამ უთქვენოდ და უჩვენოდ წყდება ეს უსაშინლესი ქმედებები. უთუოდ, უსასრულო სამყაროს მარადიული შეუცნობადი კანონ-პროგრამაა, რომელიც თქვენთვისაც და ჩვენთვისაც ბოლომდე გაურკვეველ-შეუვალაია.

მზეს კი თვალს ვერ ვუსწორებ, მთვარეო, რომ შევლადადო მონანიება, ცრემლის ღვრით, მუხლზე დაჩოქილმა... მზე ყოვლისშემძლეობაა, უფლის გვირგვინია ქვეყნის მანათობელი. ეს რა ხდებოდა?! მზის თაყვანისცემააო და ათასობით წელიწადს სისხლს სწირავდნენ დიდ ნათებას, სიკეთის მფრქვეველს...

სითბო და სიცოცხლის წყარო ცეცხლი?! ცეცხლსაც საუკუნეები გადაეკიდნენ, ის ხომ მზის ნატყორცნია დედამიწაზე, მისი ნაწილია განუყოფელი და უფლისგან გაჩენილი. ღმერთი კი გვარიგებს არა სიცოცხლის და სისხლის (სხვისა) შეწირვებს, არამედ ზნეობრივ მორჩილებას, რწმენას, სიყვარულს, სიკეთეს, სიბრძნეს, ერთგულებასა და თავმდაბლობას. ყველასი და ყოველთა მიტევების თავწყარო ხომ უფალია, ყოვლის მხილველი და სიბრძნის უსასრულობა. იმ შემთხვევაში, თუ ბოროტება დაგვიპირისპირდა მძლეველი, პირადი შეწირვაა მოსალოდნელი (რითაც უცილო გამარჯვება)...

ეს რა იყო, ღმერთო! წუთით უფლის უხილავ ხატს მიმართავს წმიდანი, რატომ მოხდა ადამიანთა ტვინის სატანისეული დაპყრობა, გამოფიტვა... მთელ პლანეტაზე აგრეჭირად წარმართობა რომ იყო მოდებულა. ისევ ვიმეორებ, ღამის მშვენებავე, მზეს, მთვარეს, ვარსკვლავებს, მათ ნაშიერ ცეცხლს რაში სჭირდებოდა ადამიანთა ცოცხლად შეწირვები, ან ცხოველთა,







საიდან და როგორ აღმოცენდა ამ ფორმის შავი ზნე. მე მჯერა, ის თავის საძრახის კვალს მაინც დატოვებს დედამინაზე. მორჩილად გადაგებული დიდი ხანი ესაუბრებოდა დედამინის გარე სამყაროს, რის შედეგად იდუმალი კავშირი დამყარებულიყო: ადამიანთა სისხლის აღება ხომ, დროთა ჟამში, წარმართობამ შვა, რომელიც მისგან ამომავალი უმახინჯესი მანკიერებაა...

სულგანაბული და ევემია უჩინრად მივიდა დედა სიდონიასთან და მორიდებით ჩასჩურჩულა:

— დაო, არ შემოხვალთ ძილად?!

— ჩუმად, დედაო, წმიდანი ციურ სხეულებთან საუბრობს და ხელი არ შეუშალოთ.

— დაილოცოს, უფალო, შენი სახელი, — დედა ევემია თავისას მორჩილად დაბრუნდა ლოცვით.

დედამინაზე გარკვეული დროით გაუცხოებულნი წმიდა ნინო მათ შესახებ არავის არაფერს უყვებოდა. ამდაგვარი ფორმის წმიდანურ-შორეულ ფიქრთა მგზავრობით მხოლოდ დუმითად გარდაიქმნებოდა და თვალცრემლიანი ზემინიერი განცდებით, გულმკერდის მარცხენა მხარეს მისვენებული ვაზის ჯვრით ჩუმად ლოცულობდა. შემდეგ ღვთიური გრძნობებით სავსე და ანგელოზური ბუნებით სახედადლილ-გაფერმკრთალებული თავის მონამეობრივ სამყოფელს უბრუნდებოდა, სადაც უფლისმიერი მშვიდი ნათელი სუფევდა, ზეფილოსოფიური სიმბოლო მაყვლოვანის ცოცხალი ტოტებისგან ურთიერთში გადაყვანილ-გადახლართული და ნატიფად მოწნული მითურ თავშესაფარში...

ერთ მზიან დღეს, ბოდბის მათხოვრებს, მნიფე ქარვისფერი ლელვი და ნითლად ანთებული ბრონეულები მოურთმევიათ. კოჭლმა მოხუცმა, ყურძნის აკიდოები სენაკის სიახლოვეს, ხის ტოტზე დაკიდა. წმიდანი ღიმილით შეხვდა მათ და მადლობის გადახდის შემდგომ საჯანმრთელო ლოცვა გამართა. მერმე დებს გადაულაპარაკა, — თუ რამე გაგვანჩნია სენაკში სასამელ-საჭმელი, ყველაფერი დაურიგეთ მათო...

*დრო და სივრცე თავდახრილი მორჩილებდა ღვთიური განწყობილების იდეებს და უხილავი ფერებით მაცხოვრის მირონმდინარე სასწაულმოქმედი სიცოცხლის ხატი იქმნებოდა...*

უკიდურესად გაბოროტებული სიკვდილი ცოფ-შეყრილივით დაძრწოდა და ჩაყვითლებულ ლოჯებიანი, სახედაჯღანული ბუზლუნებდა: ვის მოუვიდა აზრად, ქვეყნიერებაში, სიცოცხლის გაჩენის დღიდან, ეშმაკისგან დაკანონებული ფუნქციების ხელხლება და შეცვლაო. რას მიქვია ჩემგან მოკლულის გარდაცვალებაო...

ღვთივკურთხეულ წმიდანთა შემდგომ, ღრმად მორწმუნე მოძღვარი და კეთილი მორჩილი მრევლი თუ მაცხოვრის უნაკლო მიმდევარია, უთუოდ წმიდანებად იწოდებიან... წმინდა სიყვარული მხოლოდ მაღალი ზნეობრივი შეწირვებით მიიღწევა. ამ თემაზე, საინტერესო ცხოვრებისეული მაგალითი მინდა წარმოგიდგინოთ...

ქალი თუ ნებისმიერი ცოცხალი არსება, მშობიარობისას, დიდ ენერგიას და სხეულის სასიცოცხლო უძვირფასეს ნაწილს გასცემს, მაგრამ მისი ორგა-

ნიზმის დანაკარგის აღდგენითობა იმ საათებიდანვე იწყება და პიროვნების სული უფრო ძლიერი და აღმატებულია... ამდაგვარი პირდაპირი მნიშვნელობისა სამყაროს უკიდევანო მასშტაბით გაცემა-შენიშვნა გარდაუვალი აღდგენითობითი პროცესით, სადაც მიუწვდომელი ინსტიქტი და კანონი მძლავრობს. უსასრულობის ნებისმიერ სხეულში უმცირესი ელექტრონებიც კი არ ჩერდებიან და მუდმივი მოძრაობით ამ ფორმის უწყვეტ ციკლში უცნაურ ენერგიას გამოყოფენ. ასევე, მათი მრავალთვისებიაობა, მათემატიკურ-მეცნიერული გათვლებით გარდასახვებშია. ამავე ზეციური ფორმით, ადამიანებში, თავისუფალი აზროვნების ფილოსოფიურ-ფსიქოლოგიური, ზემინიერი, შემეცნებითი მონაცვლეობაა ურყევი ოპტიმიზმით და ეჭვებთვისებთან პესიმიზმით. მჯერა, მათ შორისაც წარმოსახვითი და მრავალსახოვანი იდუმალი შეწირვითი შუალედები რომ გაედინება...

მაცხოვრის ჯვარცმა თვითშენიშვნით მოხდა, ღვთიური მცნებით გამიზნული. სხვა ფორმით, სამყაროში, ახალი ჭეშმარიტი სარწმუნოება ვერ დამკვიდრდებოდა. დედამინაზე იესო ქრისტეს ჯვარცმა და წამება სამყაროსეულ მოვლენათა ფორმის რეალური სახე გახლდათ, ზეციური სხეულების მატერიალურ-იდუური პროცესის სრული სახე-ხასიათითა და ამ ფორმით შორეულიდან გამოედინა უსასრულობის სიახლე — სიკეთე, სიყვარული და რწმენა...

ასტრონომიულ-კოსმოსურ უდიდეს ცვლილებებს ძლიერი და მოკაშკაშე პლანეტებიც ეწირებიან, რათა მათი გამთლიანებით, ბნელით მოცულ სივრცეს უზარმაზარი მანათობელი მზე ჩამოუყალიბდეს. ამდაგვარადვე, მიწიერი და ზეციური სიცოცხლე მაცხოვრისა ეწირება ღვთიური ზნეობის განვრცობასა და ბნელით მოცული ჩვენი პლანეტის გამაჯანსაღებელ სხივთმოფენას.

ქვეყნიერების მხსნელმა, პირადი წამებით, უსასტიკესი ჯვარცმითა და უმძიმესი სიკვდილით ადამის მოდგმა უსასრულო ტანჯვისგან იხსნა და უკუნითი უკუნისამდე გონება გაუჯანსაღა... როდესაც წმიდა ნინო სამეფო ბაღს ტოვებს, ასევე თავის მომვლელ პატრონებს და მაყვლის ტოტებშირი ბუჩქის ქვეშ საწოლად ცხოველთა ტყავებს დაიფენს, იქვე, ვენახის გამხმარი რტოებისგან შეკრულ კონას სასთუმლად როს დაიდებს, მაშინ იწყება მისტიკური ასკეტიზმის უკეთილშობილესი სურათხატის შექმნა და აქედან აღმოცენდა ღვთიურ კაცთა მხსნელი ბიბლიური სიმბოლოები...

მართალი წმიდანი, ქრისტესმიერი თვისებებით, დღეებს, თვეებს და წლებს ამ ფორმით გამუდმებით ლოცვაში ატარებდა. ეს უკვე წმიდანთაწმიდა ჯვარცმაა — შეწირვაა. მხოლოდ პირადი და არა სხვისი. მიზანი ბრძნულია — წმიდა ნინომ, მაცხოვარით, სრულიად იბერი-კოლხთა მოდგმა უნდა იხსნას... საოცარი წმიდანი ხალხში, მრავალი საკეთილდღეო სასწაულით დღითი დღე, უფრო და უფრო აღმატებულ სასწაულებს ქმნიდა...

რთული დასადგენი არაა, თავად შეწირული ნინო, რატომ დაადგა ამდაგვარ უმძიმეს მონამეობრივ გზას. ეჭვგარეშეა, იბერიაში თუ კოლხეთში წარმართობა და მზის თაყვანისმცემლობა ხილულად თუ მალულად ისევ მძლავრობდა. აუცილებლად უნდა გადაერჩი-



ნა განწირული ხალხი. აქედან გამომდინარე, პირადი თავდადებული-შენიღვითი და მოციქულებობრივი მოღვაწეობა იყო აუცილებელი, რაც ქრისტიანულ საზოგადოებაში მაღალზნეობრივი და გმირული ღვთივ სამაგალითო მოქმედება გახლდათ და გახლავთ...

მომავალში, უკიდევანობის უფალი, სამყაროს პატრონი და მარადიული საზოგადოება ზემოხეობით გაუმთლიანდება უსასრულობის ფიზიკურ და სულიერ ძალებს. შემდგომში წარმოიშობა ის ღვთიური დადებითი მოვლენები, ამჟამად რისი წარმოდგენაც შეუძლებელია. თუმცა, ამ შემთხვევაშიც, ადამიანები, ისევე სირთულეების წინაშე ვიქნებით, ჩვენივე უზნეო ცხოველური ბუნებიდან გამომდინარე, რასაც ახლავს მიუდგომელი და გამოუსწორებელი სტიქიურობა, იდუმალი ძალები და სამყაროს უძლიერეს-ურთულესი მსჯავრი სულიერება.

ქრისტიანულ-მართლმადიდებლური სასწაული უფრო და უფრო ძლიერი ფორმით ვლინდებოდა და წარმართული მახინჯი იდეებისგან ნატანჯ-ნანამები ხალხი, წმიდა ნინოსთან, იმედით სავსე მორჩილებით, „გვიშველე, წმიდანოს“ თხოვნით მოვიდა. წმიდანისგან ნათელ კურთხევას ღებულობდნენ და ყველას სხვადასხვა ფორმის და მასალისგან დამზადებული ჯვარი დაურიგეს...

იმ ბედნიერი დღიდან, იბერიის მიწაზე, წარმართების მიერ ძალდატანებითი თუ ნებისმიერი მეთოდით შეწირულთა სისხლი არ დანთხეულა. ჩვენდა სამწუხაროდ, დროთა ჟამში დედამიწაზე ადამიანები მაინც იხოცებიან, დანყებულნი სატანური ომებით, პიროვნული ურთიერთუღელტეხით, არაადამიანური გამცემლობით, გულგრილობითა და მომაკვდინებელი ღალატით... უზარმაზარ სიკეთეს უსაშინლესი შავი ფონი დახვდა. ღვთიური ძალით უნდა წაშლილიყო ის...

თვითგვერდულ პლანეტაზე, სტიქიურად გაავებული ხვალი ან ძუ ლომი, გამუდმებით ცხოველთა სისხლს ღვრის, რათა ცხოველური (მხეცური) მშვიერი მუცელი ამოიყოს. ამავე სახის უმძიმესი წესრიგა როგორც მინის ზედაპირზე, ასევე ნებისმიერ წყლის-ქვეშეთში და რატომ? ამ კითხვას სამყაროს მაღალი აზროვნებაც სვამს. ნუთუ, დედამიწაზე სიკვდილი და ბოროტება რომ არა, სიცოცხლე უნდა შეწყდეს?! მაშინ ასე გამოდის — ჩვენს თავზე მარტო სიკეთე და სიყვარული არ კმარა თურმე... აი, და ესაა, უკიდევანო სამყაროების შინაგანი, ჩვენთვის მოინვდომელად ურთულესი და უსასტიკესი კანონგავლენა. მომავლის იმედად, ადამიანებო, ქვეყნად უფლის მარადიული სიცოცხლის უწყვეტი კეთილშობილური ჩარევა და მისი კანონზომიერების შენარჩუნებაა საჭირო. ქვეყნის წინაშეა კოსმოსის და კერძოდ, მშობლიურ პლანეტაზე საშინელების — ბოროტების, სიკეთისა და სიყვარულის კანონზომიერი მონესრიგების უსასრულობითი დინება. ბოროტ ზრახვათა ძალამ არ აპატიო იესო ქრისტეს ღვთიური სიყვარული და სიკეთე. ბრძოლა დაუმთავრებლად გრძელდება...

უსასრულობის მეუფის ზეზნეობრივი კანონების მოსვლით, დედამიწა და მისი ბინადარი უფრო მძაფრად გააგრძელებდნენ უცოდველთა და ცოდვილიანთა სისხლის ღვრას, მაგრამ ქვეყნის საბედნიეროდ, უფლის, ანგელოზების, ღვთისმშობლის, მოციქულების, ათასობით წმიდანის, ზეციური ნიჭით დაჯილდოე-

ბული გენიების, ასევე სიკეთით, სიყვარულით და მაღლიერებით სავსე ღრმად მორწმუნე მრევლი რომ არა, შედარებით ვერ შენელებოდა დედამიწაზე ამდაგვარი სისხლით გაუმაძღრობა. უთუოდ სამყაროს მიუწვდომელმა სიკეთის თანამიმდევრობითმა სვლამ, ათი მცნების, საღვთო წიგნების სწავლების შესისხლხორცებით და წმიდანური შეგნებით უნდა გამოაჯანსაღოს უკიდურესად თავისებური, ციურ სხეულთა შორის მძაფრგანწყობილებიანი სულის ჩვენი პლანეტა...

*ღირსი დედა ნინო მტკიცედ მოდიოდა და ურთულესი გარდატეხის ჟამი მკაცრად ეგებებოდა; წმიდა ნინო მოდიოდა!!!*

უფალი, მილიარდობით წლები, უთუოდ ეცდება ადამიანის მუდმივი გარემოს ზნეობრივ ამაღლებას-განწმენდას, მაგრამ საბოლოოდ ეს პრობლემა მოგვარდება თუ არა, ძნელი წარმოსადგენია. უფრო ოცნებაა, რადგან სატანას და მის ბოროტმოქმედებასაც ჰყავს სამყაროს უძირობაში ფესვგადგმული მძლავრი მეთაურები... ანუ სხივბოროტიანი ვარსკვლავიდან თუ მუდამჟამს ჩვენს პლანეტას გადაეფრქვევა სატანური სხივები, მაშინ ეშმაკთან ბრძოლა დაუსრულებელია.

*ბრძოლა სიკეთე-სიყვარულისთვის მარადიულია... ღვთივმეგობრებითი ნათქვამია: „ბოროტსა სძლია კეთილმან, არსება მისი გრძელია“, მაგრამ ბოროტება და მისი მოთავეებიც მუდმივია. მაშინ ამ დაუსრულებელ მოვლენებზე მომავალი ვინმე დიდი მგოსანი, რა თქმა უნდა, მართალფუძიან სურათს განსხვავებული შემოქმედებითი ხერხებით დაგვიხატავს...*

მაღლობა უფალს და ქვეყნის ერთგულ მოდარაჯეთ, ღვთიური ზნეობის მომწესრიგებელი მაღალი, მძლავრი სამყაროს მიერ აზროვნება მუდამჟამიერი...

რა თქმა უნდა, მომავალ ათასწლეულებშიც ამ ქვეყნიური სიკეთე გაძლიერდება, დაიხვეწება, „ათი მცნება“ კი ახლებური ელვარებით შეიმკობა და ამდაგვარი ხატულობით გაგრძელდება ცხოვრებისეული სიამისა და ტანჯვის მონაცვლეობითი უსასრულო გზა...

ხოლო საშინელება სიკვდილს ვერ ამოძირკვავს და ვერც უარყოფს სამყაროს მმართველი ღმერთიც; ის ხომ ყველასგან მოძულეებული, დამოუკიდებელი მძლე ძალაა ყოველთა, რომელიც მრავალთა და მრავალთ თიშავს ერთმანეთისგან ბნელის ჩაყენებით, მუდმივად, განუმეორებელსა და უნიკალურ მზეჩაღვრილ ცოცხალ ინდივიდებს. განსჯის გარეშეც, ჩვენთვის, ყოველმხრივ შეუთავსებელია, რადგან ზემოვლენათა ეს უმძიმესი იდუმალეა შეუსწავლელია და ასევე დარჩება უსასრულობაში უკანასკნელი პლანეტის შუქის ჩაქრობამდე... (რაც არასოდეს მოხდება).

მიწიერი სიცოცხლე და სულიერება, როგორი ფერებისაა არ უნდა იყოს, საკვირველებაა, უფლისმიერი ანდამატურობის მატარებელი. სულდგმულობდე და იყო მზის და ულამაზესი მინის ზედაპირზე, პირადი სიცოცხლით და მეობით მოქმედებდე — ნეტარებდე, ამოუხსნელი ზესიკეთეა მოკვდავთათვის. სამწუხაროდ, მსოფლიოს ეკლესიის მესაჭენიც სიკვდილს ტანჯვითა და ვაი-გლოვით ეგებებიან (პირადად მე არ





**წმ. ნინო. ხატმწერი რეზო ადამია**

მიკვირს). უსახო ფორმა-სიკვდილის გახსენება ხშირად, ჩემში, შხამიანი გველის ასოცირებას ტოვებს. არადა, ორივე სჭირდება ბუნებას და მაინც უნდა ითქვას, რომ ამქვეყნიური სიცოცხლე ბოლომდე გაუშიფრავი ზერეალური მგრძნობიარობაა სულის და სხლეულის ერთობლიობისა, რომელიც უსასრულობის მსგავსი მე-ს უკიდევანო სურვილობაა... ჩვენი, ნებისმიერის, უმთავრესი და ბუნებრივი მოვალეობაა გონით, აზროვნებით, სულით და გულითადი მცნებით შერიგება ამ ურთულეს გარემო წესრიგთან, რომელიც იესო ქრისტემ, მარიამ ღვთისმშობელმა, მოციქულებმა, მრავალმა წმინდანმა, ქართველთა განმანათლებელმა წმიდა ნინომ, უძველესი დროიდან მოყოლებული გენიალურმა ადამიანებმაც ვერ შეცვალეს და თავთავიანთ დროზე მორჩილად განიარაღებული ჩაბარდნენ...

მასწავლებლისეული თუ მოციქულებრივი ჩემეული მცნებაა, უფლისგან შთაგონებულ და წმიდა ეკლესიურ მოძღვრებათა სრულყოფილი ცოდნის ჭეშმარიტ მწვერვალს რომ მიაღწევთ, ჩაფიქრებისა და დუმილის გარეშე უნდა იაზროთ, მაინც მუდმივი მოსწავლეები იქნებით მაცხოვრისა და ამქვეყნიურ თუ ციური სამყაროს აზრთდინების უსაზღვროებისა. მე მინდა, ყოველმა თქვენგანმა ღრმად გაისულიეროთ, რომ კეთილმყოფლობა და ღვთივმოსაობა ზნემართალი პირადი შეწირვაა ზეციური მარად უცვლელი კანონებით, ხოლო უკეთურობა, შური, ღვარძლი და კაცთ მტრობა თვითმოშლა-განწირვაა საშინელი. წმიდანური შინაარსის აზრთ ხშირად ქადაგებდა წმიდანი, საეკლესიო პირთა და ხალხის წინაშე... ამჟამად, ჯვრის მცველის უკანასკნელი ქადაგება შევესისხლხორცით.

ქვეყნად სიკეთე და ბოროტება უსასრულო მიუწვდომლობაა. აუცილებელია ზნეობრივად ყოველთა მხსნელისეული წეს-კანონებით იმართებოდეთ. სინდონდე-წამლეკავ ეშმაკეულს კი მუდმივად ზღუდავდეთ თქვენში და სრულიად ირგვლივ გარემოშიც.

ღვთივ გაჩენილ ადამიანს მტრობ?! იმავდროულად შენს თავსაც მრავალმხრივ ანადგურებ, რითაც უფლის წინაშე ორმაგ დანაშაულს სჩადიხარ და ქვეყნიერების უსაზღვრო სივრცის მუდმივ მოხეტიალე მოგონებაში უარყოფით წარუშლელ პიროვნებად რჩები.

ყოველ თქვენგანს გიხაროდეთ, მაცხოვარი კეთილი მუდამჯამს თქვენთანაა, მაგრამ წინასწარ სულიერი შემართება, მაღალ ზნეობრივი შემზადება გმართებთ ქვეყნიერების მხსნელთან განწმენდილი სულიერებით წარსადგენად და დღენიადაგ იფიქრეთ, რომ მხოლოდ პიროვნული ზნეცარიელი დახვედრა არ კმარა. ნურასოდეს გაიაზრებთ, რომ მორწმუნე მრევლზე უმეტესები ხართ. უფრო ის იკმარეთ, სოფლის და ქვეყნის წმიდათანმიდა ეკლესიური მოვალეობა რომ გაკისრიათ.

დიდი სიკეთე და პიროვნული წარმატება მართლმადიდებელ მრევლს თუ ეყვარებით, რითაც თქვენ შორის უსაზღვრო ნდობა და სიყვარული დაიბუდებს...

კაცთ სიძულვილი ბუნებითაც არ უნდა შეიძლოთ და ძირფესვიანად უნდა განდევნოთ, თუ მაგ სახის უზნეო თვისებებმა იჩინა თავი... ნურასოდეს შეედავებით თქვენს შორის მოვლენილ ნაღდ შემოქმედთ, ისინი ხომ, საეკლესიო იქნება თუ საერო მოღვაწე, ღვთიური სიბრძნით მოსაუბრე და ხელოვნების უკვდავი ნიმუშების შემქმნელები არიან. რაც ერთ-ერთი კოსმოსური და მიწიერი, ბრილიანტასხმული ყოველთა შემაკავშირებელი რგოლია სამარადისოდ ქვეყნის მაღალიდუერი ღვთიური მთლიანობისა.

მიძიმე წარმართული სითამამეა, მათ მიერ შექმნილ ხელოვნების შედეგ კანონებზე თქვენეული შესწორებები რომ შეიტანოთ. ყოველ მათგანში ხომ ზეგონებითი შემოქმედი უფალი ზის. ჩვენს შორის, მარადიულ მშვენიერებათა ზნეობის კანონებს მხოლოდ ისინი ქმნიან; ხოლო მათი შემოქმედებითი მიღწევები მომავალში ეკლესიურ დოგმად არ უნდა გახადოთ, თუმცა ვერც გახდით, რადგან ცის სიშორიდან ვილაც მოდის, ახალი, უძლიერესი შემოქმედი, უფლის სწავლებით და ზეცის სალი გონმალალი წარმოსახვების მეოხებით. რომელიც ისევ შედეგებს შობს ეკლესიის და ერის სადიდებლად, თქვენგან კი მისი უარყოფა და ზეგამხედვარობა კერპთაყვანისმცემლური უღმერთობაა და მეტი არაფერი. აქედან გამომდინარე, კეთილ-ადამიანური შეგონებით მინდა იცოდეთ, უფალთან ყველაზე ახლომდგომნი, ყოვლად ნიჭსავსე შემოქმედი ადამიანები არიან...

ჩემო მოძღვარნო, მამანო და დედანო. რომელიმე თქვენგანში, უფლის ნება-წყალობით, შემოქმედი თუ გამოვლინდა, უსაზღვრო სულიერ სიკეთეს მოუტანთ ქვეყანას და ხალხს. გულმართალი ლოცვებით და რელიგიური თუ საერო შემოქმედებით სიკვდილს და ეშმაკს ჩვენს სიახლოვეს უცილოდ წაშლით.

იცოდეთ და არ გაგიკვირდეთ, პატიოსან მატერიალურ სიღარიბეშია ღვთისმოსაობა. დიდად მდიდარი ხარ? შენ უკვე მიიტაცე უფლის და ქვეყნის დოვლათიც. ამ რთულ შემთხვევაში, ნაწილობრივი მონანიება



არსებობს, რათა გარკვეული შენირვები გასცეთ ეკლესიის სასიკეთოდ და ღარიბ-ღატაკთა გადასარჩენად. ასეთი ქველმოქმედება, უთუოდ, ნებისმიერ ცოდვილთა ხსნაა მრავალმხრივი...

ამქვეყნისა ყოველნი! ზნეობრივად იფხიზლეთ და დღენიდაგ უფროხილდით მცნება ჭეშმარიტებას, მოგესხენებათ, ის თავად სიბრძნით სავსე კეთილი უფალია.

ჯანმრთელი სიცოცხლით სიკვდილი განიდევნება, დროული გარდაცვალება კი გარდაუვალია სამყაროს შეუვალი კანონით.

არასოდეს შეგეშინდეთ თქვენი პირადი გარდაცვალების, ყოველგვარი ფიქრების გარეშე ის უსასრულობის მარადიულობაა იმქვეყნიურთან მთლიანობით და ამქვეყნიური ურთულესი მოვლენა საოცრებაა...

სამყარო ორ უდიდეს და ურთულეს ღვთიურ კოსმოსურ ფორმა-ნესრიგს ემყარება — ხილულს და უხილავს. მხოლოდ მაცხოვარმა იცის, მათგან რომელია მეტი ან ნაკლები. ირწმუნეთ, ყოველი ადამიანი ორივეს უტყუარი სტუმარია...

ისევ მოგმართავთ და გულითადად მსურს, თუ დაბადებით შემოქმედი, ანდა ფილოსოფიურად მოაზროვნე არა ხართ, ხატმწერს, მგოსანს, ხუროთმოძღვარს, მოქანდაკეს, მეცნიერს და მწერალს მრავალმხრივი დუმილ-თავშეკავებით უნდა ჩანვდეთ, ეცადეთ გაუგოთ და წმინდანის დონეზე თანაგრძნობა გაუწიოთ. ამ შინაარსის სიკეთე და სიბრძნე არ ძალგძობ? მაშინ იყავით ჩვეულებრივი, გონებრივად მოწესრიგებული, ეკლესიური მოძღვრებებით ღვთისმსახური და კეთილსინდისიერად აკეთეთ თქვენზე დაკისრებული საქმე.

მთელი თქვენი მორწმუნეობრივი ცხოვრების პირადი და საერთო ბედნიერება ღმერთის, ქვეყნის და ადამიანების საყვარელ სამსახურში უნდა გაატაროთ მუდამყამს. ჩემო კეთილნი, ქვეყნად სიკეთე ყველაზე მეტად ეძიეთ და განამტკიცეთ...

მინდა დავუბრუნდეთ მარად სანუკველ უზენაეს ჭეშმარიტებას, ის ხომ ღვთიური ზნეობაა სანატრელი. როგორც უფალი და სამყაროა უკიდევანოდ დიდი და მრავალ ზნე-აზროვნებით უსასრულო, ასევე ზენათელი ჭეშმარიტებაა უსზალვროდ ღვთიური.

აუცილებელია იცოდეთ სიკეთე და სიყვარული, რაიც ვარსკვლავეთურად მტკიცედ გამთლიანებული ზეცის უძვირფასესი სულის ქსოვილია...

ვუბრუნდები უკვე თქმულს! ნებისმიერი ნიჭმომადლებული ხელოვანის ღვთიკურთხეულ აზროვნებას, ხელოვნების ქმნილებათა სიახლეებს ეკლესიის, ქვეყნის და მომავლის მიზნობრივ საქმიანობას ნუ უგულვებლყოფთ. ამგვარ უხერხულ შემთხვევაში, საკუთარი აზროვნების სამომავლო განვითარებას საგრძნობლად შეზღუდავთ და გონებრივად ძალიან ჩამორჩებით. წარუმატებელი მოძღვარი და მრევლიც კი ეკლესიისათვის არასრულფასოვანია...

მამებო და დებო! ეცადეთ, დამოუკიდებლად იაზროვნოთ. წიგნებს და, საერთოდ, მხოლოდ პიროვნებათა ნაწერებს ნუ დაეყრდნობით.

ღმერთთან ყოფნა და მორჩილება სრული გონბრწყინავი ბედნიერი შენირვაა; თუ ეშმაკთან თანამშრომლობ, ეს უკვე საშინელი თავგანწირვით დალუპვაა...

ახლა მინდა შევუჩერდეთ ძირითად თემას და ამ

ქვეყნის არსებათა უცნაურობებსაც შევეხოთ. იდუმალი სულდგმული, გველი, ისეთივე შეუცნობადია, როგორც მიუწვდომელი სასწაულებით სავსე სამყარო. მის უცხო ბუნებას თუ დაუპირისპირდებით, თქვენთვის მძიმე და ურთულესი ცხოვრებისეული მოვლენა იქნება, რადგან წვახანგრძლივი, გამოუცნობი, მძაფრი კოსმოსია მასში ჩასახული. უძველეს ფანატიკურ რელიგიებში, რატომღაც, ეს მინიერი უცნაური არსება წმიდანადაც იყო მიჩნეული, ჭეშმარიტ ქრისტიანობაში კი ქვეწარმავალმა ძალიან ცუდი სახე და დანიშნულება მიიღო. საუბედუროდ, მისი ზამბარისებური სხეულის ბრტყელ თავში ეშმაკი ჩაბუდდა და არასასურველ ურთიერთობათა სიმბოლოდ იქცა. სამწუხაროა, მაგრამ ასე მოხდა. უზენაესმა, ასეთად, თვით გვემული გააჩინა და ბევრი რამეც წინასწარ მიუტევა. თავისებური მიუკარება საქციელით ცივისსხლიანი, გულჩახვეული, მუდამ მდუმარე და მარტოხელა ქვეწარმავალია გველი. როგორც მოგახსენეთ, სატანამ მიითვისა ის საცოდავი, მაგრამ ბუნებაში მასაც აკისრია საკუთარი და სხვა არსებათაგან განსხვავებული თვისებები. ამავდროს, მისი ხატული სილამაზე და ტანის ჰარმონიული მოძრაობა შეუდარებელია ცაზე და მიწაზე ბინადარ სულდგმულთა შორის...

გულით, გონებით და სულიერად ირწმუნეთ, რომ თქვენი გარდაცვალებით უძვირფასეს ამქვეყნიურობას, როგორც რეალურ სახეს ურთულესი პროცესებით ტოვებთ და გადადიხართ იმქვეყნიურობის ღვთიურ მძაფრ გაუცნობიერებლობაში. ძნელზე ძნელია ყოველივე ამის გათვითცნობიერება, ჩემო ღვთისნიერნო! და ამ შემთხვევაშიც დიდზე დიდი მოთმინება და მონამეობრივი მორჩილება გმართებთ...

ყოველი ადამიანის მეობა ინდივიდუალობის კოსმოგონური იდუმალი უსასრულობაა. ძლიერი და ყოვლისმომცველი აზროვნებით ამ აუცილებელ სწავლებას ჩემულად კი არ გადმოგცემთ, არა! მხოლოდ მაღალი ღმერთის, კეთილი იესო ქრისტეს შეგონებით ვკადაგებ მუდმივი მორჩილი მოსწავლე ბრძენთაბრძენი უფლისა!

არასდროს არ უარყოთ და გარდაუვალ სიბერეს ნუ შეუშინდებით, ის დროის ასტრონომიული ათვლაა უტყუარი, თქვენივე ცოცხალი სხეულით. ჩვენი მზის სისტემის და სამყაროს მიუწვდომელი დრო კი ყველაფერს აბერებს, ციურ სივრცეში უზარმაზარ თუ მცირე პლანეტებსაც კი, მაგრამ იდუმალი მთლიანობის ხსნა მათ უწყვეტ აღდგენითობაშია...

სულიერო ძმებო, დებო, ეკლესიისა და ქვეყნის იმედო მრევლო! ურთიერთთან მხოლოდ კეთილი და ღვთიური სიყვარულ-მიზნებით უნდა ვცხადდებოდეთ, როგორც ყოველად უკეთილშობილეს მართლმადიდებელ მრევლთან, ასევე ნებისმიერი აღმსარებლობის ადამიანებთან. მორწმუნის კეთილი სულ-გულით გებრალეობდეთ ათეისტები, შეუდეთ და შეინყნარეთ უაზროდ განდგომილნი...

რეალური ცხოვრების ღვთიურ იმედად იქონიეთ, რომ მარტო არსად და არასდროს არა ხართ...

თქვენში მუდამყამს, თქვენდა საბედნიეროდ, დიდი სულიერი ღვთიური სიკეთეა ჩასახული. გინევთ რთულზე რთული ნუთისოფლობა, რომელშიც უზომო ჯაფაა გასანევი მრავალმხინარსიანი ცხოვრების განცდებით სავსე, მაგრამ ამქვეყნიური მოღვაწეობის



ყოველმხრივი სირთულეების მიახლოებით გარკვევაში, თქვენეული გულმართალი რწმენა და სულიერი სინამდვილე თანამდგომი, ესეც მიზანთ უსასრულობაა დიდი...

დღევანდელ ამ სარწმუნოებრივ სწავლებაში, რაც მე მოგახსენეთ, ის მხოლოდ გონებრივი სულიერ-გულისმიერი მალაზნეობრივი და პატიოსანი შრომით მიიღწევა.

ადამიანი, კეთილნო სულნო ჩემნო, სხვადასხვა ფერის, ზომის და განწყობილების ციური პლანეტაა, მარადიული წვით და შინაგანი გარდაქმნებით. აქაც ღვთივიდუმალეაა უზომო...

გთხოვთ, ძლიერ შეისისხლხორცეთ, სათუთად შეინახეთ და გაუფრთხილდით თქვენს კოლხურ-იბერიულ გენს, ჯიშს, წარსულის ისტორიას და ზნე-ხასიათს. ასევე დიადური შემართება, სიყვარული და სულიერი სიმტკიცე, უმნიკვლო სიკეთე-თავმდაბლობა ყველგან და ყველაფერში, უშიშარი მედგრობა და კაცთა შორის შუათანობაა ზეადამიანური ურთიერთობის ბეჭედი. ჩემი უმორჩილესი თხოვნაა, მარადის გქონდეთ უტეხი რწმენა, სიყვარული და მორჩილება ღვთისა. უძილო ღამეების და სიცოცხლის ფასადაც იღვანეთ იბერიის და საკაცობრიო მომავლისათვის.

ქრისტიანობის და სამშობლოს მტერს შეებრძოლეთ ჯერ არნახული თავდადებით; გიყვარდეთ ნიჭიერნი, შეინდეთ უნიჭონი და თანაუგრძნობდეთ ხელმოცარულებს; განადიდეთ მშრომელი, გმირი, უფალს და სამშობლოს შეწირული ხალხი. ღმერთი სამებითაა და გულუხვობით თანაუგრძნობდეთ ყოველთა მათ...

ეცადეთ, ნებისმიერ პიროვნებაში ეძიოთ ღვთიური სიყვარული, სიკეთე და სათნოება. სიღრმისეულად შეიცანით მათ ადამიანურ ბუნებაში ძვირფასი რაცაა და კეთილგონიერად პატივი ეცით. შეიგრძენით, რომ ჩემგან წარმოთქმულ ყოველგვარ ამ სიბრძნეს ზეკეთილი უფალი გვასწავლის; შეეცადეთ, ყველაში და ყველასთან ბოროტება გააცნობიეროთ და შემდგომ უცილოდ მაცხოვრისეული სიბრძნე-სიკეთით დაუპირისპირდით. ეკლესიურად იმოქმედეთ, იაზრეთ და გირჩევთ, ცხოვრებით არასოდეს დაილალოთ. ყოველმხრივ ეცადეთ, გარდაცვალებამდე დღენიადგ იშრომით და იღვანოთ, გაჭირვებისას იყავით უდრეკნი და მხოლოდ წმიდათაწმიდა ღვთიურობით იცოცხლეთ.

ჩემი უკანასკნელი თხოვნაა, წინაპართა საფლავები არ დამიტოვოთ კურთხევის გარეშე...

კეთილო იბერიელებო და ურთიერთძმანო კოლხეზო, ამით დავამთავროთ დღევანდელი საუბარი და გულითადად მინდა, უკანასკნელი არ გამოდგეს ჩემი გულთა კეთილი, გულგონიერი და სულით სახარებისეული ქადაგება. ყოველივე ეს ბოლოა თუ არა, უფალმა უწყის, რადგან სამყაროს საკვირველ მეხსიერებაში წარმოუდგენლად მიუწვდომელი, ყოველთა გამაოცებელი საიდუმლოებაა განფენილი.

ამ მიმართვის შემდგომ, წმიდა ნინო, ნელი ნაბიჯით, დაღლილ-დაღონებული, ნაცრისფერი ქვის ამბიონიდან დინჯად ჩამობრძანდა. თლილი ქვა-კირით ახალაშენებულ, მინისძვრათა შემტვევ მცირე ბაზილიკის ეკლესიიდან მწვანილოვან ეზოში გავიდა, იქვე მდგარ უძველეს მუხის სკამზე ჩამოჯდა და დუმინარევი სახით თვალცრემლიანი ჩუმად ატირდა. მხოლოდ ღრმად მორჩილმა დედა სიდონიამ მორიდებით გაბედა და მამუხრებულ, სევდიან წმინდანთან მისვლა და ღანვებზე ჩამოყრილი თმა გაუსწორა, თან მარჯვენა ხელის მტევნის ზურგით გაფითრებულ ლოყაზე ცრემლი შეუმშალა. მძიმე ფიქრებით დანისლულმა დედა სიდონიამ სამჯერ პირჯვარი გადაისახა. მართლაც უკანასკნელი გამოდგა წმიდანის ბერ-მონაზვნებთან და მრევლთან იმ დღის ტკივილნარევი და სულდამძიმებული ქადაგება.

გამთენიისას, დამთრგუნველი განცდებით დამძიმებულ სივრცეში, სრულიად იბერია-კოლხეთის პირველი უთვალსაჩინოესი მოციქულთა სწორი წმიდანი მშვიდ ძილად მიიცვალა. მის შემშრალ ბაგეთაგან, ჩამავალ მზესავით უშორესი და უკანასკნელი იდუმალი ჩურჩული ვერავინ გაარკვია: შემდეგ ითქვა, დედა მასწავლებლისგან უთუოდ საქვეყნო ლოცვა იყო უკანასკნელი.

უძველესი კოლხური შინდისფერი აბრეშუმის სუდარაგადაფარებულ ღარიბულ სარეცელზე თითქოს ეძინაო, მიღეულ გულმკერდზე ვაზის ჯვარდასვენებულ წმინდანს. მიცვალებულის ჯერ არნახული განწყობილება სუფევდა ცოცხალივით იმედსავსე ცხედრის ირგვლივ... დაბა ბოდბეს, კუხეთ-კახეთის-იბერიის და კოლხეთის ზღვისპირეთამდის მწუხარე დრო და სივრცე გულისჩამწყვეტი უზომო სამგლოვიარო გოდება-მოთქმით გაივსო...

### (დასასრული შემდეგ ნომერში)





ვასილ კოსტავილი



წინათქმა

ჩვენში ერთი მოარული ფრაზაა — „ძნელია იყო ქართველი“.

ქართული სული შორეული წარსულის ღრმა ფესვებიდან მოდის და საუკუნეთა მანძილზე ამის შენარჩუნება იოლი საქმე არ არის. შეინარჩუნო და არ დაივიწყო ის, რაც ქართველი კაცის ღირსებაა, სიამაყეა, სინამდეა, ნიშნავს არ დაგავინცდეს „ვისი გორისა ხარ“, არ გაუჩინარდე. ეს კი, როგორც ამ ბოლო დროს ჩანს, ყველაზე ძნელი საქმე გახდა.

ძნელია გულგრილად უყურო სვეტიცხოველს, ან იცხოვრო რუსთაველის შეგონებით. ძნელია ბოლომდე გაჰყვე არამიწიერ გზაზე გალაკტიონს, ანდა ფიროსმანის ფერთა გამას გაუსწორო თვალი. ადვილი სათქმელია მზის სითბოსა და სიყვარულისაგან დაგრეხილი ვაზის მოვლა და მერე მათრობელა ღვინის დაყენება.

პოემა ეძღვნება X საუკუნის უკანასკნელი მეოთხედისა და XI საუკუნის გამორჩეულ მოღვაწეს, დიპლომატსა და მჭევრმეტყველს, პროგრესულად მოაზროვნე ფეოდალური არისტოკრატის მეთაურს, აფხაზთა მეფის მიერ ქართლის ერისთავად დანიშნულ — იოანე მარუშისძეს, რომელმაც გადადგა შორს გამიზნული ნაბიჯი... მოგეხსენებათ, ფეოდალური მონარქიის პერიოდში ქართული მიწების ერთ სამეფოდ გაერთიანება რეალურ საქმედ ისახებოდა, ამ დიდი საქმის მოთავეობა იოანემ დავით III შესთავაზა... მისი ძალისხმევით გამეფდა ბაგრატ III.

ბაგრატმა შეძლო დიდგვარიანი აზნაურების — ქავთარ ტბელისა და რატი ბაღვაშის დამორჩილება, დაქსაქსული სამთავროების — შავშეთ-კლარჯეთის, სამცხე-ჯავახეთისა და კახეთ-ჰერეთის შემოერთება, სამშობლოს მტრების — ბიზანტიის კეისრისა და განძის ამირას დაოკება და საქართველოს გაერთიანება... იგი იწოდებოდა: „მეფედ აფხაზთა, ქართველთა, რანთა და კახთა“.

საქართველოს პოლიტიკურ ცენტრს და მეფის რეზიდენციას უფლისციხე წარმოადგენდა.

პოემაში ასახულია იოანე მარუშისძის სასიყვარულო თავგადასავალი...

გამოხატულია საქართველოს თითოეული კუთხის ნიშან-თვისებანი...

ვასილ კოსტავილი





დგას მეთე საუკუნის მიჯნა,  
ცა დააზრო სუსხიანმა ქარმა...  
გულისგული ყორანივით ჯიჯგნა,  
მოღალატე ფეოდალთა გვარმა...

უმეცართა სიბრმავეა შური,  
სიხარული მწუხარებამ მოსრა...  
სხეულია ნუთისოფლის მდგმური,  
სირცხვილია ფუყე თავის მოჭრა...

უბედობას უყამობა წყევლის,  
მრისხანეა შურისგების ზარი...  
სიცოცხლეა მძიმე ბრძოლის ველით,  
გოლგოთაზე ასატანი ჯვარი...

მზე ცეცხლივით მოსდებია სოფელს,  
უაღერსებს ვრცელი ხორბლის ყანას...  
სული შესთხოვს უფალს, ნათლის მთოველს,  
რომ დაიწყოს აღმავლობის ხანა...

ურცხვად კრეფდა ბეგარას და ლალას,  
შინაური მოყვარე თუ მტერი...  
მუხანათურ ავკაცობას მალავს,  
მეფის მხევალს მოყოლილი გერი...

მზენათელი აზრილდა თმოგვი,  
სამრეკლოდან სხვა ჰანგები ქრიან...  
არაბთა მტვერს სარკინოზი მოგვის,  
ტყვენი თავებს ფოთლებივით ხრიან...

დააღწიეს მუსლიმანთა უღელს,  
შინამტრობით გაჩეხილი თავი...  
გამოყრუვდა ციხის კოშკი ნუხელ,  
შემზარავად რომ ჩხაოდა ყვავი...

მინასავით ჩაეხუტა გუთანს,  
სიყვარულით მოლილინე გლეხი...  
არავისი არაფერი შურდა,  
სამშობლოში მოიკიდა ფეხი...

გააშენა აჩეხილი ზვარი,  
ტაძარს ვაზის შეუხამა ფრესკა...  
გამოაღო ცად ხუთივე კარი  
და ნისლებში მზის სხივები თესა...

ათავთავდა ალავერდის მკერდი,  
ხოხობივით მოიღერა ყელი...  
კამარებში აეტანა ბერდის,  
ჯვარი რწმენის — ქეშმარიტი ძელი...

დიადემად მოეხვია მცხეთას,  
იოანეს წმიდა ნათლის სვეტი...  
საარაგვოს ზედაზენთან კვეთდა,  
სულიწმინდად მოვლენილი მტრედი...

სიხარულით აშრილდა ტაში,  
ჟრუანტელმა დაუარა დარბაზს...  
არაგვი მტკვარს ჩაეხვია ცაში,  
ნისლთა ჯვარი გადასახა არმაზს...

ბედის მზე აელვარდა ცხუმში,  
მტერთა ღრუბელს დაუყენა თვალი...  
ურჩხულს შუბი გაუყარა გულში,  
მოიმარჯვა ორლესული ხმალი...

მარუშისძემ დაუჩოქა მეფეს,  
მიანოდა უთეთრესი დროშა...  
მოვარდნილი ქარიშხალნი ყეფენ,  
საქართველო ერთიანი მოჩანს...

## მცირეწლოვანი ბაგრატის მეშუკვა

მარუშისძე ყვავილივით ზრდიდა,  
მცირეწლოვან და ონავარ ბაგრატს...  
მართვესავით ფრთებს უმწეოდ შლიდა,  
თეოდოსთან დაამკვიდრა ტაძრად...

აფხაზეთის უსინათლო მეფე,  
ბებრულ ჟამის კრიალოსანს თვლიდა...  
მარტოსულნი სიმარტოვეს კრეფენ,  
უმზეო და უვარსკვლავო ციდან...

დღეში შვიდგზის აკითხებდა ლოცვებს,  
სამეფო კვერთხს დაყრდნობილი ბიძა...  
სიყვარულით უღიმოდა მლოცველს,  
ნათლის სვეტად ჩამომდგარი ძიძა...

ითვისებდა ნერგი სულის სიღრმეს,  
ისრუტავდა მაცოცხლებელ ძალას...  
ჭურჭელივით ივსებოდა სიყრმე,  
ცოდნის წყურვილს უმძაფრებდა სწავლა.

მონასტერში აკითხავდა ბერთა,  
ესწრებოდა წირვასა და ტრაპეზს...  
სანთლის შუქზე ყალმით ლექსსაც წერდა  
და მამათა გამონათქვამ ფრაზებს...

მარუშისძე ასწავლიდა ჯირითს,  
ფიცხელ ომში სატევარის ტრიალს...  
უნერგავდა შემართებას გმირის,  
რომ შებოდა მტერს, ვერაგს და ტიალს...

რომ უდაბნო წყურვილია სულის,  
სიცოცხლეა ბენვის ხიდზე გავლა...  
მთაზე ლოდის ატანაა რთული,  
მწვერვალამდე უშეცდომოდ ავლა...

## იოანე მარუშისძე ხშირად უამგობდა მცირეწლოვან ბაგრატს მითრიდატ პონტოელზე

ბაგრატს ნაკითხი აღმზრდელი ჰყავდა,  
მჭერმეტყველი და დიდი რიტორი.  
სახით მითრიდატ პონტოელს ჰგავდა,  
ძარღვში უჩქეფდა ღმერთთა იქორი\*...

უფლისწულს ახსოვს თქმულება რომზე,  
მიუყვებოდნენ ტალანს ლანდები...

\*იქორი — მითოლოგიურ ღმერთთა სისხლი







მზე „მითრიდატეს“ ყვებოდა ომზე,  
ცას ამინდით სცვლიდნენ ამბები...

ჰალისის პირას ჩანვა ფალანგა,  
ზარდაცემული გარბოდა მტერი...  
აღვირახსნილი ქცევა ალაგმა,  
ურჯულოთაგან დაიცვა ჭერი...

რომმა პონტოსთან ითხოვა ზავი,  
კოლხეთში ატყდა ავი გრიგალი...  
აჯანყებულებს დააცხრა ზვავე,  
მურენას ჯართა შლეგი ჯირგალით...

პოსეიდონი ადიდა მეფემ,  
ზღვაში ჩაუშვა თეთრი ცხენები.  
ხომალდებიდან მეზრძოლნი ყეფენ,  
ცა გადასერა ნისლმა ჭენებით...

ქალკედონს იდგა არმიით კოტა  
და მითრიდატეს ჯარებს ელოდა...  
გაიბრძოლა და შეშინდა ცოტა,  
გაქცეულს ფლოტიც ველარ შველოდა...

მჭიდროდ ჩარაზა ქალაქის კარი  
და ხმამალალი ხმითა ყვიროდა:  
— „თავგანწირვაა დღეს ჩვენი ჯვარი,  
თავს ნუ გაიხდით სანადიროდა!“

რომმა სასტიკი იგემა მარცხი,  
პონტოელთ დარჩათ სამოცი გემი...  
ნალმა უკულმა ბრუნავდა ჩარხი,  
ფარნაკეასკენ დაიძრნენ მტრები...

მითრიდატ მეფე მიადგა სომხეთს,  
სიძეს საომრად გაყოლა სთხოვა,  
უთხრა: — „დრო არი, საომრად მომყვეთ,  
თორემ ლუციუს სომხეთშიც მოვა!“

არ დაუჯერა ტიგრანმა სიმამრს  
და რომაელთა ჯართან დამარცხდა...  
ვერ იხსენებდა საშინელ სიზმარს,  
რომელიც უკუნ ღამეს ჩაბარდა...

ქაბერიანში ქვა მოხვდა კოჭში,  
გმირ პონტოელთა მეფეს და სარდალს...  
ხმალის ტრიალით წამოხტა ნუთში  
და დაერია რომაელთ, ართვალთ...

გაიზუზუნა მწარედ ისარმა  
და მითრიდატეს ჩაერჭო თვალში...  
და დაიზმუვლა ვითარცა ხარმა,  
ცა შეიმოსა ძონისფერ ალში...

მისცვივდნენ სკვითი ექიმბაშები  
და შეაზავეს შხამი გველისა...  
მეზრძოლნი იდგნენ როგორც ბავშვები,  
ვით ყვავილები ვრცელი ველისა...

ხუთ დღეში მეფე წამოდგა ფეხზე  
და გაირეკა რომაელები...

მტერს ამინებდა მზარავი მეხზე,  
სისხლით მოსვრილი ჰქონდა ხელები...

სამოცდაშვიდ წელს ქალაქ ძელასთან,  
რომაელებმა დაჰკრეს ნალარა.  
ტრიარიუსის ხმალი ელავდა,  
ჯარი სკოტას მთას შემოატარა.

მთიდან ერთბაშად დაეშვა ზვავე,  
პონტოელებსაც მოსწყურდათ ბრძოლა.  
ხევში შთაინთქა ღრიალი ავი,  
მდინარეს გაჰყვა შიში და ძრწოლა...

ისართა წვიმა დააცხრა ირისს,  
იკლაკნებოდნენ წყალში გველები...  
მინა უსმენდა არესის ტირილს,  
ირეცებოდნენ რომაელები...

მკერდამდე წყალში იდგნენ ხეები,  
ნაფლეთებში და სისხლში ცურავდნენ...  
ცად აღემართათ მძიმე ხელები,  
სანამ მენამულს დაახურავდნენ...

გადარჩენილმა ჯარმა მოკურცხლა,  
მათ მითრიდატე მისდევდა ჩეხვით...  
უეცრად ბედი მან გადმოფურცლა,  
რომ შემზარავი გავარდა მეხი...

ცენტურიონმა აძგერა ხმალი,  
ბრძოლაში გართულ პონტოელთ მეფეს...  
სარდალთ აებნათ ალი და კვალი,  
ჭრილობებიდან ჩანჩქერნი ჩქეფენ...

იქვე აკუნეს მცველებმა მტერი,  
მეფე ბრძოლიდან გამოიყვანეს...  
ღრუბლებად აჩნდა ფლოქვების მტვერი  
გზას, მთებიდან რომ ამოიყვანეს...

სასონარკვეთას მიეცა ჯარი,  
მხედრობა უკან გამოიწვიეს...  
ბლაოდა ტყეში ირემი-ხარი,  
საიდან, ეს ვერ გამოიძიეს...

მზესავით იწვა მეფე მინაზე  
და ექიმბაში თრთოლვით კურნავდა...  
დრო უდროობის ეგო ფინალზე,  
ცასა და მინას შუა ბრუნავდა...

მკურნალთან ერთად ავიდა ბორცვზე,  
ჯარს ეჩვენა და დაანუგემა...  
მზერა მრისხანე გაუხდა ქორზე,  
სარდალთ მიმართა ძალზე უხეშად:

— „რად მოაბრუნეთ მეზრძოლნი უკან,  
ამხელა გზა რად გამოიარეთ?!  
დღეს ტრიარიუსს შევიპყრობ უგვანს,  
არ ვაპატიებ ამ ნაიარევს!“ —

ეს თქვა და ცხენზე მძიმედ ამხედრდა,  
დაძრა მხედრობა ურიცხვ მტრისაკენ...



რომმა შეტევა ველარ გაბედა  
და უკუიქცა სახით მტვრისაკენ...

მზე მიიმალა ტალანის ბოლოს,  
დაისი იდგა ეზოს ჭიმკართან...  
იოანეს ხმა ისმოდა მხოლოდ,  
იფურცლებოდა თოვლი მყინვართან...

## ერისმთავარი შეიჭრა ქართლში

ერისმთავარი შეიჭრა ქართლში,  
თავზარი დასცა ორგულ თავადებს...  
მოლალატეებს არ დარჩა ვალში,  
უმეფეოდ რომ გაინავარდეს...

სარგისმა ძონით შეკაზმა ცხენი  
და მარუშისძეს ჩოროთი ეახლა...  
ძმა დაასმინა მოთაფლულ ენით,  
თმა ყალყზე ედგა, ხმა აემალლა...

ამბობდა: — „უნყის მალაღმა ღმერთმა,  
გლეხებს ნაართვა გვარამ სათესი...  
მიისაკუთრა მიწანი ერთმა,  
არ გაახარა არვინ სხვა ფესვი!..“

ხარჭად დაისვა მეუღლე მთავრის,  
რომ მოეგუდა ცხენის აღვირსა...  
ამოიყარა თავადთა ჯავრი,  
სანყალ ხორეშანს მზე არ აღირსა...

შეავინროვა ციხე არაგვთან,  
ძღვენი გაგზავნა ამირ-არაბთან...  
ასი რჩეული ქალი და ვაჟი,  
ძვირფასეული, ზურმუხტ-ბადახში...

ძღვენი მიიღო ვაცისწვერებამ,  
მას სხვანაირი სურდა ფერება...“  
სტუმარი სარგისს უსმენდა დიდხანს,  
„საით არისო, გვარამი?!“ — ჰკითხა...

— „შეუკრებიან სურამთან ჯარი,  
წინ მოუძღვება სარდლად თავადებს...  
ცხენს მოაჭენებს ვითარცა ქარი,  
ლამის სიკვდილსაც გაუთამამდეს...“

დარახტულ ცხენზე ამხედრდა ავი  
და უმძიმესი იშიშვლა ხმალი...  
დღე გაუთენდათ თავადებს შავი,  
ყორნებმა ჯიჯგენს ხორცი და ძვალი...

ხელებმეკრული მოჰგვარეს გვარამ,  
სისხლში მოსვრილი მიწად ფორთხავდა...  
მეფის აღმზრდელმა უმზირა ვარამს,  
ურჩხულში გული როგორ ბორგავდა...

გლოვობდნენ სირცხვილს ციხისჯვარეულს,  
გაშიშვლებული ქართლის ტყეები...  
აბრიალებდნენ თავლებს არეულს,  
ძირს დამხობილი ურჩი ტყვეები...

— „შეუხსენითო მკლავები!“ — ბრძანა,  
თუ ჭეჭასავით გაისმა ექო...  
სირცხვილეული ჩრდილები წვანან,  
ღირსეულს ხმალი ქარქამში ეგო...

— „მონყალე მექმენ, მარუშისძეო!“ —  
ჩაილულულა ჩუმად გვარამმა...  
— „დაგიბნელდება მახვილით მზეო!..“ —  
დაიღრიალა ხმამ შემზარავმა...

ჯალათმა ღამეს მოჰკვეთა თავი  
და უსახური ფიქრი გაფითრდა...  
საყვირია რომ ხარივით ბლავის,  
შიშით მოცული გული ატირდა...

თვალწინ წარსული დაუდგა თავადს,  
სისხლჩაქცეული თვალნი დატბორა.  
წელში მოხრილი ათრთოლდა ავად,  
ცოდვამ დათვივით, მძიმედ დატორა...

წამოაყენეს ფეხზე მტვრიანი  
და იოანემ თვალში ჩახედა...  
თოვლქვეშ ყვაოდნენ ლურჯი იანი,  
დაღწევა სურდათ თოვლის მახედან...

ცახცახს მოეცვა შუახნის კაცი,  
ბრგე აღნაგობის, მზერით ველურის...  
დროს მოეხატა წარბები ცარცით,  
სიმკაცრით, დარდით და საყვედურით...

— „რამდენიმე დღე დილეგში ჩასვით!  
პური აჭამეთ და წყალი ასვით!..  
ღმერთმა შეუნდოს, ნუ ვიტყვით ძვირსა,  
არ მიმანია სიკვდილის ღირსად!“ —

თქვა იოანემ, ჰკითხა ყოველთა:  
— „რით მოიპოვებთ მოსაპოველთა?!  
რითი სჯობიხართ გვარამს და სარგისს,  
რომ გამოარჩევთ უვარგისს ვარგისს?!..“

გორის ციხეში გამომანყვდიეს,  
დიდგვაროვანი ფეოდალები.  
ქვეყნის ღალატი არ აპატიეს,  
არ დაუთხრიათ თურმე თვალები...

ქართლის ველებზე დანავარდობენ,  
სუსხიანი და ცივი ქარები...  
მოლალატეთა მსგავსად დარდობენ,  
თავმოდრეკილი ხეთა ჯარები...

მთელი ამალით დაბრუნდა ცხუმში,  
მხიარულებით და სიმღერითა...  
სამშობლოს ფრესკა აენტო გულში,  
ჯვარზე ვნებული ღვთის იერთა...

## იოანეს სიზმარი

წყარო კლდოვანი მღვიმედან მოჩქეფს,  
ტყეს ჩრდილოეთით აკრავს მწვერვალი,





ქარი ნისლს ჩუმად თეთრ ნაჭერს მოხევს,  
თვალს აიცრემლებს ტურფა მხევალი...

ფერხულს უვლიან ნიმფანი ღამით,  
ქალღმერთისათვის ტკბილად გალობენ  
და არტემიდე ამაყობს ამით,  
ფერიები რომ უხვად წყალობენ...

ჭაბუკს წყაროსთან მიაქვს ამფორა,  
სარკეში მოჩანს მთვარის ნამსხვრევი...  
თითქოს ქალწულის ტუჩს ეამბორა  
და შეეშინდა წყალის ამღვრევის...

ჭურჭელი მძიმედ დაუშვა ფსკერზე,  
უნდოდა მთვარეც რომ ამოელო...  
ლივლივებს სითხე სხვადასხვა ფერზე,  
ოქროს ნათება წყალს გამოეყო...

ჰილასს აუტყდა უცებ ხარხარი,  
მღვიმედან ქარმა გაიკისკისა...  
ნიმფამ დატოვა თავშესაფარი,  
ვაჟს დაეძგერა გროვა ისრისა...

რხევით მიჰქონდა დიაცს სხეული,  
წყალს აერეკლა სიშიშველე მისი...  
წელს ქვემოთ სცემდა თმანი ხვეული,  
გაშმაგებული ალერსის ღირსი...

მარმარილოსფერ პანია ფეხებს,  
არ აშინებდა წყარო ყინულის...  
სიარულისას ისროდა შხეფებს,  
თითქოს დნებოდა ფეხქვეშ ყინული...

ახლოს მივიდა ნიმფა ჰილასთან,  
ზღვისფერ თვალეებით სულში ჩახედა...  
მთვარე გაფითრდა ღამაზ დილასთან,  
კალმახი გასხლტა საკალმახედან...

ღამაზი იყო მართლა ჭაბუკი,  
ენაჩავარდნილს რა უნდა ეთქვა?!  
ყვავილს ტანჯავდა ტრფობის ქარბუქი,  
აცახცახებდა მკერდს გულის ფეთქვა...

ამოიხავლა რალაცა ქალმა,  
არ გაუგია ვაჟს არაფერი...  
გამოაფხიზლა ყინულის წყალმა,  
ნაპკური ცრემლით იყო ნაფერი...

პირი დაალო დასაყვირებლად,  
სუნთქვა შეუკრა ალქაჯის კოცნამ...  
მარწუხებს ხვევდა გასაკვირველად,  
მზემ სიმხურვალით წყალს სხივი სტყორცნა...

წამით დაუსხლტა ჰილასი ნიმფას  
და გამყინავად ამოიყვირა...  
შემოუხვია მკლავები ზილფად,  
ვნებამ სხეული გამოიჭირა...

ელვად მოიჭრა გუნდი ნიმფათა,  
ვაჟი არ იყო მათი მომრევი...

აიტაცეს და ძალით მიჰყავდათ,  
მღვიმესთან მბრუნავ უღრმეს მორევში...

დაფეთებული წამოხტა ტაძრად,  
ცა მარუმისძეს მკლავზე ეწვინა.  
აცახცახებდა შემცივნულს მაგრად,  
გამოერკვია რომ დაეძინა...

## გვანცა

უფლისციხეში გუმბათის მგვან ცას,  
ახმიანებდა წყარო კრიალა...  
განუცდელ გრძნობას უმღერდა გვანცა,  
მზით ივსებოდა ტრფობის ფიალა...

თითთა შეხებით ათრთოლდა თარი,  
ვარდობის თბილი თოვდა ამინდი...  
ბანს მოსძახოდა ფოთოლთა ჯარი,  
ქალწულს უხმობდა ჟამი დანინდვის...

მზე ფრთებზე ეჯდა ყელგამმრალ წეროს,  
სიამოვნებდა გრილი ნიავი...  
ანგელოზურად უმღერდა ეროსს,  
ჟრუანტელს გვრიდა წყარო სიამით...

დაუნდობელი იყო ყმანვილი,  
რომ ერთობოდა გულთა თამაშით...  
აფროდიტესი სულის ნაწილი,  
ქალღმერთის თვალთა იასამანში...

ვერ გაურბოდნენ უკვდავი ღმერთნიც,  
ცელქი ჭაბუკის ყოვლისმძლე ისარს...  
აძაგებდნენ და რისხავდნენ ერთნი,  
სხვანი უშვერდნენ გულისა ფიცარს...

— „რაში გჭირდება ეგ მშვილდ-ისარი,  
ხმარება ალბათ იცი პატარა!..  
დაგამარცხებ და ძალა ღვთის არი!..“ —  
თქვა აპოლონმა, გაღიხარხარა...

გულში სიფიცხე დაასამარა,  
დარდის ეკალმა კედლები ჩხაპნა...  
ეროსმა ცაში შეკრა კამარა  
და შეამჩნია მინაზე დაფნა...

მდინარის ღმერთის პენესის ქალი,  
ტყის განაპირას მიიმღეროდა...  
ცას მოსდებოდა დაისის ალი,  
სულს აღელვებდა ჯარი ჩეროთა...

კაპარჭს მოაკლო ორი ისარი,  
ერთი — ოქროსი, ერთი — ტყვიისა...  
ოქროსი წმიდა გრძნობისთვის არი,  
ტყვიისა არის სიძულვილისა...

ოქროსი გულში ტყორცნა აპოლონს,  
ტყვიით საბრალო დაფნა დაისრა...  
აფორიაქდა ზღვა უთავბოლოდ,  
ძარღვებში სისხლი მძლავრად დაიძრა...



მშენებებით სავსე პენესის ასულს,  
არ ასვენებდა ბრწყინვალე ღმერთი...  
მოთმინებათა მწვერვალზე ასულს,  
მამასთან თხოვნა შემორჩა ერთი...

ისურვა შეცვლა ლამაზი სახის,  
ითხოვდა სულაც ხედ რომ ექცია,  
რომ აპოლონის სამოთხის ბალი,  
ცივ ჯოჯოხეთად გადაექცია...

შვილს შეუსრულა პენესმა თხოვნა  
დაფნა ლამაზ ხედ გადააქცია...  
ღმერთმა მიჯნურის ვერ შეძლო პოვნა,  
თვალთაგან ცრემლთა ზღვა დააქცია...

დაფნის გვირგვინით შეიმკო თავი,  
ვერ განიკურნა გულის იარა...  
უთვალავ სხივად ეშვება ზვავი,  
ეროსმა სიკვდილს რომ აზიარა...

თითები თრთოლვით შორდება სიმებს,  
დაისი მოჰგავს ქალწულის სახეს...  
ქალღმერთი ლამის მოსასხამს იცმევს,  
სიმღერით თავის მომავალს ამხელს...

სტუმრად ეწვია აბუღეთს უცხო,  
არ შეუტყვია, მღეროდა გვანცა...  
თვალეები ქალწულს ზვერავდნენ უხმოდ  
და თვალთა სხივმა ჭაბუკი გასცა...

მოსული ზვიადს მოგავდა არწივს,  
რომელიც ერთგულ თავადს უცდიდა...  
ეპყრა უსტარი — ძვირფასი განძი,  
აბუღეთს მეფის თხოვნას უწვდიდა...

### **ბაგრატ III-ის უსტარი თავად აბუღეთისადმი**

უსტარსა ვრცელსა ეწერა ყალმით:  
— „მამისა, ძისა და სულნიმინდით,  
ბაგრატ მესამე მოგმართავს სალმით,  
მოგველის ომი, მძიმე და დიდი!..“

ქავთარ ტბელმა და ბალვაშმა რატიმ,  
ქართლის საზღვარზე შეჰყარეს ჯარი...  
მათ შეურაცხვეს სამშობლოს ხატი,  
რომ გაუჩინეს ერთობას ბზარი.

მოგმართავ თხოვნით აღილო ხრმალი,  
მიტაცებული ვიხსნათ მიწანი...  
მტერს დაუდგება მოშურნე თვალი,  
დავიხსნათ ველნი სამოთხისანი...

აფხაზეთიდან მოვალ ლაშქართი,  
უნმინდურ ურჩხულს ლახვარი ჩავცეთ...  
ბაგრატოვანთა ხელში საპყარი,  
მასხვილი ორგულთ შიგ გულში შთავცეთ...

გიგზავნი უსტარს აღმზრდელის ხელით,  
თან გეახლება ბრძოლასა შინა...  
ლიხით გადმოვალ და იქვე გელი,  
ქართლში რომ მყარად დავიდო ბინა!..“

თრთოლვით დაკეცა ტყავის გრაგნილი,  
მარუშისძე შინ შეიპატიჟა...  
გაანყეს სუფრა და პურ-მარილი,  
გულუხვი კაცის ჩანდა ნაბიჯად...

### **ნადიმი**

აუციმციმდა თვალეები გვანცას,  
სტუმარი ნატიფ ხელს ეამბორა...  
აღფრთოვანების ეწვია განცდა,  
ცრემლმა უღრმესი თვალნი დატბორა...

წინ მთვარესავით გაუძღვა ზეცას,  
ეკვეთებოდა სუსტი მუხლები...  
მოხდენილად და შალიფად ეცვა,  
არ ეხებოდა მინას ქუსლებით...

ანგელოზივით მოესხა ფრთები,  
ტალანისაკენ რომ მიაფრენდა...  
ჩიტთა ჟრიამულს მოეცვა მთები,  
ლანდთა სილურჯეს ტევრს მიაფრენდა...

უფლისციხეში ყვაოდა ვარდი,  
სურნელი უგრძნობ გრძნობას ათრობდა.  
ტოტიდან ტოტზე ნიავი მარდი,  
უმსუბუქესი ფრთებით დაჰქროდა...

ეძალეებოდა ლამეს თამადა,  
მონყურებული ცლიდა სასმისებს...  
თავადს მოესხა მთანი ნაბადად,  
სხეულს უთბობდა ღვინო ლამისვე...

მუსაიფობდნენ შრიალით ხენი,  
აშოლტილნი და შავჩოხიანნი...  
იხსენიებდნენ ორგულებს წყენით,  
უშიშარნი და სახელიანნი...

კრძალვით ნამოდგა მორცხვი სტუმარი,  
თქვა სეფე სიტყვა, სასმისი შესვა...  
მოზვავდა გრძნობა ცით ნაგუბარი,  
მიმინოსავით ცერზე რომ ესვა...

ეროსის ისრით დაისრულს ჰგავდა,  
თავბრუსა ხვევდა გვანცას სახება...  
თვალთა ლამეში ჩახედვა წვავდა,  
ცა შორი იყო ხელშესახებად...

### **ქართლის ურჩი დიდგვაროვნების დამორჩილება**

ქართლის საზღვარზე იდგა ქავთარი,  
ღრუბლებს ავესო ტრიალი ველი...





ილენებოდა ფარი, აბჯარი,  
გავეშებული ქართველის ხელით...

ყაყაჩოსავით ყვაოდა სივრცე,  
მზე შუბისტარზე ცრემლად ესვენა...  
ღრუბელთა აკვანს ნიაფი არწევს,  
დაისისაკენ გადაესვენა...

ძე მარუშისა უხმლოდ იბრძოდა,  
ცხენდაცხენ, მძიმე ფარის ძვერებით...  
ტალახიანი მინა იძვროდა,  
ეტანებოდნენ გვამებს ძერები...

უკუაქციეს დიდგვაროვანი,  
ბაგრატი შიდა მტერნი ალაგმა.  
მუხლებზე იდგნენ ჯაგნი, მტვრიანი,  
შეება შეიგრძნო წმიდა ალაგმა...

რატი ბაღვაშმა დათმო კლდეკარი  
და გადასახლდა მთიან არგვეთში...  
მეფემ აფრინა არგვეთს მხედარი,  
ძალა შეიცნო რატის მართვეში...

კლდეკარში მთავრად რატის ძე დასვა,  
ქართლი ამგვარად დაიმორჩილა...  
ურჩი ფეოდალებს სამსალა ასვა,  
კახეთ-ჰერეთიც იქმნენ მორჩილად...

სამთავროები შავშეთ-კლარჯეთი  
და მთელი სამცხე შემოიერთა...  
ბაგრატიონნი ეპყრა კლანჭებით,  
გადაიხვენენ „მტერნი“ ივერთა...

### სიყვარული

უფლისციხეში დამკვიდრდა მეფე,  
მზე სიყვარულის ხატად ხარობდა...  
ლურჯ ოცნებათა ჩქერალნი ჩქეფენ,  
მდინარედ ქცეულ გრძნობის წყაროდან...

ხშირად სტუმრობდა გვანცას თავადი,  
აღმზრდელი ბაგრატი კურაპალატის...  
მხიარული და თავისთავადი  
და მჭევრმეტყველი მეფის პალატის...

შესრულებია ორმოცი წელი,  
დიაცს მოსწონდა ლომის იერით...  
ბრგე აღნაგობის, მაღალი, ხმელი,  
უშიშარი და ლომზე ძლიერი...

ოქროს კრატერში უსხამდა ნექტარს,  
სითხეს უტკბესი სიყვარულისას...  
და იოანე უმზერდა ნექტარს,  
ველარ უმხელდა სათქმელს გულისას...

ყამთა წრებრუნვას ითვლიდა შარა,  
მზე თვალთა ტბაში ცრემლს მოელოდა...  
ტყე შრიალებდა: — ჩქარაო, ჩქარა!..  
წყვილი დაისის ამბორს ელოდა...

ჩიტივით კრთოდა თავადის ქალი,  
შემოხვეოდა სალტედ მკლავები...  
ცას მოსდებოდა სიმორცხვის ალი  
და ცახცახებდნენ მუხლისთავები...

სინითლე ურცხვად ლოკავდა ყვრიმალს,  
სუნთქვა ათბობდა ყურის ბიბილოს.  
აყოლილიყო ფოთოლთა შრიალს,  
ტოტების ჩრდილქვეშ მყოფი ღიღილო...

ცხელი სხეული ეკვროდა სხეულს  
და განშორებას აღარ ჩქარობდა...  
წყვილი ფურცლავდა დღეთა ჭრელ რვეულს,  
მზე ტაძრისაკენ მიიჩქაროდა...

იმარცვლებოდა ღამედ გიშერი,  
ულამაზესი ქალწულის ხელში...  
მთვარედ ეკიდა მამის შიმშერი,  
ჭოტი ეულად კიოდა ბნელში...

### ბაგრატი III მამის გარდაცვალება

გარდაცვალა მეფე გურგენი,  
ბაგრატი მესამის ლომგული მამა...  
აყმუვლდნენ მთანი, როგორც ძუ მგელნი,  
ენკენის მთვარე შეისვა შხამად...

ანგელოზურად დადუმდა ღამე,  
ზარდაცემული იდგა ხარება...  
თვალცრემლიანი ითვლიდა წამებს,  
ათრთოლებული ტყის მწუხარება...

ერთად დასცვივდა ყველა ფოთოლი,  
სამეფო ტახტზე ფესვგადგმულ მუხას...  
მარტვილი იყო მეფე ობოლი,  
ხეთა ლანდები ამაზე სწუხან...

მოძრავი მინა დაბრუნდა ნალმა,  
ქარვისფერ ღრუბლებს თავბრუ დაეხვა...  
მაღლა აწვდილი ტოტები გახმა,  
ცა ფურცელივით ზედ გადაეხა...

უსასრულობად ჰქროდა ნუგეში,  
ცვიოდა ფოთლად — ყალბი სიტყვანი...  
მოგონებათა გულთბილ უბეში,  
შეხიზნულიყო სული მცივანი...





ნუნუ ქამუკაშვილი



იმეფი

ხვალევ, გათენდი იმედად,  
ხვალ, ზეგის ვიტყვი — სათქმელსა,  
სიკეთე მეგობრადა ჰყავს, —  
მეგზურად, — კეთილ საქმესა.

შურის ადგილი არ არის,  
ვერ გამოჩნდება — ნამითაც, —  
სულის სიმაღლე სუფევდეს, —  
რომ ვიამაყოთ — ამითა.

გულს სხივი დაუმეგობრე:  
დღე — მზისა, ღამე — მთვარისა,  
მაღალი ღმერთი გვფარავდეს, —  
ამინდი გვექონდეს — დარისა.

სიყვარული

ჩემს ოცნებას, უნაპიროს,  
არ ჰქონია — ნაპირი,  
სავსე მთვარეს, — მოკამკამეს,  
შენთვის, სონეტს დავპირდი.

სიყვარული — ზღვა ყოფილა,  
გეფიცებით, — უძირო,  
ეს რამდენი ხანი არის —  
შენზე ვფიქრობ, — უძილო.

და... ღამაში ოცნებებით  
მივენდობი მაგ მკლავებს,  
ბრწყინვალემა შეემატოს —  
ჩვენი ბედის ვარსკვლავებს.

ასე მგონია

ასე მგონია, გავცოცხლდი,  
ედემის ბაღში მოვედი, —  
ვარსკვლავად ამოვბრიალდი,  
სხვა თვალთ ვნახე — ყოველი.

ეს, — რა, ღრმა ძილით მეძინა,  
რა, ღრმა ზღვა გამოვიარე,

შენ და დრო რწმენად მეგულვით,  
თქვენ მომიშუშებთ იარებს.

მუზა

მუზა, როცა არა გტოვებს,  
ამ სიხარულს სად აუვლი...  
ყოველი დღე მინდა იყოს:  
ლექსის წერის სასწაული.

ნეტავ...

დაგინახავ, სიყვარულის  
ეს, რა, ზღვა და ზვირთებია,  
სულ, ღამაში მინდა ვიყო,  
თვალნი გხედვენ, — ინთებთან.

ყოველი დღე, ნუთი, წამი,  
მზის მარმაშით ირთვებიან,  
სიყვარულის კვირტი ვშაღე,  
უნაზესი კვირტებია...

სტვენს ბულბულიც, — სიყვარულზე,  
გადიშლება სულიც ვარდად...  
ჩვენი — ნაზი სიყვარულიც  
ოცნებებში გაიზარდა.

იქნება...

იქნება, მე შენზე დავწერე ლექსები,  
იქნება, არც იცი, იქნება, ვერც ხვდები;  
რამდენჯერ, — იცვალეს ხეებმა ფოთლები,  
იქნებ, ფიქრს მიმიხვდნენ მისანი ვერხვები.

ღამაში ოცნებით გაივლის, კიდევ, დრო,  
იებს სურნელისთვის ნაზ მხრებზე ვეხები,  
კარგი, მასე იყოს, როგორც შენ ისურვებ,  
ჩავთვალოთ, ვითომდა, ვერაფერს ვერ ხვდები.

ისევ, — გვეწვევიან, გაზაფხულს, ფრთოსნები,  
ჟღურტული აავსებს მიდამოს მერცხლების,  
ზაფხულიც ჩაივლის და... შემოდგომას კი —  
იმედებს, ოცნებებს, კვლავ, დავესესხები.

იქნებ, ფიქრს მიმიხვდნენ მისანი ვერხვები...



\* \* \*

როგორმე, — გაივლის ეს, ზამთრის სიცივე,  
გაზაფხულს იასთან შეხვდები მინდორში,  
მზე, როცა, ცხრათვალა, ცხრა თვალით იციხნებს,  
ისევაც ვიქნები, უბრალოდ, — მიმნდობი.

ზაფხულის თაკარა ბევრ რამეს მახსენებს,  
ტალღები რომ იყო, ცხელი და ვნებული,  
გიტარის ჰანგები, ისევ, არ მასვენებს,  
ბულბულის ხმასავით, ნაზი და ქებული.

და... შევკრებ სიამეს — წამის, თუ, წუთიერს  
დიდ ბედნიერებას დავარქმევ, რაც იყო...  
ღრუბლებს გადავდენი — შორეულ წარსულში,  
ცხრათვალა მზე, რომ, სულ, ცხრა თვალით ვაციხნო.

და... შემოდგომა კი — იქნება გამოცდა...  
ისევ, ისეთი ვარ, ვიყავი, რაც გუშინ,  
არც გამიფიქრია, ამ გულის გამოცვლა, —  
გგონია, რომ ამ გულს სიყვარულს დავუშლი?

### რასა მთხოვდა ეგ თვალეზი

რასა მთხოვდა ეგ თვალეზი,  
უეცრად რომ შემეფეთა?  
გეხვეწები, არ დამტოვო,  
ხან დროს, მაინც, ვიყოთ ერთად.

გულის სათქმელს ნიავს ვანდობ,  
ახლა, ყვავილებთან ანცობს,  
მოგიტანოს დანაბარი,  
არ გადასცეს უცნობ — ნაცნობს.

გვირილებიც შენთვის ყვავის,  
ეს ბულბულიც შენთვის გალობს,  
ვერ გაიგე? შენთვის ვინვი,  
ვერ მიმიხვდი? — შენით ვხარობ.

### თუშეთი

ხელით მივწვდები ვარსკვლავებს  
გადაკეცილა სიშორე,  
ფიქრები ველარ მაკავებს, —  
გული განცდას ვერ იშორებს.

მთები ცას ეტოლებიან  
ნისლები ხევში წვებიან,  
თქვენს სიდიადეს, რაც ვლოცავ, —  
ულამაზესი წლებია.

### ფედას

ეგ თოვლისფერი თმა როგორ გშვენის,  
მზის ამოსვლას ჰგავს ღიმილი — შენი,  
შრომით გადაღლილ მაგ ლამაზ ხელებს  
მალე, ჩემს ხელებს შემოგაშველებ.

და იმ მძიმე ტვირთს, რასაც ეწევი,  
შეგიმსუბუქებ უფლის შენევნით...  
ჩაიქროლებენ, მერე, ეს წლები,  
ცხოვრების ახალ ტალღებს ვესწრები,  
და... მინდვრის ნაზი ყვავილებივით,  
დროს შემორჩება — ჩემი ლექსები...

### კავკასიონი

ერთი უცქირეთ, იმ, მთებიან,  
ზეცამდე ასულ კავკასიონს,  
დასახატად რომ ირთვებიან,  
ჩვენ გვიგზავნიან კამკამა სიოს.

მათ მზის უბრწყინავთ დიადემა  
და სიყვარულიც მზის ტოლი აქვთ,  
ჩურჩულიც კი გვესმის დიად ენად, —  
წერენ სიყვარულის ისტორიას.

### მტრედები

რა, ლამაზად მოჩანს ხედი,  
დაფარფატებს — ორი მტრედი,  
სიყვარულობს ორი გული, —  
უჩუმრად და მორიდებით.

### რაჯ მაჩუქე... ის, იები

რაც მაჩუქე, ის, იები,  
ჩემთან ერთად არიან,  
გულის სიმებს აჟღერებენ,  
როგორც — ნაზი არია.

ერთად განვვლეთ წლების რემა,  
არ იცვალეს ზნე-ფერი,  
წიგნის ფურცლებს მეგობრობენ,  
ერთ დროს, — მინდვრის მეფენი.

სულ, — მიმიწვევს მათკენ გული,  
სასოებით, ო, რწმენით,  
ახლაც, ვნახე პანანინა —  
სიყვარულის მონმენი.

### წლები

წლებზე ჩივილი რას მარგებს? —  
რა უნდა ექნათ ამ წლებსაც,  
დრო-ჟამი ჩემს ხელში იყო,  
ჩემ დროს ხომ, თვითონ, მე ვმწყემსავ.

მე, ტატოსავით, ვერ ვიტყვი:  
მე ჩემი მიმაქვს გზა-კვალი,  
ბავშვური შემრჩა ეს გულიც, —  
როგორც — კირკიტი კაკალი.



ლექსები: ია-ენძელის,  
თვალეების გაჟუჟუნება;  
ყოველ ცისმარე — ლამაზად,  
რომ დაგვანახვოს ბუნება.

## ეს გული...

ეს გული, შენ, ფიანდაზად გაგიფინე,  
და, ეს გული, ვიცი, მხოლოდ, შენთვის დნება,  
ლილე კი მზეს უგვირისტებს ლამაზ ბინებს, —  
გავიგე — სიყვარულის უკვდავება.

## ჩემი მელანქოლია...

წარსულს რომ ვერ დაიბრუნებ,  
იმად არის წარსული,  
ხან, ვიყავი მოლხენილი, —  
მეცხრე ცაზე ასული.

ხან, თუ, სევდა მენვეოდა,  
ხან, თუ, დარდი, მშფოთვარე!  
ის დღეები სად წასულან?!  
ვთვალე და ვერ მოვთვალე.

აღარ ვეძებ, ოცნებების —  
რა სიმდიდრე მქონია,  
იქნებ, ზოგჯერ, კარგიც არის —  
ჩემი მელანქოლია?..

## შენ გკუთვნის ეს გული

მზე ჩავიდა, მოირგო  
ლამემ — შავი გიშერი,  
ოცნებები გავიყოთ,  
ისევ, შენ თუ, მიშველი.

მთვარე დამალობანას  
ღრუბლებს ეთამაშება,  
და ფიქრები ქცეულა —  
გადარახტულ რამებად.

შენზე ოცნებას მოაქვს:  
სიხარული და შვება,  
შენთან ჩემი სიცოცხლე  
არასოდეს დაშრება.

ისევ, გამოიღვიძებს —  
გაზაფხულზე, სუმბული,  
სიყვარულზე დასძახებს  
აღტაცებით — ბულბული.

როცა — თმაში ვერცხლები  
უხვად ჩამეძენება,  
მე გულმშვიდად შევხვდები  
წუთისოფლის დინებას.

## წუთისოფელი

რას გაიგებ — წუთისოფლის;  
სიკეთეს თუ სიავესა?..  
როცა, ცოტა შვებას ვიგრძნობთ,  
მადლობისთვის — მადლსა ვთესავთ.

დარდს კი მკერდში ჩავინურავთ,  
მივუკეტავთ ციციქნა კარებს,  
დრომ მოგვპაროს, იქნებ, სევდა, —  
და სიმშვიდეს შვებას ვარქმევთ.

დრო კი რაშით — მირბის, მიქრის,  
გვაჯირითებს თავის მხედრებს,  
მოგვეც — რწმენა და სიმართლე, —  
წუთისოფელს ამას ვვედრებ.

## ვითარ სიმფონია

შენი ღიმილი რომ თავს მევლება,  
შენსკენ გზას მიკვალავს, ის ფონია...  
წლებს რომ, მძიმე-მძიმედ, ჩამომაცლის  
და მალეღვებს, ვითარ — სიმფონია.

გულს რომ, ნაწილ-ნაწილ, გაამთელებს  
შენი შემოხედვა, — ედემია...  
როცა, ვერ გხედავ, აწვიმს თელებს,  
ფიქრები კი ღრუბლებს ცაში ედებიან.

შენით ვივსებ, მუდამ, იმედს — უღევს,  
ქარმა ფანტა, რაც კი ურვებია,  
შენი ხმა, როდესაც ჩამჩურჩულებს,  
ვგრძნობ, — გაზაფხულივით მწყურებია.







შოთა რაინაული



### წიგნი და ადამიანი

დანამდვილებით არც არავინ იცის, როდის დაიწყო დაშორება წიგნსა და ადამიანს შორის, რომელიც აჩქარების ახალ-ახალ სტიმულებს იღებს სხვადასხვა თანამედროვე მოვლენებიდან და ასევე პროგრესულად გაუფასურებადი „ტექნიკის სასწაულებისგან“, რომლებიც დილის გაოცებიდან საღამოს უკვე გახუნებულია, თუმცა მათ გარეშე არსებობაც კი აღარ შეგვიძლია. ეს დაშორება უკვე საბედისწერო ხდება ადამიანის ემოციების ჩამოყალიბებისათვის.

როგორც ჩანს, დღევანდელობაში, წიგნსა და თანამედროვე ტექნოლოგიებს შორის არსებული დაძაბული კონკურენცია დასასრულს მიუახლოვდა და „ფინიშიც“ გადალახულია. ადამიანებმა და განსაკუთრებით ახალგაზრდებმა მიატოვეს წიგნები, მათ დაავიწყდათ იმ გრძნობის შესახებ, რომელიც შეიძლება მოგანიჭოს პირველად წაკითხული საინტერესო წიგნის უბრალო სტრიქონებმაც კი. წამოიზარდა ერთი დიდი, სიზარმაცისა და პრიმიტიულობის ცუნამი, რომელიც თანამედროვეობის ნიაგმა გამოიწვია და დაფარა ოცნებით სავსე ღრმა სამყარო.

### ახალი იდეების სათავე

თუ ჩვენი სიცოცხლე გასტანს თუნდაც მილიონი წელიწადი, მაშინ მიგვიღწევია კიდევ სანატრელი უსასრულობის საზღვრებისათვის. იმ შემთხვევაში, თუ უსასრულობა-სასრულობის პრობლემა შეგვანუხებს, მაშინ ცაში ახედვა და ვარსკვლავების ყურება მოგვინებს ძალიან დიდი ხანი, რადგან ამ კითხვაზე პასუხს, ალბათ, ვარსკვლავებისა და გალაქტიკების მოძრაობაში თუ ვიპოვით. ისინი მილიარდობით, და კიდევ, ჩვენი პირობითი საზომი ერთეულების გამანზილებელი რაოდენობით გაბნეულაიმსივრცეში, რომლის არსიჯერაცვერაუხსნიათმეცნიერებს. ასე, რომ ჩვენს გარშემოყველას აქვს შესაძლებლობა, პირველი იყოს ინოვაციური იდეის შემუშავებაში. მთელი ფილოსოფია იმაშია, რომ არაპროფესიონალის თვალთ დახახული ეს საინტერესო მოვლენები, არაპროფესიონალურად ან სამოყვარულო დონეზე გაგებული და ახსნილი, ახალი იდეების სათავედ შეიძლება იქცეს.





თინათინ მრელაშვილი



ქმნის უკვდავებას...

ენა კაზმული, ენა ქართული,  
სიტყვა რუსთველის — სიბრძნით განთქმული...

გზა — დიდ ილიას მცნება და თქმული,  
ზედ სიდიადე და მზე დართული...

ბუნების ხიბლის ხედვა — ვაჟათი  
და... წინაპართა ჩვევა, ადათი...

მზე — მომავლისა და მზე წარსულის,  
ქმნის უკვდავებას — ჩემი მამულის...

ჩემი მამული...

მთების მიღმა მიმალულან ღრუბლები,  
კაბად — ზეცას საფირონი აცვია,  
ველ-მინდორი, ოქროთ ნასვირინგები,  
მოუხატავს ზურმუხტის ნაზ არშიას...

მთათა რიგი, — ქარავანთა სადარი,  
კლდეთა ნაპრალს — ბროლი დაჰკიდებია...  
მწუხრის ქურქს, რომ წამოისხამს მთა-ბარი,  
ფარაონთა, თითქოს, აკლდამებია...

ეს მამული — საოცარი რამ არის,  
ქართველთათვის, სალოცავი ხატია,  
მზე-გვირგვინი დავითის და თამარის,  
მზენარსულის შარავანდად ანთია...

თელავს...

მზის ამოსვლის საოცრებას  
ნადიკვრიდან ვუცქერი,  
მიფერადებს ლალ ოცნებას  
ტრფობა შენი უცვლელი...

სხივი ქარგავს მაგ მთა-ველებს,  
ნალკოტს, ზღაპრის სადარის,  
გამკობს... ფიქრის ზღვას აღეღვებს:  
ალაზანიც, ჭადარიც...

გვირგვინს გადგამს — დიადს მზით მჩენს,  
გმირი მეფის სახელი...

სიბრძნეს, მისას, თაყვანსა სცემს,  
მარად, ყველა ქართველი...

ტყის ნალკოტიც, — მთათა მშვენი...  
ხოტბით გეაღერსება  
და... ვით შეძლოს ქება შენი —  
ამ, — პატარა ლექსებმა?..

სიმღერა თელავზე...

თვით მზე, მე, შენით მაცოცხლებს,  
თვალს ალხენ, ხიბლი — ზღვად ლელავს,  
გიქებთ — სვეს, შენს მზით ნაკოცნ წლებს,  
ხატად — შენ გვიცვნიხარ ყველას...

მზე გშვენის ამომავალი,  
მზენარსულის მზით, რომ ელავს,  
სვე-ბედი და მომავალი  
ღმერთმა, სულ, გიბრწყინოს თელავს...

ტყეში ბუღბუღი გალობსო...

ქარის სიმღერა, მთაში და...  
კლდის ქარაფებზე ნამღერი,  
ხევის პირს ჩამოლილინდა,  
წყალს გაატანა ნალველი...

სმენადქვეულ ტყეს ესტუმრა, —  
ტყეც, ხომ სიმღერით ხარობსო?  
— ჩუ, — შეუძახა ტოროლამ, —  
ტყეში ბუღბუღი გალობსო...

მაგრამ...

რომ მითხარი: ველარ ძლებსო გული,  
მანვალესო, მტანჯავს სიყვარული,  
მომეჩვენა — შენი განცდა, მტკნარად,  
არ ვირწმუნე, კარგი, მეთქი, კმარა...

მაგრამ, როცა, ცეცხლისმფრქვევი ფეთქვით,  
მეც მენვია სიყვარულის ღმერთი,  
ტრფობის ცეცხლი გულს რომ მოეძალა,  
მიგიხვდი... ვთქვი: ღმერთო, მომეც ძალა...



## თუმც...

თუმც, არად სცნობ ჩემს ტრფობას და...  
 გულს მიკიდებ ალს,  
 სხვისკენ ილტვი, გამირბიხარ  
 და... მარიდებ თვალს...  
 დამიჯერე, ტრფობისათვის,  
 მე, არ ვითხოვ ვალს,  
 მწყურვალს გნახავ? — თვით მწყურვალიც —  
 შენ მოგართმევ წყალს...

## ვითარც ხანძარი...

აინთო, ასხივდა, აბრწყინდა ცისკარი,  
 როცა, შენ, პირველად, მიყვარხარ — მითხარი,  
 გულს ისე მოენთო, ვითარცა ხანძარი  
 და სიტყვის სათქმელად, ენა ვერ დავძარი...

## ყველგან, სიზმარშიც, წხადშიც...

როცა ვერ გხედავ, დღე ცრიატდება,  
 სევდა, ნალველი მძალავს,  
 თუმც, გულს არ ვიტყვ, ეჭვი მიჩნდება,  
 ხვალისთვის ვიკრებ ძალას...

შენზე ფიქრებით მზე მესახება:  
 თოვლშიც, წვიმაშიც, ქარშიც  
 და... ეს ფიქრები, სულ თან დამყვება,  
 ყველგან, სიზმარშიც, ცხადშიც...

## სვედ შენი ტრფობა დამნინდება...

თუმც — მზე დაისის ჩასვლას იჩქარის,  
 და... ღრუბლებს ცეცხლი ნაჰკიდებია,  
 იმედით, ისევ ბრწყინავს ცისკარი...  
 სვედ — შენი ტრფობა დამნინდება...

## შენი მოფერება მენატრება...

წლები წყაროსავით რბის და ქრება...  
 თმებში შეპარულა ზამთრის ჭირხლი,  
 შენი მოფერება მენატრება  
 და, ამ, შეხვედრამდე წუთებს ვითვლი...

## ძვირფასო...

ლოდინი... ლოდინი... ლოდინი...  
 დროს — ველარაფერი კლავს...

ფიქრები... ფიქრები... ფიქრები...  
 ფიქრები მართმევენ თავს...

ხან, — აზვირთებიან ტალღებად,  
 ხან, — არც გამოსცემენ ჩქამს...

მე, მაინც, სულ შენზე ვოცნებობ,  
 გულში ეჭვს არ ვივლებ, — ავს...

მსურს: ერთად რომ ვიყოთ, ძვირფასო, —  
 ყოველ დღეს, წუთსა და წამს...

## თუ, ჩემთან იქნები...

ივნისის საღამო... მდელი... ჩვენ... მზე... კორდი,  
 მე, გული მიგრძნობდა, დღეს რომ შეგხვდებოდი...

გიმზერდი, ელავდა სხივების კოჰორტა  
 და... შენი ჩურჩული, ქარს ჩემთან მოჰქონდა:

ამბობდი: ოცნების ზღვაა და ფიქრები,  
 მზესაც ხელს შევანვდენ, თუ, ჩემთან იქნები...

## მიყვარხარ...

მიყვარხარ... მიყვარხარ... მიყვარხარ, —  
 ერთურთს ვითავისებთ ჩვენ...  
 გაზაფხულს დავყვებით კვალდაკვალ,  
 სიო, ტყის სიგრილეს გვფენს, —

კვირტების სურნელი გვათრობს... და  
 სხივით გვანებივრებს მზეც,  
 მსურს, რომ არ დასრულდეს, ნატვრად მაქვს,  
 ეს, მართლაც, ზღაპრული დღე...

## რად იგვიანებ, კარგო, ნეტავ, რად?!

თოვს და მიმშვიდებს ფიქრებს ნეტარად,  
 რად იგვიანებ, კარგო, ნეტავ რად?!

ფიქრიც და ფიფქიც ნაზად ეღვარებს,  
 ველტვი, როდესაც ლამაზ მწვერვალებს...

სულს და გულს ვუძღვნი, როდესაც ფიქრებს,  
 ვჩქარობ შენს ნახვას, — შენც ჩქარობ, იქნებ?..

და... გეტყვი ამბებს, მთქმელს, ბევრ რამისას,  
 არ — ზღაპარს, — ათას ერთი ლამისას...

გნატრობ და განცდით მენვის ღანვები,  
 მე, შენთან ყოფნით, ცა — მზეს ავწვდები...

## ყოველ წუთს და წამს ვლოჯავ...

გული გაფრენას ღამობს,  
 გული სიხარულს ელტვის,  
 გული შეხვედრას ჩქარობს,  
 სათქმელს ვესწრაფვი შენთვის...

მაგრამ, შეხვედრის უმალ, —  
 ფიქრი აწყდება სარკმელს  
 და... მავინყდება, თუ, რამ,  
 მნადდა, ვფიქრობდი სათქმელს...

დრო მიზოზინობს, ცოცავს,  
 შენთან არა ვარ, როცა, —  
 მაგრამ, ერთად ვართ — როცა, —  
 ყოველ წუთს და წამს ვლოცავ...



## მწამხარ...

ფიქრთა, ჩემთა, მწვერვალი ხარ, —  
სიტყვით, საქმით, მზეგულით,  
მწამხარ... მწამხარ... ისე მწამხარ:  
რომ სიცოცხლედ მეგულივი...

## წელო, ახალო!..

წელო ახალო, წელო ახალო,  
ახალ წელს, ნეტავ, რა გსურს მახარო?..  
მსურს ამიხდინო, ზე-სვით, ფარული  
და... გამიბრწყინო მზე, — სიყვარულის...

## ღამე უნეტარესი...

ალხენს გულებს, არხევს სიმებს,  
სიყვარულით ნათრობს,  
ბედი, მუდამ, ციაგებდეს  
ჩვენს სიყვარულს, — ნათრთოლს...

ღამე, — უნეტარესი, მე,  
ქვეყნად, სხვა, არ მახსოვს,  
შენი სუნთქვა — მიაღერებს,  
შენი სუნთქვა — მათრობს...

## იმედით წოცხლობსო ყველა...

გელოდი, გელოდი, გელოდი მთელი დღე,  
რატომ არ მოხვედი, — რატომ?!  
დაისმა შეცვალა ზაფხულის მწველი მზე,  
ვდგავარ მონყენილი, მარტო...

ხვალ, მაინც, ხომ მოხვალ? —  
სახლში ვბრუნდები და... აღმართს მივუყვები ნელა,  
ხომ გაგიგონია: ბრძენთა — ბრძულ თქმებიდან,  
იმედით ცოცხლობსო ყველა...

## ნეტავ შემეძლოს...

ნეტავ, შემეძლოს — დროის, წლების უკან დანევა,  
შენ, რომ მეპოვნე ჭაბუკი და თავისუფალი,  
მაშინ, ხომ, ჩვენს ბედს, ავი ძალღიჯ ველარ დაჰყეფდა,  
ჩვენ ვიქნებოდით ერთმანეთის — სვე და უფალი...

## ფიქრი რბის...

ფიქრი რბის, ფიქრი რბის, ფიქრი რბის ნელ-ნელა,  
მაგრამ — ოცნებისთვის, წამიც კი მენელა...  
შენც იცი, — ამ, ტრფობას, რომ დავთმო, მე ძნელად, —  
მე სხვა სიყვარული, — ფიქრშიაც მეძნელა...

## სურათი...

ალაზანთან, ცისარტყელა იხატება ცაზე,  
მიიწნევა ღრუბლის ფთილაც, წვიმით ჯიქანსავსე...  
შორს გავცქერით ნადიკვრიდან, მთების კალთებს ნამზევთ,  
მდელოს, კორდებს და ჭიუხებს, — სიყვარულით ნამზერთ...

## გამოიდარა...

გამოიდარა, ჩემს გულშიაც გამოიდარა,  
გულს ანეტარებს, ახალისებს, ეს, — მზე — ბრდღვილა,  
ამ სიყვარულმა დრო და ხანი გამოიარა,  
გულს მესალბუნა, მომიშუშა ყველა იარა...

## სონეტი I

ვიცი, ძვირფასო, როგორც მე — შენც, ისე მომელტვი  
და... მჯერა — ვიცი, ჩვენს გულებში სიყვარულია,  
მას ვერ-რა შეცვლის: სხვათა ტრფობა, მიეთ-მოეთი,  
ამ სიყვარულთან, სხვათა ლტოლვა განწირულია...

როცა შენ გიმზერ, გულში ასი ვარდი მაისობს,  
მაგ თვალთა სითბო, მზის სხივებით მოხატულია,





და... წამთა სრბოლას, შენკენ, გული, მაინც, თავისობს,  
შენი ალერსის, შენთან ყოფნის მონატრულია...

როცა ერთად ვართ, ჩემთვის მზე და გაზაფხულია,  
თუ, შენთან არ ვარ, ფიქრი, სევდის შიგან რგულია,  
ვარ უსასოოდ, ის დღე, ჩემთვის, დაკარგულია,  
მზეც აღარ მზეობს, მზეც ღრუბლებში მიმაღულია...

მე — სუნთქვად მიღირს: შენი ტრფობა გულისგულია,  
ამ გულის ნატვრა, მხოლოდ, შენი სიყვარულია...

## სონეტი II

სიო, ვით ველს ათრთოლებს, იის ნაზი სურნელით,  
შემეპარა მეც ტრფობა, ტრფობა, — ვით უკურნელი...  
თვალს, როგორც კი მოვხუჭავ, შენ სხივდები ხატებად  
და ის ჩვენი შეხვედრა, თვალწინ, კვლავ მეხატება:

მთა-გორების სიმრავლე... მთას დაკიდული გზები...  
თვალს ველარ გაცილებ და... ამ სიყვარულით ვთვრები...  
მსურს, რომ წუთით შეჩერდეს, დრო... და წამთა ტრიალი,  
მსურს, რომ ქვეყანამაც სცნოს, გულთა ჩვენთა ტრფიალი...

გული ტრფობას ვერ იტევს, გული ტრფობით ცახცახებს,  
მინდა, მუდამ ტყვედ ვყავდე, მაგ შენს მკლავთა არტახებს...  
ცა, უღრუბლოც სარკისებრ, მზით ელვარებს, კამკამებს,  
ვერასდროს დავივიწყებ, ამ წუთებს და ამ წამებს...

თან მდევს, ანდამატივით, ხიბლი — ამ მთის, ამ გორის,  
სიტკბო შემომრჩენია, ტუჩთა შენთა ამბორის...





ზიზო ბურდული



ზიზო ბურდული დაიბადა 1965 წლის 2 ნოემბერს წითელწყაროს რაიონის სოფელ არხილოსკალოში. დაამთავრა თბილისის ი. გოგებაშვილის სახელობის სახელმწიფო პედაგოგიური სასწავლებელი. 1991-1993 წლებში მუშაობდა დუშეთის რაიონის სოფელ ბარისახოს სკოლა-ინტერნატში აღმზრდელ-მასწავლებლად; 1993-2013 წლებში — დედოფლისწყაროს რაიონის სოფელ ფიროსმანის საჯარო სკოლაში ქართული ენისა და ლიტერატურის მასწავლებლად. 2013 წლიდან დღემდე არის სოფელ არხილოსკალოს ბაგა-ბალის დირექტორი.

ჟურნალ „ოლე“-ს მკითხველს ვთავაზობთ რამდენიმე ჩანახატსა და ლექსს ზიზო ბურდულის 2015 წელს გამოცემული წიგნიდან „ზეცის ბილიკზე“.

მზექალა ჭინჭარაული

სახლის წინ, სამფეხა სკამზე იჯდა მზექალა ჭინჭარაული და გადათოვლილ, ამჯერად უკვე მზისგან ნაალერსალ ბარისახოს გადაჰყურებდა.

იჯდა, კალთაში ჩავლილ დღეთა მოგონებები ესხდნენ. ეფერებოდა მათ და მზეზე თბებოდა.

დაბლა ჭრელი წინდები ეწყო, მაგრამ აღარ კერავდა. გვერდით საბურნუთე კოლოფი ედგა, თვალეში — უნაპირო სევდა.

ფეხებთან ნებიერად მიწოლილი ლეგა კატა კრუტუნებდა.

მდუმარებდნენ მრავლისმნახველი, მჭვარტლიანი კედლები და ძველებური, ხევსურული სახლის ნაჩუქურთმევი აივანს რატომღაც თვალზე ცრემლი უბრწყინავდა.

სოფელი მდუმარებდა.

კუდიანი დედაბრისგან გაქვავებულ ქალწულს ჰგავდა ბარისახო.

აქა-იქა მზის ამბორით გულაჩუყებული თოვლი ქვითინებდა.

ჭორიკანა ნიავი ახალ ამბებს აგროვებდა.

მარტოობით გაბეზრებული გზა მგზავრს უცდიდა.

ნისლი ცის დიდრონ, ნამიან თვალეში აწენილ თმებს ისწორებდა.

არაგვი გაზაფხულის მოლოდინში სამიჯნურო ლექსებს თხზავდა.

მზექალა თავის ფიქრებს მიჰყვებოდა.

თვალი მიელულა და წლების მიღმა ვილაცას თუ რაღაცას უღიმოდა.

დაუდევარ ბალღივით გარბოდა მის თვალწინ გარდასული.

ჰა, აგერ მოწმამო დაილანდა.

ქალაში ყვავილები აციმციმდნენ.

მთებმა განზე გაიწიეს და ბილიკმა ტანლერწამა ქალი დაიმშვენა.

ყვავილებმა ფეხზე ამბორი გაუბედეს.

ქარმა შუბლზე მოკლედ შეკრეჭილი, მზისფერი თმები აუნუნა.

ხეებმა ხელის შემოხვევა სცადეს.

არაგვი ხოტბად დაიღვარა მისი შემხედვარე.

ქალი მიდიოდა.

მოწმამო ეძახდა, მაგრამ მოწმამოს ეუარა და ბარისახო და ბერლოჯანათ ბან-კარი ამჯობინა.

აქ შეხვდა მის წილ გაზაფხულებს.

აქვე უზამთრდება.

მერე...

ფიქრი სახურავიდან ჩამონადენმა წყლის ხმაურმა გაუნყვიტა.

გამოერკვა.

თვალზე ხელი ჩამოისვა.

მიიხედ-მოიხედა.

ყველაფერი დუმდა ისევ ძველებურად.

ყველაფერი...

ჭრელ წინდას მისწვდა საკერავად, მაგრამ გული გაუჯავრდა.

წინდა ისევ გვერდზე გადადო და თვალი სივრცეს გაუშტერა.

შორეთს გახედა.

გზასაც.

არა, არავის ელოდა, ისე...

თვალი ისევ მილულა და...

იჯდა სახლის წინ, სამფეხა სკამზე მზექალა ჭინჭარაული და თავის ქალობინდელ მოგონებებს უღიმოდა.



ვდგავარ სახლის წინ, ახლად თვალგახელილ ია-  
იებში და ფიქრიანად გავცქერ შორეთს.  
შენ აყვავებულ დგნალის რტოებით ხელში თავქვე  
მოუყვები გაზაფხულის მზის ამბორით განაზებულ  
ბილიკს.

მე ვერ გამჩნევ...  
ან იქნებ განგებაც აგარიდე თვალი...  
შენ...

გრილი სიო გახურებულ შუბლსა და ბრაზისგან  
აღწილ სახეს გიკოცნის თანაგრძნობით.

ჩემს უგულობაზე გამწყრალი მზე მთებს ეფარება.  
დღე მთავრდება შენზე დარდით და ბარისახო  
მრუმე თაღხით იმოსება.

შენ ნაბიჯს უჩქარებ და არცთუ უმიზეზოდ  
იბოლმები.

### თეთრ თოვაში

თეთრ თოვაში, თეთრ ბილიკებს მარტო შევრჩი,  
თავს მხოლოდღა თეთრი დარდი დამტრიალებს,  
საგუნდაოდ ყმანვილივით გული მერჩის  
და წლებს ხელში უხერხულად ვატრიალებ.

თვალს ჩავუკრავ თეთრად მზირალ თოვლის პაპას  
და ბაღლების ჟრიაშიული გამაცილებს,  
ჩავლილი და ჩავლილ დღეთა ჩუმი ნატვრა,  
თეთრ ღამეში თეთრადაც არ დამაძინებს.

რა ვქნა, როგორ არ გათავდა თეთრი დარდი,  
რა ვქნა, როგორ არ თავდება გზაი ესე,  
მერამდენედ ბინდისფერად ჩამოვლამდი,  
მერამდენედ მზეს ღიმილი დავესესხე.

მერამდენედ ვეუარე ნანატრ მზერას,  
მერამდენედ გამოვექეცე ქარის ამბორს...  
ჩემგან სადღაც შორს წასული ბედისწერა,  
აღმა-დაღმა არხეინად დანავარდობს.

თეთრ თოვაში თეთრ ბილიკზე მარტო დავრჩი,  
თავს მხოლოდღა თეთრი დარდი დამტრიალებს,  
საგუნდაოდ ძველებურად გული მერჩის  
და წლებს ხელში უხერხულად ვატრიალებ.

### შემოდგომა

*ლევან ალავერდაშვილს*

დღეს ფოთოლცვენა ისე დიადობს...  
დგას შემოდგომა გრილი და ჩუმი...  
ჩამოიხედე სულში, წყვდიადო,  
და შემოდგომის გადაჰყევ დუმილს.

მე უშენოდაც მგვემენ ქარები  
და სიცოცხლისას ვერ ვიკლავ წყურვილს,  
დანისლულია ცრემლით თვალები,  
დაბზარულია კედლები სულის.

დაჰქრის ველური ლექსების ჯოგი,  
ზოგი უმიზნოდ გრიგალებს უხმოზს,

გრილი სიო ჩემს ჯინაზე, ჩემს თვალწინ ურცხვად  
გეხვევა და გეფერება. არც შენ უშლი.

ალბათ ფიქრობ, მე ეჭვიანობა არ ვიცი, ანდა  
შენზე არ ვიეჭვიანებ, რადგან არათუ არ გეტრფი,  
ვერც კი გამჩნევ.

მიდიხარ და მტკივნეულად მიგაქვს ჩემი შორეთს  
მიქცეული მზერა და უნუგემო — „იქნებ“...

მე კი... ვდგავარ სახლის წინ, ახლად ამოფეთქილ  
ია-იებში და ძლივს ვიკავებ ბაგეზე შენს ძვირფას  
სახელს.

ვინ გეტყვის, თორემ... სწორედ შენ ილანდები  
ახლა ჩემს ფიქრიან, უსასრულო შორეთს მიციებულ  
მზერაში.

თუ ეს სიშლეგე დღეს ღიმილს მოგგვრის,  
ხვალ უსათუოდ გატირებს უხმოდ.

დღეს ფოთოლცვენა ისე დიადობს...  
დგას შემოდგომა გრილი და ჩუმი...  
მე ესეც მომკლავს, წადი, წყვდიადო,  
და მოწყენისფერს გადაჰყევ დუმილს.

### წვიმა

იფიქრებს ბევრს და წამოვა ზეცით,  
რა, რა აცელქებს არც თვითონ იცის,  
ნაბიჯით კოჭლით, თვალეზით ბეცით,  
გადმოაბიჯებს ღრუბლების სიცილს.

აახმაურებს სახლებს და ქუჩებს,  
გადაელვრება მზის ღიმილს დარდად,  
და მოლოდინებს რომ გადაურჩეს,  
დავლურს დაუვლის ასფალტზე მარდად.

აუცეკვდება კაემანს უღევს,  
აცახცახებულ ხელჯოხით ხელში,  
და ქარს, ისედაც საწყალს და სულელს,  
ერთი შეხედვით ჭკუიდან შეშლის.

და როცა დაღლის გიჟური როკვა,  
მოისაკლისებს ძველ ყოფას მყისვე...  
თებრონესავით შეიდგამს კოკას  
მხარზე და ცისკენ გაუტევეს ისევე.

### სიყვარული

ჩუმად ვაკოცე ბუჩქებს შეხიზნულ  
იას, და თავზე რისხვა დამატყდა,  
გვირილამ ყურში წამავლო ხელი  
და გვარიანი სილა გამარტყა.

გაოგნებული ვიდექი ერთხანს,  
და ფარულ სევდის ალით ვინვოდი...  
თეთრ გვირილას თუ ია უყვარდა,  
მე რა ვიცოდი... მე რა ვიცოდი...





ეკატერინა ხუციშვილი



75 წლისა შესრულდა პოეტი ეკატერინა ხუციშვილი.  
 ქალბატონო ეკატერინა!  
 მწერალთა ასოციაცია „ლიტერატურული კახეთი“, თქვენი მეგობარი მწერლები დიდი სიყვარულით მოგესალმებიან და გილოცავენ დაბადების 75-ე წლისთავს.  
 თქვენს მიერ განვლილი ცხოვრებისეული და შემოქმედებითი გზა ერთი ღირსეული მაგალითია იმისა, თუ, როგორ უნდა ემსახურო ქვეყანას.  
 გამოცემული გაქვთ ლექსების კრებული „იყალბოს მძივები“, სადაც უმღერით ისტორიულ სოფელ — იყალბოს და თავს ინონებთ უძველესი აკადემიით.  
 მთელი თქვენი შეგნებული ცხოვრება ბავშვების სიყვარულითაა გასხივოსნებული, რომელთა აღზრდასაც უდიდესი ენერჯია შეაღიეთ.  
 ქალბატონო ეკატერინა!  
 გისურვებთ დიდხანს სიცოცხლეს, ჯანმრთელობას, სულიერ მხნეობასა და ახალ წარმატებებს.

მწერალთა ასოციაცია „ლიტერატურული კახეთი“

დედაენას

ნიგნო ძლიერო,  
 იავნანასთან ერთად დაბადებულო,  
 ანბანო ჩემო,  
 მოხაზულობის სილამაზით სულს ჩახატულო,  
 ქართული ენის უკვდავებავ,  
 ერის დიდებავ,  
 ნიგნო ღვთაებავ,  
 ენის ძეგლად მტკვრის ნაპირას ნამომართულო,  
 ქართველის გულში ანთებულო წმინდა ლამპარო,  
 შენს უკვდავებას მუხლს მოვუყრით,  
 შევთხოვთ უფალსა!

რის გახსნა

ჩემთვის ცა გაიხსნა ნოემბრის ერთ დილას  
 უფალმა მაჩუქა დედობა ნანატრი...  
 უფალმა მაჩუქა ნანატრი — ვაჟკაცი, —  
 გავზარდე ფერებით და იავნანათი.  
 ვასწავლე, სამშობლოს რომ მოფერებოდა,  
 ენა — ქართული და რწმენა თუ ღირსება,  
 ახლა, რომ ვუცქერი, — ვლოცავ და ვნატრულობ,  
 და გულიც იმ ძველი, სითბოთი ივსება..

ქართული ენა

ქართული სული, ქართული გული  
 შემოგვინახა ენამ ქართულმა,  
 თუ გინდა დატკბე ჰანგით ლამაზით  
 უნდა იკითხო წიგნი — ქართულად...

ქართული ენა, რუსთველის ენა,  
 სიყვარულის და ღირსების ენა,  
 ღმერთო მაღალო, აცოცხლე დიდხანს, —  
 ვიდრე იქნება სიცოცხლე ქვეყნად...

მონატრება

ჩემი რუისპირი მომენატრა,  
 ჩემი სკოლა და მამის სახლი,  
 სოფლის — ის ბილიკიც მომენატრა, —  
 ფეხშიშველა რომ ვტანტალებდი.

ჩემი სახლის ეზო მომენატრა,  
 ხასხასა, მწვანით დაფენილი  
 და გაზაფხულის ბრწყინვალეებით  
 ხეები ფიფქით დაბარდნილი...

ტყემლის ყვავილების რია-რია,  
 ატმები, — ვარდისფრად აფეთქილი  
 და... ჩემი გულის ბათქაბუთქი, —  
 ვაზის ტირილში ჩაფერფილი...

ჩემი რუისპირი მომენატრა, —  
 ფეხშიშველა რომ ვტანტალებდი...







ოთარ ხუციშვილი



დიდი პოეტი პატარა „ტაიმსელათან“

გასული საუკუნის სამოციან წლებში გამომა-  
ვალ სარაიონთამორისო გაზეთ „სამგორის“ რე-  
დაქციასთან, რომელსაც საზოგადოებისთვის  
კარგად ცნობილი პოეტი სილოვან ნარიმანიძე  
ათეულობით წლების მანძილზე რედაქტორობ-  
და, ყმანვილკაცობის წლები მაკავშირებს. მაშინ  
მე, ჯერ კიდევ შეუბუმბულავ ჟურნალისტს და  
სხვა თანამოკალმეთაც, რომელთაგან ზოგი უკვე  
ცნობილი პოეტი თუ პროზაიკოსი იყო, რედაქტო-  
რი დაბოხებული ხმით გველაპარაკებოდა და რა-  
ტომღაც ვფიქრობდით, რომ ის გიორგი ლეონი-  
ძეს ჰბაძავდა. ასეთ მიმბაძველობაში, რა თქმა უნ-  
და, ცუდი არაფერი იყო, მაგრამ, როგორც ჩანს,  
ვცდებოდით. ცხოვრებაგამოვლილი სილოვანი  
სიცოცხლის ბოლომდე ბუხუნებდა და ზოგ-ზოგ-  
თა დაუოკებელი სიხარბის გამო (პოეტის თქმით,  
მათ „თავისთვის განიკუთვნეს ამა სოფლის სია-  
მენი და მოძმენი განირეს“) ხშირად ბრაზობდა და  
მათი მისამართით ავსიტყვაობდა კიდევც.

რადგან გიორგი ლეონიძე ვახსენე, არ შემიძ-  
ლია, არ გავიხსენო ის თბილი და გულითადი გა-  
მორჩეული ურთიერთობა, რაც მაშინდელ „სამ-  
გორის“ რედაქციის ჟურნალისტებსა და დიდ  
პოეტს შორის არსებობდა. სილოვან ნარიმანიძის  
წყალობით, რომელთანაც გიორგი ლეონიძეს შე-  
მოქმედებითი ძმობა და მეგობრობა აკავშირებ-  
და (გოგლა სილოვანს თავის ბოკვრად თვლიდა),  
მგოსანი ჩვენს რედაქციას ხშირად სტუმრობდა.

ამოიბრუნდა იმხანად უკვე ჭარმაგი პოეტი  
კიბეს (კიბეზე ნელა ასვლა არ სჩვეოდა. ეტყობა  
ამაშიც იყო რაღაც პოეტური, მხოლოდ გოგლას-  
თვის დამახასიათებელი), შემოხსნიდა რედაქცი-  
ის კარს და თავად მზითა დ სიყვარულით სავსე,  
ჩვენც მამულიშვილური და კაცთმოყვარული  
იდეებით დაგვემოდღვრავდა.

— გამარჯობათ „ლოჭინოტაიმსელებო“  
(ჩვენს გაზეთს ხუმრობით, „ლოჭინოტაიმსს“  
ეძახდა)! — იტყოდა პოეტი, მერე სათითაოდ  
ხელს ჩამოგვართმევდა, შინაურულად მოგვი-  
კითხავდა, ნანერ-ნალვანს შეგვიქებდა და რედაქ-  
ტორსაც „გაკენწლავდა“: ყოჩაღ სილოვან, ეს რა



ტალიკ-ტალიკი (ეს სიტყვა გამორჩეულად უყვარ-  
და) ბიჭებისთვის მოგიყრია თავიო. ჩვენ, პატარა  
„ტაიმსის“ წვრილფეხა ჟურნალისტები და მწერ-  
ლები (იმხანად რედაქციაში მუშაობდნენ პრო-  
ზაიკოსები — გიორგი პაპუაშვილი, სოლომონ  
დემურხანაშვილი, გურამ ბათიაშვილი, ჰენრი კო-  
ბიძე, პოეტები — გივი ძნელაძე, გივი შეყილაძე,  
ოთარ შალამბერიძე, ნუგზარ ჭანტურია, ნოდარ  
ნარსია, უშანგი ბეღია და სხვები) გაკვირვებუ-  
ლიც ვიყავით და აღფრთოვანებულიც — ამხელა  
პოეტი და ერისკაცი ასე ძმაკაცურად რომ გველა-  
პარაკებოდა.

ისე, სილოვანის ხელში პურ-მარილი არ გვაკ-  
ლდა და თუ გიორგი ლეონიძესაც დავპატიჟებ-  
დით, მგოსანი არც ამაზე გვეუბნებოდა უარს.  
წამოგვეყვებოდა, თვითონაც მამაპაპურად მო-  
ილხენდა და ჩვენც ზეციურ მადლსა გვწევდა.  
ერთხელ, გიორგი პაპუაშვილმა, რომელიც გოგ-  
ლასთან ძალზე შინაურულად იყო, ოჯახში მიგვი-  
პატიჟა. თავანკარა კახურმა და შემწვარმა ინდა-  
ურმა, რომელიც პოეტს განსაკუთრებულად უყ-  
ვარდა, გიორგი ლეონიძე ისე გაახალისა, სადღეგ-  
რძელოებში სულ ვარსკვლავებს წყვეტდა.

ყურებდაცქვეტილნი ვისმენდით, გვინდოდა  
ყველა სიტყვა ჩაგვეყლაპა და დაგვემახსოვრე-  
ბინა. ასეთ სიტუაციაში თავი ვერ შევიკავე, ეს რა  
ღვთისნიერი თამადა გვეყავს-მეთქი, გადავულა-  
პარაკე გვერდით მჯდომ ჰენრი კობიძეს. პოეტმა  
იფიქრა, არ მისმენენო და დაგვტუქსა: თუ ჩემი  
თამადობა არ მოგნონთ, მობრძანდით და თქვენ  
ითამადეთო. ესა თქვა, სადღეგრძელო შეწყვიტა  
და სკამზე მოსხლეტით დაეშვა.



მე და ჰენრის პირკატა გვეცა, სასწრაფოდ ნა-  
მოვხტით და მოვუბოდიშეთ. სიტყვა დამთავრე-  
ბული არ გვექონდა, რომ ტანბრგე პოეტი კვლავ  
ფეხზე იდგა. დასხედითო, დაგვამშვიდა, მე ის  
კაცი არა ვარ, ვინც თამადობას ასე იოლად შეე-  
ლევავო, თქვა და დამაჯერებლობისთვის თავისი  
მოთხრობის გმირი ღვინჯუა დაიმონმა, რომელიც  
გამორჩენილი საყველანმინდიოს სათქმელად

მასპინძლის ოჯახს უკვე შუაგზაგავლილი მოუტ-  
რიალდა.

იმ საღამოს საყვარელ პოეტთან ნადიმი გვი-  
ანობამდე გაგრძელდა, მით უფრო, რომ სიტყ-  
ვამჭევრ თამადას ტრადიციული, მამაპაპური  
სადღეგრძელოებიდან არც ერთი არ გამორჩენია  
და არც დავინწყებული საყველანმინდიოს სათქმე-  
ლად მობრუნებულა შუა გზიდან...

## იყალთოელი ბიჭები

იყო ერთი იყალთოელი პოეტი — არჩილ შიმ-  
მანაშვილი, აცხონოს ღმერთმა, მშობლიური სო-  
ფელივით კოპნია და თავანკარა პოეზია ჰქონდა.

ერთხელაც „ალაზნის განთიადში“ (მაშინ ამ  
გაზეთში ვმუშაობდი) ცხელ-ცხელი ლექსი მოარ-  
ბენინა. ვიცოდი, ხინკალი უყვარდა და პოეტი იქვე  
ახლოს, რედაქციის მეზობლად მდებარე სასაუზ-  
მეში დავპატიჟე. შუა ხინკალობაში რომ ვიყავით,  
მეუბნება.

— ჩვენებიანთ ლადოს ხომ იცნობ?  
— რომელს, კაცო, ავბენვას? (ლადო მრელამ-  
ვილს მეტსახელად ავბენვას ეძახდნენ).

— ჰო, მაგას, მწერალი რო არი.  
— ისე რა, შორიდან...

პოეტს უღვაშებში ღიმილის ბზარმა გაურბი-  
ნა.

— მე ახლოსა ვარ, — მეუბნება, — მაგრამ  
რად გინდა, ერთხელ ძლივს დამპატიჟა.

— რას ამბობ, კაცო, — გავიკვირვე, — სად  
მოხდა ეს ისტორიული ამბავი?

— დედაქალაქში. კახეთში სულ მე ვეპატიჟე-  
ბი და რა ექნა, მეტი ფული ვერ გაიმეტა და შენი  
არ იყოს, ხინკალზე გადაამატარა.

— იიჰ, — სიტყვა ბანზე ავუგდე, — მწერალს  
ფული ვინ მისცა. მაგაზე არ უნდა დაემდურო.

— არც ვემდური, თვითონ დარჩა მშიერი,  
თორემ...

— როგორ, კაცო, ხინკალი არ უყვარს?

— უყვარს რომელია, მაგრამ ცხელს ვერ ჭამს.

— მერე, სად ეჩქარებოდა, ცოტა შეეცადნა  
მაგ კაიკაცს.

— ვინ აცალა, თორემ, კი.

— რა ვქნა, შენ რა რეზუსებით მელაპარაკები?

— გეტყვი, როგორც იყო.

— მიდი, გარეკე!

— რა, ხინკალი?

— ხინკალს მოეშვი კაცო, იქ რა მოხდა, ისა  
თქვი.

— არაფერიც არ მომხდარა, ლადომ ოცი ხინ-  
კალი მოიტანა და უკანვე გაბრუნდა.

— სადლა მიდიხარ, — ვუთხარი, — მოდი და-  
ვუძაგუნოთ!

— ვიდრე ხინკალი შეცივდება, ბარემ ლუდ-  
საც მოვიტან.

— მერე, არ მოიტანა?

— როგორ არა, მაგრამ ხინკალი უკვე აღარ  
დახვდა.

— კაი მუცელა ყოფილხარ, მაგდენი რამ შე-  
გაჭამა?

— ცივდებოდა და რა მექნა? თანაც ქალაქუ-  
რი ხინკალი, ხომ იცი, ყლუპია და ყლაპი აღარ.

— ლადომ ღვეზელი მიირთვა?

— არა, მეორედ ჩადგა ხინკლის რიგში და ოცი  
კიდევ მოიტანა.

— თვითონაც მაგარი მჭამელი ყოფილა.

— მჭამელი კი არა, მბერავი.

— როგორ თუ მბერავი?

— შეუბერავად ვერ ჭამს, პირი ეწვება.

— ებერნა მერე, შენ რა განაღვლებდა?

— დიდხანს უნდება, თანაც შებერვის დროს  
უღვაშსაც იშველიებს.

— მაგით რისი თქმა გინდა, ხინკალი არ უჭა-  
მია?

— როგორ არა, მაგრამ ვიდრე ამ ბერვა-ბერ-  
ვაში იყო, მე უკვე 15 მოვაყურე...

ეს ამბავი ლადო მრელაშვილს ერთხელ „სა-  
ქართველოს რესპუბლიკაში“ რო გვენვია, შე-  
ვახსენე. მართალიაო, მითხრა, ყველაფერი ზუს-  
ტად ასე მოხდაო. იმ ყურუმსაღმა, ცალკე ხარჯში  
ჩამაგდო და ცალკე კიდევ მშიერი დამტოვაო.

— ამდგარიყავი და შენც მესამეჯერ მიგეტა-  
ნა ი ხინკალი, — შევაპარე.

— ჰო მაგრამ, რა გარანტია მქონდა, რომ  
ისიც ცხელი არ გამოდგებოდა? — თქვა და ხინ-  
კალწერწყმოგვრილმა მაღიანად გადაიხარხარა.





სარბიი ჟედი

სერგეი ჟედი დაიბადა 1984 წელს მოსკოვში. 2001-2006 წლებში სწავლობდა რუსეთის საგარეო საქმეთა სამინისტროს მოსკოვის საერთაშორისო ურთიერთობების სახელმწიფო ინსტიტუტში, სპეციალიზაცია — თურქეთი. ინსტიტუტის დამთავრების შემდეგ მუშაობა დაიწყო რუსეთის საგარეო საქმეთა სამინისტროში. 2011 წელს მივლინებით გაგზავნეს ანკარაში (თურქეთის რესპუბლიკა) რუსეთის საელჩოს ატაშედ, სადაც დღემდე მუშაობს.

დამთავრებული აქვს ანდრეი ვორონცოვის ლიტერატურული დაოსტატების დისტანციური კურსები. მოთხრობა „აგენორი“ დაიბეჭდა „Литературная Газета“-ს 2016 წლის 28 იანვრის ნომერში.

აგენორი

შვეულმფრენი ვიბრაციისგან ლაყლაცებდა. ალექსანდრე სამგზავრო სავარძელში იჯდა და ცდილობდა ხელი კაბინის ჭერისთვის მიეჭინა, რადგან ინერციის ძალა სხეულს ერთი მიმართულებით ისროდა. ხმარებისგან ნაპირებშემოძენილი უსაფრთხოების ქამარი კი წელზე მტკივნეულად უჭერდა და სანინალმდეგო მხარეს ექაჩებოდა. ძველი, გაცვეთილი ქამარი ორისამი გაქაჩვის შემდეგ მთლად დუნდებოდა. ალექსანდრე იძულებული იყო ხელი ჭერიდან აეღო და ქამარი მოეჭიმა.

ალექსანდრეს შვეულმფრენი დანახვისთანავე არ მოეწონა. აფრენამდეც კარგად ჩანდა, რომ მისი ადგილი მუზეუმში იყო — სადღაც, ორთქმავლის გვერდით. როდესაც ის კაბინაში ადიოდა, უსაფრთხოების მწვავე შეგრძნებისგან წამით შეეყოვნდა, ხელი ჯიბეში ჩაიყო და თითებით მობილური ტელეფონი ჩაბლუჯა.

ფეხებზე დაიკიდოს კომპანია თავისი ნავთობის ჭაბურღილებითა და პროექტებით? არადა, მაღალი ხელფასებია, შვეულულებისას ორი თვის ხელფასს გიხდიან. შესაძლებლობა გაქვს ყოველწლიურად, კორპორაციული ვიზით, მუქთად მოინახულო მსოფლიოს საუკეთესო და ულამაზესი ადგილები. თითები თავისთავად მოდუნდნენ და მობილურს ჯიბის სიღრმისკენ უბიძგეს.

უკვე ორი საათია ცაში არიან და წელანდელი უეცარი ალელვება ალექსანდრეს უაზრობად აღარ ეჩვენებოდა. მან ივანეს, ჭაბურღილის დირექტორს შეხედა — სწორედ ჭაბურღილის ინსპექტირებისთვის მიფრინავდნენ. ივანეს ასეთი შვეულმფრენებით ბევრჯერ უმგზავრია და მშვიდად იყო.

შვეულმფრენი მაგრად შეირყა.

ალექსანდრემ ენაზე იკბინა და თანმხლებს მიმართა:

— არ გეჩვენებათ, რომ უკანასკნელ წუთებში ვიბრაცია გაძლიერდა?

ივანემ გულგრილად შეათვალა. ახლა იგი ალექსანდრეში ხედავდა შეშინებულ, ფერნასულ, ნერვული კანკალისგან ატანილ ქალაქელ კლერკს, ფსიქოპათსა და აეროფობს.

— ყველაფერი რიგზეა. ერწმუნეთ ჩემს გამოცდილებას, კომფორტულად ვმგზავრობთ, — ივანეს ხმაში იგრძნობოდა ამპარტავნული, მფარველური კილო.

— მე რყევაზე არ ვამბობ, — არ ცხრებოდა ალექსანდრე, — ვიბრაციას ვგულისხმობ.

— რას ამბობთ...

უცებ ხმამაღალი ჯახუნი გაისმა და სალონი წამით სიჩუმემ მოიცვა. რყევა შეწყდა. ალექსანდრემ იგრძნო თავში სისხლი როგორ აუვარდა. პროვინციულ სასტუმროში მირთმეული მწირი საუზმე კი სტომაქიდან გათავისუფლებას ცდილობდა.

შვეულმფრენი მოწყვეტით ჩაქანდა. პილოტების კაბინიდან საქმიანი გადაძახილი მოისმოდა. ალექსანდრემ ნაცნობი სიტყვები გაარჩია:

„...ძრავის გათიშვა...“

„...ავტოროტაცია...“

„...ტაიგა... დაშვება...“

შვეულმფრენის ვარდნას თან ახლდა დაუბრკოლებლად მბრუნავი ფრთების შარიშური. ალექსანდრე, ციციქნა ილუმინატორიდან, მოჯადოებულებით დასცქეროდა საუკუნოვანი ნაძვების თოვლით გადათეთრებულ კენწეროებს. ძალიან მალე მან გაარჩია ტოტები და წინვებიც კი. საზარელი რკინის დანახვით დამფრთხალი პანია ცხოველი ერთ-ერთი ხიდან ძირს გადაეშვა და იმავე წამს ტოტებმა მინა გადაფარეს. გაისმა გრუხუნი, რომელიც გახლეჩილი ლითონის ღრიალში გადაიზარდა. კაბინის კედელი ძლიერი დარტყმებისგან საპნის ბუშტუკებივით იბურცებოდა. უსაფრთხოების ქამარმა ველარ გაუძლო და ალექსანდრე სავარძლიდან ამოვარდა, რათა რკინის მარწუხებს ჩახუტებოდა. კედელი სახიდან მცირე მანძილზედა იყო, როდესაც გონება დაკარგა.

\*\*\*

ალექსანდრე კაშკაშა, თეთრ სიცარიელეში ეკიდა. ირგვლივ ყველაფერი ბრწყინავდა და ერთდროულად



ნააგავდა, როგორც მკვრივ ნისლს, ისე შუშის მქრქალ ზედაპირს. ფეხქვეშ იგრძნობოდა მყარი დასაყრდენი, მაგრამ თვალი მხოლოდ მკვრივ ნისლს არჩევდა. ალექსანდრე ჩაცუცქდა და შეეცადა ხელით შეხებოდა ზედაპირს, მაგრამ ხელები საფეხურებში დაუბრკოლებლად ჩაეფლო. ალექსანდრემ ხელისგული მარცხენა ფეხქვეშ შეაცურა და თითებით ცხადად შეიგრძნო საფეხურების სითბო.

— დღე მშვიდობისა, — ზურგს უკან თავაზიანი ხმა გაისმა. ალექსანდრე შექანდა, წონასწორობა დაკარგა და შორეულ ნათებაში ჩასანთქმელად უსასრულო ვარდნისთვის გაემზადა, მაგრამ გვერდით გადაქანებული სხეულით კვლავ უხილავი სიმყარე შეიგრძნო.

— მომიტევეთ, რომ შეგაშინეთ, მაგრამ თქვენთან გადაუდებელი საქმე გვაქვს.

ალექსანდრე მოტრიალდა. ხმა ახალგაზრდა, მაღალ კაცს ეკუთვნოდა, რომელიც ღია ნაცრისფერ, საქმიან კოსტიუმში იყო გამოწყობილი. ქერა, მოკლედ შეჭრილი თმის ქვემოთ ცისფერ-ლაჟვარდოვანი თვალების მზერა იყო ბასრი, მაგრამ კეთილგანწყობილი. კაცს ლამაზ, ვაჟკაცურ სახეზე საფეთქელიდან ნიკაპამდე არასასიამოვნო, ღრმა ნაიარევი ჩამოსდევდა.

უცნობმა ალექსანდრეს ხელი გაუწოდა და წამოდგომაში შეეშველა. მერე კოსტიუმი შეისწორა, თავი ოდნავ დაუკრა და წარმოუდგა:

— აგენორი.

ალექსანდრემ ხელი თავისდაუნებურად გაუწოდა:

— ალექსანდრე.

— გმადლობ. შენი სახელი ისედაც ვიცი, — აგენორმა ხელი მაგრად ჩამოართვა, თითები ლამის ჰიდრავლიკური წნეხივით მოუჭირა და მხარზე ფაქიზად შეეხო.

— ნავიდეთ, მნიშვნელოვანი საუბარი გველის. გზად ყველაფერს აგისხნი.

ალექსანდრემ მოსაუბრესთან ერთად თეთრი სიცარიელე გაარღვია.

— მაშ ასე, თქვენ ძლიერი ადამიანი ბრძანდებით და ამ სიახლეს ვაჟკაცურად შეხვდებით, — აგენორის ხმა ისე დამამშვიდებლად ჟღერდა, როგორც დედის იავნანა, — თქვენ მოკვდით!

ალექსანდრე შედგა და თანამგზავრს თვალებში შეხედა. მისი ნათქვამი რატომღაც არ შეიცხადა, თუმცა მაშინვე მოგონებები მოაწყდა. შვეულმფრენი, ვარდნა, მოახლოებული რკინის კედელი. მან ღრმად ამოისუნთქა. აგენორმა კვლავ მხარზე მოხვია ხელი და წინ წაიყვანა.

— დიახ, შვეულმფრენი. იცით, თქვენ გაგიმართლათ, — მან მრავალმნიშვნელოვნად გაუღიმა, — თქვენი თანამგზავრი, ივანე, ჯერ კიდევ ცოცხალია. ბიჭებმა მითხრეს, მონაცემთა ბაზის მიხედვით, ის თოთხმეტ საათში სხეულის გადაციებით მოკვდება, — ლოყაზე ნაიარევი შეირხა, — საშინელი სიკვდილია. ერთ-ერთი პილოტი, რომელიც ცოცხალი გადარჩა, მთელი ცხოვრება ხეიბრად დარჩება. მას ველარაფრით დავებმარებით, — აგენორის სახეზე გულწრფელი ნუხილი გამოიხატა, — ნუ, ცხადია, სანამ თავად არ გვეახლება.

საუბრისას შეუმჩნეველად აღმოჩნდნენ პატარა სათავსოში, რომელიც საოფისე ოთახს ნააგავდა. თუმცა, კედლები აქაც თეთრი, მკვრივი ნისლისა იყო, თითქოს

მარმარილოსიაო. ოთახის შუაში იდგა სანერი მაგიდა კომპიუტერთი. წარწერა სისტემურ ბლოკზე იუნყებოდა: **DELL**. აგენორმა ალექსანდრეს განცვიფრებული მზერა დაიჭირა.

— ხო, ჩვენი სიამაყე! უახლესი ტექნიკაა, — მან კომპიუტერს ხელი სიყვარულით მოუთათუნა, მაგიდას შემოუარა და კომპიუტერის მოპირდაპირედ, უზარმაზარ ტყავის ანტიკურ სავარძელში ჩაეშვა. ალექსანდრე კი ხელის მოძრაობით, გვერდით მდგარ, მცირე ზომის სავარძელში ჩასაჯდომად მიიპატიჟა.

აგენორმა ჩვეული მოძრაობით თითი ღილაკს დაანკაპუნა და თქვა:

— პენფესილია, გეთაყვა, ორი ჩაი. სტუმარს ბერგამოტითა და ღიმნით.

ალექსანდრეს არც კი გაჰკვირვებია მისთვის ყველაზე საყვარელი ჩაი რომ შეუკვეთეს. აგენორი სტუმრისკენ შებრუნდა.

— სულ დამავინყდა. ალბათ, ჯერაც ვერ მიხვდით, ვისთან გაქვთ საქმე. — მას ხელში ეჭირა თეთრი, სქელი სავიზიტო ბარათი, რომლის ზედაპირს ამშვენებდა ალექსანდრესთვის ნაკლებად ნაცნობი ასოები: **Агенор**. აგენორმა ბარათი გადააბრუნა და რუსული წარწერა აჩვენა: „აგენორი, მესამე თანრიგის მფარველი ანგელოზი“.

— დიახ, პატივცემულო ალექსანდრე, მე თქვენი მფარველი ანგელოზი ვარ, — ამ სიტყვებზე ანგელოზი ნეტარებით გადანვა სავარძლის საზურგეზე და სახსრები გაატკაცუნა, — თუმცა, სიტყვა თქვენი, ძალიან ხმამაღლა ჟღერს. პერსონალური ანგელოზი მხოლოდ ნამდვილ მქადაგებლებს ეკუთვნით. ასეთი რამ, თვით პრეზიდენტებისთვისაც კი არ არის გათვალისწინებული, — ანგელოზმა თვალი ჩაუკრა, მონიტორს მიაჩერდა და ცხვირში ჩაიბუტბუტა, — საქმე ასეა, მსუბუქი წარკოტიკი, ლოთობა. ჰმ, სტანდარტულია. ოოო! პირველი სამსახურიდან სასტამბო კომპლექსი მოიპარეთ. ეს უკვე ორიგინალურია.

ალექსანდრე განითლდა და ალულლულდა:

— არ მინდოდა...

— ვიცი, ვიცი, — შეანყვეტინა აგენორმა, — კვანტი დაგიდეს, მაგრამ ასე ნუ განიცდით, დოსიეში კარგი საქმეებიც მრავლად გაქვს. თანაც, აქ თქვენს გასამართლებას არ ვაპირებთ.

უცბე, მაგიდასთან მდივანი ქალის თხელი სხეული გაჩნდა. მას ხელში ეჭირა ლანგარი ორი ფინჯნით.

— გმადლობ, საყვარელო, — აგენორმა ფინჯნები ჩამოართვა და მდივანი ქალი სივრცეში განქარდა. ანგელოზმა ჩაი მოსვა და მონიტორი ალექსანდრესკენ ჩააჩოჩა.

— მაშ ასე, აქ რატომ ხართ? — იკითხა აგენორმა, — იცით, თქვენთვის განსაზღვრულ დროს არ მომკვდარხართ, რადგან იძულებითი სიკვდილი დროულად არ ითვლება. როგორც მფარველი ანგელოზი, ვალდებული ვარ გაცნობოთ, რომ თითოეულ ადამიანს შესაძლებლობა აქვს დაუბრუნდეს ცხოვრების იმ საკვანძო მომენტს, რომელმაც მისი სიკვდილი განსაზღვრა. ეს ისეა, კომპიუტერში რომ რაღაც შეინახო.

ალექსანდრემ გაგებით დაუქნია თავი.

— და კიდევ, მინდა გაგაფრთხილოთ, — ნაიარევი სახეზე შეთქმულივით შეტოკდა, — მკვდრეთით აღდგომის შემდეგ აღარაფერი გემახსოვრებათ. „შენახვე-



ბის“ რაოდენობა კი შეზღუდულია.

ალექსანდრემ კვლავ დაუქნია თავი და მონიტორს ჩააცქერდა, სადაც მისი ცხოვრების ამსახველი რამდენიმე ფოტოსურათი გამოჩნდა.

— თქვენ გაქვთ ხუთი საყრდენი წერტილი და შეგიძლიათ ნებისმიერი ამოირჩიოთ, — აგენორმა თითო ეკრანს მიადო და ფოტოების კომენტარებას შეუდგა, — ნუ, სკოლას არ გირჩევთ. რა თქმა უნდა, ქიმიკაში რომ ჩაიჭრათ, ჭაბურღილზე წასვლა აღარ მოგიწევთ, სამაგიეროდ, წარმტაც ცხოვრებისეულ პერსპექტივას უნდა დაემშვიდობოთ.

ერთ ფოტოსურათზე, შიშისგან აცახცახებული ალექსანდრე, სახელმწიფო კომისიის წევრებით სავსე მრისხანე კათედრის წინ იდგა და სკოლის გამოსაშვებ გამოცდას აბარებდა.

— ინსტიტუტთან დაკავშირებითაც ასევეა, — ანგელოზმა არც კი გაამახვილა ყურადღება ცხოვრების ამ ამალეღვებელ ხანაზე, — მე გირჩევთ, აირჩიოთ, აი, ეს საყრდენი წერტილი, — მან თითო დაადო ფოტოს, სადაც ალექსანდრე შედიოდა ნავთობისა და გაზის უმსხვილესი კორპორაციის მალღივ ოფისში, — არ წახვიდეთ ამ გასაუბრებაზე. დიახ, დიახ. ვიცო, მშვენიერი სამუშაოა. ხელფასი ისეთია — შეგაქანებს. არ მოგატყუებ, ამაზე უკეთესი შანსი, მოენყო ასეთ შემოსავლიან ადგილას, მეტი აღარ გექნება. მაგრამ ეს არაა თქვენი ხვედრი და სამსახური. ენდეთ ჩემს გამოცდილებას. — აგენორმა სახე ალექსანდრეს თვალებს იმდენად მიუახლოვა, რომ თითქმის ცხვირში ელაპარაკებოდა. ალექსანდრემ სასონარკვეთისგან უკან დაინია და თითო ბოლო ფოტოსურათს ატაკა.

— ეს რა არის?

აგენორმა სევდიანად ჩაიციინა.

— ათასწლეულები გადის, ადამიანები კი არ იცვლებით. ეს უკანასკნელი საყრდენი წერტილია, თქვენ შვეულმფრენში ჯდებით, — ფოტოზე ალექსანდრე რკინის საფეხურზე განწირული ხტებოდა.

— იქ გამგზავნეთ! — ალექსანდრემ კიდევ ერთხელ მიანიშნა ფოტოსურათზე და მხნედ დაუდასტურა, — იქ, იქ! დარწმუნებული ვარ, ეს ყველაზე სწორი სვლაა.

— კარგი. თქვენ, თქვენი არჩევანი გააკეთეთ, — ანგელოზი კლავიატურაზე რაღაცას სწრაფად დაანვა და ალექსანდრემ იგრძნო, მქრქალი შუშის სიმყარე ფეხქვეშ როგორ ჩაიქცა და სიღრმეში სავარძლიანად იწყო ჩაძირვა. მერე აგენორის ოდნავ გასაგონი ბუტბუტი შემოესმა:

— ადამიანებს არასდროს შეუძლიათ გააკეთონ სწორი არჩევანი...

\* \* \*

ალექსანდრეს შვეულმფრენი დანახვისთანავე არ მოეწონა. აფრენამდეც კარგად ჩანდა, რომ მისი ადგილი მუზეუმში იყო — სადღაც, ორთქმავლის გვერდით. როდესაც ის კაბინაში ადიოდა, უსაფრთხოების მწვავე შეგრძნებისგან წამით შეყოვნდა, ხელი ჯიბეში ჩაიყო და თითებით მობილური ჩაბლუჯა.

ბოსის ტელეფონის ნომრის აკრეფვისთანავე ხმამ ამაზრზენად დაიქუხა:

— ალექსანდრე! უკვე მზად ხარ მომახსენო ჭაბურღილის მდგომარეობის შესახებ?!

ალექსანდრე სწორედ ისე გახვედა, როგორც თითოეული მონადინებული ხელქვეითი უმალლეს ხელმძღვანელთან საუბრისას ხევდება.

— არა, არა, ჯერ მზად არ ვარ! — ხმაში ხრინნი გაერია, — უბრალოდ, მინდოდა დამეზუსტებინა, აუცილებლად დღეს უნდა გავემგზავრო? ივანე რაღაცას საუბრობდა მოუმზადებელ დოკუმენტაციაზე.

ივანემ, ჭაბურღილს დირექტორმა, ვერტმფრენიდან თავი გამოყო, თითო საფეთქელთან დაიტრიალა და ხელის ენერგიული მოძრაობით მიანიშნა:

„სულელო, ის დაგახრჩობს!“

ამ სიტყვების დასტურად მუბილური ღრიალისგან აფეთქდა:

— რა დოკუმენტაცია, სწრაფად ჭაბურღილზე! ოთხ საათში ჩემთან იდოს დანვრილებითი ანგარიში. გაგათავისუფლებ, შენი დედაც!..

ალექსანდრე კაბინაში შეიძურნა. ძველ, მოუხერხებელ სავარძელზე მიმაგრებული გვერდებმოცვეთილი უსაფრთხოების ქამარი ძლივს მოირგო და ერთი ბენო ილუმინატორს მზერა სტყორცნა. წამით მოეჩვენა, რომ მინის იქითა მხრიდან გაკიცხვით უყურებდა მაღალი, ახალგაზრდა ადამიანი ქერა თმითა და ნათელი, კეთილი სახით, რომელიც დამახინჯებული იყო გრძელი, ღრმა ნაიარევი. მისი ხა მკაფიოდ გაიგონა:

— ეხ, ალექსანდრე. რატომ?

ხმა ძრავის გუგუნში ჩაიკარგა. ფრთებმა თავს ზემოთ მწყობრად იწყეს წრის მოხაზვა, თან ზუზუნით კვეთდნენ ჰაერს. ალექსანდრემ თავი გადააქნია და ჩაილაპარაკა:

— მთელი დღე გზაში ვარ, ასეთ დროს რა არ მოგელანდება.

შვეულმფრენი მსუბუქად შექანდა და მინას მოსწყდა. სავარძელი შეარყია საზარელმა ვიბრაციამ, რომელიც თანდათან ძლიერდებოდა...

რუსულიდან თარგმნა  
აკაკი დაშვილიძე



## ღირს ამაზე დაფიქრება...

მინდა გამოვხატო ის გულისტკივილი, რომელიც დიდი ხნის მანძილზე დამიგროვდა. ათი წელი ვიმუშავე კახეთის გარემოს დაცვის სამმართველოში. იმდენად გავითავისე ბუნების ტკივილი და უბედურება, ლამის ჩემად შევიგრძენი.

ხშირად ვერ ვაცნობიერებთ, რა ზიანი შეიძლება მოგვიტანოს გარემოსადმი ჩვენმა უდიერმა, გაუაზრებელმა დამოკიდებულებამ. ტექნიკური პროგრესი სახეზეა, ყოველივე ეს კი კატაკლიზმების საშიშროებას გვიქმნის. ამიტომ, დიდმა თუ პატარამ, რითაც შეგვიძლია, ხელი უნდა შევეწყნოთ სამყაროს გადარჩენას. მომავალი თაობა გარემოსდამცველ პიროვნებებად უნდა აღვზარდოთ. ერთხელ, სტატია წავიკითხე: დაწყებითი კლასის მოსწავლემ, სანაგვე ურნა ვერ მონახა და ნაჭამი ვაშლი ჯიბეში ჩაიდო. მერე, ძირს რომ დაიხარა, უეცრად, ვაშლი ამოუვარდა. გარემოსდამცველმა იგი დააჯარიმა, რაც ბიჭმა ძალიან განიცადა და ჯარიმა თვითონვე, შეგროვილი ფულით გადაიხადა. ეს მოხდა ევროპაში. ჩვენი პატარები კი რას აკეთებენ? ერთხელ, სკოლის წინ მივდიოდი. ძვირადღირებული მანქანიდან ლამაზი ახალგაზრდა გადმოვიდა, ლიმონათის ბოთლი მოიყუდა, დაცალა და უმისამართოდ მოისროლა. გული მეტკინა და ვუთხარი: შვილო, რა ლამაზი ხარ, რა კარგ მანქანაში ზიხარ, ღმერთმა ყველა სიკეთე დაგაბერტყა და გარემოს რატომღა აბინძურებ? ბიჭს შერცხვა, ბოთლი აიღო და მანქანაში შეინახა. ეს, ალბათ, გამონაკლისი შემთხვევა იყო, რადგან ზოგიერთი ახალგაზრდა, ასეთ დროს ბოთლს გესროდა, ან გიპასუხებდა: დიახ, ასე მსურს და ვაკეთებო!

გიგოს გორის სიახლოვეს ვცხოვრობ, სადაც მედიკო მეზერიშვილმა ეკლესია აგვიშენა. ახალგაზრდები ლუდის დასალევად, ეკლესიის მახლობლად, ყოველდღიურად იკრიბებიან. შევლენ ტყეში, იქეიფებენ და ნარჩენებს აქეთ-იქით ისვრიან. ზოგი, ეკლესიაში ილოცებს და იქიდან გამოსული სიძვის მორევში იძირება. წლებია ასე გრძელდება. ისე ვიქცევით, ვითომ ვერ ვხედავთ და ეს უბედურება ჩვენ არ გვეხება. „ტყე შეუნახე შვილებსაო“ გვეუბნებოდნენ ჩვენი წინაპრები, მაგრამ ეს ბრძნული დარიგება აღარ გვახსოვს. იყო დრო, როდესაც მხოლოდ ქიმიკოსებმა იცოდნენ, რომ ფოთლის წვისას წარმოიქმნება დიოქსინი, რომელიც კარცინოგენულ ნივთიერებებს შეიცავს. იგი ჩასუნთქვისას ორგანიზმში შედის, არ იშლება და ონკოლოგიურ დაავადებებს იწვევს. დღეს, ფოთლის დანვაზე ჯარიმაა დანესებული, მაგრამ კანონს არავინ იცავს. უბანში ჩემი ში-

შით ფოთოლს ვერავინ წვავს, მაგრამ გასაკვირი ისაა, ასეთ დროს, ადამიანები იმას დარდობენ: ვაიმე! ციურიმ არ დაგვინახოსო. მოსალოდნელ საშიშროებაზე კი არვინ ფიქრობს. სწორედ ესაა ჩვენი დაუდევრობა და უპასუხისმგებლობა. გაუ-



ბედურებულია ჩვენი ნაგავსაყრელები. ნიადაგის გასაუვნებელყოფად არანაირი სამუშაოები არ ტარდება. ნალექის დროს, ნარეცხი, გრუნტის ნყლებში ჩადის, იქიდან კი მდინარეებში ჩაედინება. მერე კი ბუმერანგით უკან გვიბრუნდება და გვანადგურებს. განვითარებულ ქვეყნებში ნაგავს ახარისხებენ და სხვადასხვა ურნებში აფასობენ.

ეს მონათხრობი წვეთია, იმ მორევში, რასაც ჩვენი უბედურება ჰქვია. ზღვა კოვზით დაილიაო, იტყვიან და ჩვენც გამოგვეცლება ხელიდან ის სიკეთე, რომელსაც გარემომცველი გარემო ჰქვია. ჩვენ მომსწრენი გავხდით სტიქიის იმ მძვინვარებისა, რომელიც 2012 წლის 19 ივლისს დაგვატყდა თავს. ვიდექით უძლურნი და შეეყურებდით, როდის დასრულდებოდა ეს ჯოჯოხეთი. მაშინ დავრწმუნდი, ჯანსაღი გარემო რომ შევინარჩუნოთ, ყოველი ჩვენგანის დიდი ძალისხმევაა საჭირო.

სტიქიამ ბევრი რამ გაანადგურა, მათ შორის „გიგოს გორა“ და ფიჭვნარის ალდგენის იდეა გამიჩნდა. დაინერა წერილი, რომელსაც უამრავმა ადამინმა მოაწერა ხელი. ყველა აღფრთოვანებული იყო, მაგრამ რა, წერილი თაროზე შემოდეს და კომისიის შედგენით დაგვამშვიდეს.

ოხრად დაგვრჩება ფეშენებლური სასახლეები, სიმდიდრე და დიდება თუ გარემო ჯანსაღი არ გვექნება. შეიძლება ბევრი არ დამეთანხმოს, მაგრამ ჩემი შეფასებით, რეაბილიტაციის შედეგად, განადგურდა ნადიკვარი — ჩვენი წინაპრების მუზის სავანე. დრამატული თეატრი, ძველი თეატრი, მუზეუმი, სტადიონი. ახალა ვდარდობ, რატომ მტკიცე პროტესტი არ გამოვთქვით. ვეკითხები



არქიტექტორებს, ინჟინრებს — რატომ ხმა არ ამოიღეთ. ყველა დუმს. რად გვინდოდა უცხოელი არქიტექტორების რჩევები?.. ბევრი ერი იამაყებდა ჩვენი წარსულით. როდესაც ჩემს შვილიშვილთან ერთად ვიხსენებ საქართველოს ისტორიას, ცრემლი მომდის. რა ტკივილი აღარ გადაუტანია ჩვენს ქვეყანას. ახლა კი, გულგრილობითა და დაუდევრობით ვკარგავთ იმას, რაც სისხლით მოგვიტანეს ბრძენმა წინაპრებმა. რესტავრაციარეაბილიტაცია მესმის, როგორც ძველის აღდგენა და, არა — ეს ნგრევა. სხვა მრავალ პრობლემასთან ერთად, გარემოს დაცვის პრობლემა დამოკლეს მახვილივით ჰკიდია ჩვენს თავზე. ამიტომ, მოგინოდებთ, შემოვკრათ განგაშის ზარი და გარემოს გასაჯანსაღებლად დავირაზმოთ.

ცხოვრება სიკეთის კეთებაში გავლიე, „დედა ტერეზაც“ კი მიწოდეს. მე მტკივა ქვეყანა და მომავალი თაობა. თუ ეს წერილი საზოგადოებას დააფიქრებს, ჩავთვლი, რომ მიზანი მიღწეულია და ბედნიერი ვიქნები, რადგან ყოველივე ზემოთქმული ჩემი სულის ყივილია.

მოვიშველიებ ამონარიდს დიდი ილიას ლექსიდან:

„ჩემზე ამბობენ: ის სიავეს ქართველისას ამბობს,

ჩვენს ცუდს არ ჰმალავს, ეგ ხომ ცხადი სიძულვილია?!

ბრიყვნი ამბობენ, კარგი გული კი მაშინვე სცნობს,

ამ სიძულვილში რაოდენი სიყვარულია“.

**ციური ბაღურაშვილი**



## იანვარი-თებერვალი



\*\*\*

თელავის მერს, პლატონ კალმახელიძეს, ელენე ახვლედიანის სამხატვრო სკოლის მოსწავლეებმა საგანგებოდ საახალწლოდ გადაღებული ანიმაციური ფილმი უსახსოვრეს. ქალაქის მერმა, ახალგაზრდა ანიმატორებს, მადლობა გადაუხადა განსაკუთრებული საჩუქრისთვის და მერიის დაკვეთით გამოცემული 2016 წლის კალენდრები გადასცა.

ახალგაზრდა ანიმატორები, გასულ წელს, თელავის მერიის დაფინანსებით, ბულგარეთში, ანიმაციის საერთაშორისო ფესტივალზე იმყოფებოდნენ. მათ მიერ წარდგენილმა ნამუშევარმა ჟიურის სპეციალური ჯილდო დაიმსახურა.



კონცერტი თვითმმართველი თემის ა(ა)იპ „კულტურის ცენტრის“ ორგანიზებით ჩატარდა.



\*\*\*

გრძელდება თელავის გენერალური გეგმის შემუშავება. ქალაქის განვითარების მთავარ დოკუმენტზე გერმანიიდან ჩამოსული პროფესორებისა და მაგისტრანტების ჯგუფი მუშაობს.

თელავის მერის, პლატონ კალმახელიძის, ერთ-ერთ წინასაარჩევნო დაპირებას, სწორედ, ქალაქის გენერალური გეგმის შემუშავება წარმოადგენდა.



\*\*\*

ძველით ახალ წელს, თელავში, საახალწლო კონცერტი ჩატარდა. სცენაზე ერთმანეთს ენაცვლებოდნენ ადგილობრივი და მონვეული შემსრულებლები. თბილისის ბიგ ბენდი — სოლისტები: ქეთი ფარეშიშვილი, მარიკო ებრალიძე, ზაურ შავგულიძე, თემო საჯაია. თელაველი ახალგაზრდა შემსრულებლები: რუსუდან მანველი, დათო შიშმანაშვილი; ბენდი „მუსიკის ქალაქი“ და „ფიქრის ხიდი“. მიუხედავად უამინდობისა, საყვარელი მომღერლების ხილვით, მსმენელმა დაუვინყარი შთაბეჭდილება მიიღო.

\*\*\*

13 იანვარს, სოფელ იყალთოს ახლად გაშენებულ სკვერში, ბენდი „ფიქრის ხიდი“ საახალწლო კონცერტი გაიმართა. ბენდის წევრებმა მაყურებელს, საკუთარ სიმღერებთან ერთად, მსოფლიო ჰიტები შესთავაზეს.

ღონისძიება საახალწლო ფოიერვერკით დასრულდა.



\*\*\*

თელავის მერმა, პლატონ კალმახელიძემ, თელავის 2015 წლის ეტალონის გამარჯვებული — რატი გალახვარიძე 1000 ლარიანი ფულადი ვაუჩერით დააჯილდოვა. ქალაქის მერმა წარჩინებული მოსწავლის აღზრდისთვის მე-7 სკოლის დირექტორს მაია სილაგაძეს და პედაგოგს დალი პოპიაშვილს მადლობა გადაუხადა და ყვავილების თაიგული მიართვა. თელავში





ჩატარებული ეტალონის ფინალში სულ ცხრა სკოლა მონაწილეობდა.

გაზაფხულზე, თბილისში, რეგიონებში გამარჯვებული მოსწავლეების მონაწილეობით ეტალონის დასკვნითი შეჯიბრი გაიმართება.



\* \* \*

ქალაქ თელავის მერი პლატონ კალმახელიძე და ვიცე-მერი თენგიზ მთვარელიშვილი, თელავის მთავარი ბიბლიოთეკის სამკითხველო დარბაზში, წიგნის კითხვის მსოფლიო დღისადმი მიძღვნილი ღონისძიებას დაესწრნენ.

ქალაქის მერმა ისაუბრა წიგნის მნიშვნელობაზე და შეკრებილ საზოგადოებას მადლობა გადაუხადა ამ მნიშვნელოვანი ღონისძიების მოწყობისთვის.

შეხვედრას თელაველებისთვის საყვარელი პოეტები და პროზაიკოსები ესწრებოდნენ, რომელთა ნაწარმოებებიც საჯაროდ წაიკითხეს.

წიგნის საჯაროდ კითხვის დღე, მსოფლიოში ცნობილი ღონისძიებაა, მრავალ ქვეყანაში აღინიშნება და ყოველწლიურად 31 მილიონ ადამიანამდე მონაწილეობს.

64



## ლიტერატურული კონკურსი „ჩვენ მოვდივართ“

მწერალთა ასოციაცია „ლიტერატურული კახეთი“, საუკეთესო პოეტური და პროზაული ნაწარმოებების გამოსავლენად, აცხადებს ლიტერატურულ კონკურსს „ჩვენ მოვდივართ“

ნამუშევრები მიიღება 2016 წლის 15 აპრილის ჩათვლით.

კონკურსის შედეგები შეჯამდება მაისში და გამარჯვებულებს, დამსახურებისამებრ, გადაეცემათ: ოქროს, ვერცხლისა და ბრინჯაოს დიპლომები.

გამარჯვებული ნაწარმოებები გამოქვეყნდება ჟურნალ „ოლეს“ 2016 წლის ნომერებში.

კონკურსი ტარდება ორ ასაკობრივ ჯგუფში:

მოზარდთა — 17 წლამდე;

ახალგაზრდული — 17-დან 35 წლამდე.

საკონკურსო მასალები მოიტანეთ ან გამოგზავნეთ მისამართზე: თელავი, ერეკლე II-ის გამზირი N6, III სართული — მწერალთა ასოციაცია „ლიტერატურული კახეთი“. ან გამოგზავნეთ ელექტრონულ მისამართზე: [akakidau@mail.ru](mailto:akakidau@mail.ru)

საკონტაქტო ტელეფონი: 558 48 24 80

*მწერალთა ასოციაცია „ლიტერატურული კახეთის“  
ახალგაზრდა მწერალთა სექცია,  
კონკურსის საორგანიზაციო კომიტეტი*

## ქრისტიანული პოეზიის VI ფესტივალი „წმინდა ნინოს ჯვარი“

ავტორებმა ერთი გამოუქვეყნებელი ლექსი უნდა გამოგზავნონ, ამა წლის 15 აპრილის ჩათვლით, ელექტრონულ მისამართზე:

[festivali2011@yahoo.com](mailto:festivali2011@yahoo.com)

[festivali2011@mail.ru](mailto:festivali2011@mail.ru)

ლექსს თან უნდა ერთვოდეს ავტორის სახელი და გვარი, ტელეფონის ნომერი და მისამართი.

ფესტივალის გამარჯვებულები დაჯილდოვდებიან შემდეგი პრიზებით:

მთავარი პრიზი — წმინდა ნინოს ჯვარი,

პრიზი — წმინდა ნინოს ჯვრის მედალიონი,

პრიზი — წმინდა ნინოს ჯვრის მედალი.

საბავშვო ლექსების ავტორების ნახალისების მიზნით, ნელს, ცალკე შეფასდება ქრისტიანულ თემატიკაზე გამოგზავნილი საბავშვო ლექსები და ასეთი ავტორებისთვის ცალკე გაიცემა პრიზები.

საფესტივალოდ გამოგზავნილი ლექსები დაიბეჭდება კრებულად.

ფესტივალი ჩატარდება 2016 წლის 1 ივნისს.

საკონტაქტო ტელეფონი: 555 46 44 29

*ფესტივალის საორგანიზაციო კომიტეტი*





მხატვარი გოჩა ბალაშვილი

